

O Le Liahona



**Alofa: O Le Ute o
le Tapuaiga Mama,
itu. 4, 14**

Saolotoga Faalelotu:
O Se Savali o le Tulaga
Tutusa, itu. 22

O Le Ala na Ou Sao Ai
mai Mafaufauga o le Pule
i le Ola, itu. 30

Aufono a Uarota: O Le
Meafaigaluega a le Alii e
Faamanuia ai Aiga, itu. 34



*"O le mea lea, e tatau
ai ona outou fetaomi
atu i luma ma le tumau
ia Keriso, ma se susulu
atoatoa o le faamoe-
moe, ma le alofa i le
Atua ma tagata uma.
O le mea lea, afai tou
te fetaomi atu i luma,
ma taumamafa fiafia i
le afioga a Keriso, ma
tumau e oo i le iuga,
faauta, ua faapea ona
fetalai mai o le Tama:
O le a outou maua le
ola e faavavau."*

2 Nifae 31:20

O Le Liahona, Setema 2016

O SAVALI

- 4 Savali a le Au Peresitene Sili: A Mavae le Alofa, Ona A Lea?**
Saunia e Peresitene Dieter F. Uchtdorf
- 7 Savali a Faiaoga Asiasi: O Le Tulaga Faamatua o se Tiute Paia**

TALA FAAALIA

- 14 Faatino le Tapuaiga Mama**
Saunia e Elder Don R. Clarke
Aoao e alofa i le Faaola e ala i le faatinoina o le tapuaiga mama.

22



20 O Le Sefuluai, Taimi, ma Auala o Femalagaaiga

Saunia e Atilio Coitiño Guzmán
Sa leai se matou tupe e o ai i ni taavale laupasese po o le pasi i le lotu, sei vagana ai ua matou faaaogaina le tupe o la matou sefuluai.

22 Faatuatua, Tulaga Tutusa, ma le Saolotoga Faalelotu

Saunia e Elder Ronald A. Rasband
E ala i le aapa atu i isi i se agaga o le tulaga tutusa, o le a e lagonaina se faateleina o le alofa o le Faaola mo oe ma isi.

30 Filifili e Ola: Faatoilaloina o Mafaufauga o le Pule i le Ola

Taofia le igoa
O le Malamalamama o le Lalolagi na fesoasoani ia te au e manumalo i le pogisa o lou vaitaimi o le faanoanoa.

34 "Faapotopoto Faatasi i Lou Igoa"

Saunia e Jakob R. Jones
Vaai i fua o taumafaiga a se tasi o aufono a le uarota e saili faaaliga ma faatino le alofa.

MATAGALUEGA

- 8 Tusigāmanatu o le Konafesi o Aperila 2016**
- 10 Ataata: Sister Mabel, o Loo Pese**
Saunia e R. Val Johnson
- 11 Auaunaga i le Eklesia: Faamnuiaina ona o La'u Auaunaga**
Saunia e John A. Grincer
- 12 O Tatou Aiga, O Tatou Auaiga: O Le Faatalitalia o se Masaga, Mauaina o le Vavega**
Saunia e Cheryl Lapating-La Torre
- 40 O Leo o Le Au Paia o Aso e Gata Ai**
- 80 Seia Tatou Toe Feiloai: O Le Maa Tuia Tele o Siona**
Saunia e Peresitene Ezra Taft Benson




I LE FAAVAA

Luma: Faamatalauga mai le *Na Ia Faamaloloina le Toatele*, saunia e J. Kirk Richards. Totonu o le faavaa: Ata na pueina e Philipp Klinger © Getty Images. I totonu o le faavaa i tua: Les Nilsson.

AUTALAVOU MATUTUA

44



44 Leai se Tulaga Tutusa: O Le Ala ua Faatosina ai i Tatou e Ala o Faasalalauga

Saunia e Aysia Tan

Ua faatosinaina i tatou e ala o faasalalauga i se tasi itu po o se isi foi itu—pe lelei pe leaga.

48 Talaaga Otooto o Talavou Matutua: Fausiaina o le Malo i Ausetalia

Saunia e Ben Robinson

O le logonoa e lei taofia ai Callan Brooks mai le fesoasoani i le faanatinatiina o le galuega a le Alii i Ausetalia.

Vaai pe mafai ona e mauaina le Liahona o loo natia i le lomiga lenei. Faaitete: E mafai faapefea ona avea oe ma se faifeautalai?



AUTALAVOU

50 Mai le Misiona:

Alu e Vaai Repeka

Saunia e Mindy Raye Friedman

52 Pepa Lautele o I Ai se Savali:

Vaai i le Malamalamā

53 Tuusao i le Mataupu

Faigata ona faatuatua? Fesiliga se perofeta?

54 Vasega Suisui ma se Avanoa Lona Lua

Saunia e Belen Chaparro

Ina ua ou le maua le avanoa e faasoa atu ai le talalelei i lau faiaoga piano, na ou iloaina e le tatau ona ou toe misia se isi avanoa.

56 Poloiga = Alofa

Saunia e Charlotte Larcabal

O le a le mea e faia e poloiga i le alofa?

58 O Le Auala Ua Ou Iloa Ai:

Aisea o Le Tusi a Mamona Ai?

Saunia e Elvin Jerome Laceda

60 Faamalosia e ala i le Afioaga a le Atua

Saunia e Elder Yoon Hwan Choi

O le suesue i tatusisiga paia ma le mulimuli i le perofeta na fesoasoani ia te au e fai ni filifiliga taua i lou olaga.

63 Tali mai Taitai o le Ekalesia: O Le Ala e Faaalia ai le Loto Faafetai

Saunia e Elder Robert D. Hales

64 O La Tatou Avanoa

TAMAITI

65



65 O Fea le Auala e Filifili?

Saunia e Abbey F.

E ui lava na sauaina au, o le muli-muli ia Iesu o le ala sili lea.

66 E Faafofoga le Tama Faalelagi i Au Tatalo

Saunia e Neill F. Marriott

Tatou te manaomia le fesoasoani i le olaga, ma e finagalo le Tama Faalelagi e tuuina mai lena fesoasoani ia i tatou.

68 O Tamaiti E Tutu Maualuluga:

Avea ma se Faifeautalai

Saunia e Jenna Koford

Na faasoa atu e Jesse le talalelei e ala i le filifili e fai se lipoti i le aoga e uiga ia Iuta.

70 Fesoasoani i le Vaaiga o Elise

Saunia e Merillee Booren

Vaai i le ala na taofia ai e Daniel le ita i lona tuafafine ma faaalia lona alofa mo ia.

72 O Tali mai se Apostolo: Aisea e taua ai le Togiola a le Faaola?

Saunia e Elder Dallin H. Oaks


73 O La Tatou Itulau

74 E Alofa Iesu i Tagata Uma

75 E Mafai Ona Ou Faitauina le Tusi a Mamona

76 Tala o le Tusi a Mamona: Ua Asiasi Iesu i Tagata Sa Nifae

79 Itulau e Valivali: E Mafai Ona Ou Fesoasoani i Lo'u Aiga



58

SETEMA 2016 VOL. 40 NU. 9
O LE LIAHONA 13289 890

O Lemoga Faamaonia Faa-Samoa a le Ekalesia
a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson,
Henry B. Eyring, Dieter F. Uchtdorf

O Le Korama a Apostolo e Toasefululu:

Russell M. Nelson, Dallin H. Oaks, M. Russell Ballard,
Robert D. Hales, Jeffrey R. Holland, David A. Bednar,
Quentin L. Cook, D. Todd Christofferson, Neil L. Andersen,
Ronald A. Rasband, Gary E. Stevenson, Dale G. Renlund

Faatonu: Joseph W. Sitati

Assistant Editors: James B. Martino, Carol F. McConkie

Fautua: Brian K. Ashton, Randall K. Bennett, Craig A.
Cardon, Cheryl A. Esplin, Christoffel Golden, Douglas D.

Holmes, Larry R. Lawrence, Carole M. Stephens

Pule Faatonusili: Peter F. Evans

Faatonusili o le Lagolago mo Aiga ma

Tagata o le Ekalesia: Vincent A. Vaughn

Faatonusili o Mekasini a le Ekalesia: Allan R. Loyborg

Pule o Mea Tau Pisinihi: Garff Cannon

Pule Faatonutonu: R. Val Johnson

Pule Faatonutonu Lagolago: Ryan Carr

Lagolago o Lemoga: Megan Seitz

Au Tusitusi ma Faatonutonu: Brittany Beattie, David Dickson, David A. Edwards, Matthew D. Flitton, Lori Fuller, Garrett H. Garff, LaRene Porter Gaunt, Jill Hacking, Charlotte Larcabal, Michael R. Morris, Eric B. Murdock, Sally Johnson Odekirk, Joshua J. Perkey, Jan Pinborough, Richard M. Romney, Mindy Anne Selu, Paul VanDenBerghe, Marissa Widdison

Pule Faatonusili Tusiata: J. Scott Knudsen

Faatonusili Tusiata: Tadd R. Peterson

Au Mamanu: Jeanette Andrews, Fay P. Andrus, C. Kimball Bott, Tom Child, Nate Gines, Colleen Hinckley, Eric P. Johnsen, Susan Lofgren, Scott M. Mooy, Mark W. Robison, Rachel Smith, Brad Teare, K. Nicole Walkenhorst

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Connie Bowthorpe Bridge, Julie Burdett, Bryan W. Gygi, Ginny J. Nilson, Gayle Tate Rafferty, Derek Richardson

Tailolomi: Jeff L. Martin

Faatonusili Lolomiga: Craig K. Sedgwick

Faatonusili o le Tuafufaga: Stephen R. Christiansen

Mo le okaina o mekasini, alu i le store.lds.org po o le Faletutu o Pesega. Telefoni 64127. Totogi o le Mekasini: \$0.55 (Samoa) ī le kopī. Totogi mo le Tausaga Atoa \$6.60 (Samoa).

Auina atu tusitusiga ma faafesili i lugu o le initoneti

i le liahona.lds.org; pe meli mai i le *Liahona*,
Rm. 2420, 50 E. North Temple, Salt Lake City, UT 84150-
0024, USA; po o le i-meli: liahona@ldschurch.org.

O le *Liahona* (o lona uiga i le *Tusi a Mamona* o le "tapasa"
po o se "faatonutonu") ē lomia i le faa-Alepania, Aminia
(Sasae), Pisilama, Palekeria, Kemupotia, Sepuanio, Saina,
Kalaotia, Siekisolvakia, Tenimaka, Take, Igilisi, Esitonita,
Fiti, Finelani, Farani, Siamani, Eleni, Hanikeri, Initu, Iselani,
Initonesea, Italia, Japani, Kiripati, Korea, Latvia, Litunia,
Malakasa, Masela, Monokolia, Nouei, Polani, Potukale,
Romania, Rusia, Samoa, Saina (ua faafagofieina), Silovenia,
Sipaniolu, Suetena, Swahili, Tagaloka, Tahiti, Tai, Toga,
Iukureini, Urutu, ma Viatename. (E eseseva lava gagana.)

© 2016 Puletaofia e le Intellectual Reserve, Inc. Ua taofia
aia tatau ura. Lomia i le lunaitate Setete o Amerika.

E mafai ona kopī tala ma ata o le *Liahona* mo le toe
faaaogaina i lotu po o le aiga ae ia le faia ai ni pisinisi. E le
tatau ona kopī ni tala po o ni ata pe afai o faasa mai i le
laiona o loa tāua ei le a le ona lea faatuifugaga. Auina atu
e uiga i le puletaofia e le Intellectual Property Office, 50 East
North Temple Street, Salt Lake City, UT 84150, USA; i-meli:
cor-intellectualproperty@ldschurch.org.

For Readers in the United States and Canada:

September 2016 Vol. 40 No. 9. O LE LIAHONA (USPS 311)
Samoa (ISSN 1045-0947) is published monthly by The
Church of Jesus Christ of Latter-day Saints, 50 East North
Temple, Salt Lake City, UT 84150. USA subscription price
is \$10.00 per year; Canada, \$12.00 plus applicable taxes.
Periodicals Postage Paid at Salt Lake City, Utah. Sixty days'
notice required for change of address. Include address label
from a recent issue; old and new address *must* be included.
Send USA and Canadian subscriptions to Salt Lake
Distribution Center at address below. Subscription help
line: 1-800-537-5971. Credit card orders (Visa, MasterCard,
American Express) may be taken by phone. (Canada Post
Information Publication Agreement #40017431)

POSTMASTER: Send all UAA to CFS (see DMM 507.1.5.2).

NONPOSTAL AND MILITARY FACILITIES: Send address
changes to Distribution Services, Church Magazines,
P.O. Box 26368, Salt Lake City, UT 84126-0368, USA.

Manatu mo Afiafi Faaleaiga

*O lenei lomiga o loo aofia ai tusiga ma gaoioiga e mafai ona faaaoga mo afiafi faaleaiga.
O ni faataitaiga nei se lua.*



"Poloiga = Alofa," itulau 56: Mafau-fau e lesili i lau fanau e uiga i tulaga na faaoosooina ai i latou e aua le usitai ia te oe. O faataitaiga e ono aofia ai le taaalo i se auala pisi po o le o e momoe i se taimi faapitoa. Lesili ia i latou pe aisea i lo latou manatu na e tuuina atu ai na faatonuga (aua e te alofa ia i latou) Ona mafai lea ona e faaaogaina lenei tusiga e faaaoga ai lenei mataupu faavae i poloiga mai le Tama Faalelagi. Faamatala atu ua tuuina mai e le Tama Faalelagi poloiga ia i tatou aua e alofa o la ia i tatou ma Na te silafia o no poloiga e fesoasoani e puipuia i tatou.

E mafai ona tatou faaalia lo tatou alofa mo la e ala i le tausia o na poloaga.

"Vaavaai Atu mo Elise," itulau 70: Ua faamatala mai e le tusiga se tala i se tamaitiiti e igoa ia Daniel lea e lagona i nisi taimi le ita i lona tuafafine e le atoatoa le malosi e ui lava e alofa o ia ia te ia. Mafau-fau e faitau le tusiga faatasi ma lau fanau. E mafai ona e lesili ia i latou pe na faapefeka ona faaalia e Daniel lona alofa mo lona tuafafine ona saunia lea o se lisi o auala e mafai ai e lou aiga ona faaalia le alofa mo le tasi, i le mulimuli i le faataitaiga a Daniel.

FAAOPOOPOGA O LOO MAUA I LE INITONETI

O loo maua le *Liahona* ma isi mea e faaaoga a le Ekalesia i le tele o gagana i le **languages.lds.org**. Asiasi i le **facebook.com/liahona.magazine** (e maua i le gagana Peretania, Potukale, ma le Sipaniolo) e sue ai savali musuia, manatu mo afiafi faaleaiga, ma mea e faaaoga e mafai ona e faasoa atu i au uo ma aiga.

AUTU I LE LOMIGA LENEI

E tau mai e numera le itulau muamua o le tusiga.

Agaga Paia, 41

Aiga, 7, 12, 79

Ala o faasalalauga, 44

Alofa, 4, 56, 66, 70, 74

Alualu i luma, 40

Atuatuvale, 30

Auauna atu, 11, 41, 79

Aufono, 34

Faamaualuga, 80

Faamoemoe, 52

Faatuatua, 11, 22, 48

Galuega faafaifeatalai, 42, 43, 48, 54, 68

Iesu Keriso, 4, 22, 30, 65,
72, 74

Loto Faafetai, 63

Malamalama, 30, 52

Molimau, 58

Muai olaga, 53

Mulimuli i le perofeta,
53, 60

Poloiga, 4, 56

Saolotoga faalelotu, 22

Sauaina, 65

Sefuluai, 20

Seminare, 60

**Suesue i tusitusiga
paia,** 60

Tatalo, 66

Tekinolosi, 44

Tofotofoga, 12, 40, 64

Togiola, 72

Tulaga Faalematua, 7

Tusi a Mamona, 54, 58,
74, 75, 76

Tuuto, 10

Usiusitai, 4, 53, 56, 60

Valaauga, 11, 34



**Saunia e
Peresitene
Dieter F. Uchtdorf**

Fesoasoani Lua i le Au
Peresitene Sili

A MAVAE LE ALOFA, ONA A LEA?

Olo tatou perofeta pele, o Peresitene Thomas S. Monson, na aoao mai faapea “o le alofa o le ute o le talalelei.”¹

O le alofa e matuai ttau lava lea na ta'ua ai e Iesu “o le poloaiga muamua lena ma le sili” ma na faapea mai o isi vaega uma o le tulafono ma upu a perofeta e autu i ai.²

O le alofa o le faamoemoega autu lea mo mea uma tatou te faia i le Ekalesia. O polokalama uma, fonotaga uma, o faatinoga uma ua avea ai i tatou ma se vaega o soo o Iesu Keriso e ttau ona tupu mai lenei uiga paia—aua a aunoa ma le alofa mama, “le alofa mama o Keriso,” ua meanoa lava i tatou.³

O le taimi lava tatou te malamalama ai i lenei vaega i o tatou mafaufau ma loto, o le taimi lava tatou te folafola atu ai lo tatou alolofa mo le Atua ma o tatou uso a tagata—ona a lea?

Pe ua lava le lagona o le agaalofa ma le alofa mo isi? Pe mafai e le folafolaina atu o lo tatou alolofa mo le Atua ma lo tatou tuaoi ona faamalie ai lo tatou tiutetauave i le Atua?

O Le Faataoto i Atalii e Toalua

I le malumalu i Ierusalema, o fataulaga sili ma aoao a Iutaia na o mai ia Iesu ina ia maileia o Ia i Ana upu. Ae peitai, na suia e le Faaola le tulaga i le faamatalaina o se tala.

“O se tasi tagata e toalua ona atalii,” na Ia amata ai. Na alu atu le tama i le atalii muamua ma fai atu e alu e galue i le tovine. Ae na musu le atalii. Mulimuli ane o lena atalii “na salamo o ia, ma alu.”

Na alu atu le tama i lona atalii lona lua ma fai atu e alu e galue i le tovine. O le atalii lona lua na faamautinoia ia te ia o le a alu o ia, ae lei alu lava.

Ona liliu atu lea o le Faaola i fataulaga ma aoao ma fesili atu, “O ai ea o so laua na faia le loto o lo la tama?”⁴

Na tatau ona latou taliina faapea o le atalii muamua—lea na fai mai e le alu ae na mulimuli ane salamo ma alu e galue i le tovine.⁴

Na faaaoga e le Faaola lenei tala e faamamafa ai se mataupu faavae taua—o i latou e usiusitai i poloaiga e alolofa moni lava i le Atua.

Atonu o le mafuaaga lenei na fetalai atu ai Iesu i tagata e faalogo ma mulimuli i upu a le au Faresaio ma le au Tusiupu ae aua le mulimuli ia latou faataitaiga.⁵ O nei aoao faalelotu e lei savavali i mea na latou aoaoina. Na latou fiafia e tautatala e uiga i mataupu faalelotu, ae o le mea e faanoanoa ai ua latou misia le ute.

Faatinoga ma Lo Tatou Faaolataga

I se tasi o lesona faaia a le Faaola i Ona soo, na Ia fetalai ia i latou i le Faamasinoga mulimuli. O le a tuueseese e amioleaga ma e amiontonu. O e lelei o le a maufoti i le ola e faavavau; o e amioleaga o le a tuuina atu i le faasalaga e faavavau.

O le a le eseesege o ia vaega e lua?

O i latou na faaalia lo latou alolofa e ala i le faatinoina na faaolaina. O i latou e lei faia na faasalaina.⁶ O le liua moni i le talalelei a Iesu Keriso ma ona tulaga faatauaina ma mataupu faavae o le a molimauna e ala ia tatou faatinoga i o tatou olaga i aso taitasi.

I le iuga, o le na o le folafola atu o le alofa mo le Atua ma uso a tagata o le a tatou le agavaa ai mo le faaeaga. Aua, e pei ona aoao mai Iesu, “e le sao atu i le malo o le lagi i latou uma o e fai mai ia te au, le Alii e, le Alii e; na o le na te faia le finagalo o lo'u Tama o i le lagi.”⁷



O Le A Le Mea e Sosoo Pe a mavae le Alofa?

O le tali i le fesili “A mavae le alofa, ona a lea?” e mafai ona faigofie ma tuusao. Afai tatou te alolofa moni i le Faaola, tatou te tuu atu o tatou loto ia te Ia ona tatou savavali lea i le ala o le avea ma soo. Afai tatou te alolofa i le Atua, o le a tatou taumafai e tausi Ana poloaiga.⁸

Afai tatou te alolofa moni i o tatou

uso a tagata, tatou te aapa atu i tatou lava e fesoasoani i “e ua matitiva ma e ua lē tagolima, o e ua mamai ma e ua puapuagatia”⁹ Mo i latou e faia nei faatinoga le manatu faapito o le agalelei ma le auauna atu,¹⁰ o i latou na o soo o Iesu Keriso.

O le mea lenei e mulimuli mai i le alofa.

O le ute lenei o le talalelei a Iesu Keriso. ■

FAAMATALAGA

1. Thomas S. Monson, “Alofa—o le Ute o le Talalelei,” *Liahona*, Me 2014, 91.
2. Tagai Mataio 22:36–40.
3. Tagai Moronae 7:46–47.
4. Tagai Mataio 21:28–32.
5. Tagai Mataio 23:3.
6. Tagai Mataio 25:31–46.
7. Mataio 7:21.
8. Tagai Ioane 14:15.
9. Mataupu Faavae ma Feagaiga 52:40.
10. Tagai Mosaea 18:8–9.

AOAO ATU MAI LENEI SAVALI

Ua faamatala mai e Peresitene Uchtdorf faapea o soo moni o lesu Keriso o i latou ia e faaalia lo latou alolofa mo la ma isi e ala ia latou faatinoga. Ua la aoao mai e faapea “afai tatou te alolofa moni i le Faaola, tatou te tuu atu o tatou loto ia te la ona tatou savavali lea i le ala o le avea ma soo.” Mafaufau e fesili atu i e ua e aoaoina po o a auala na uunaia ai i latou e le alofa ia savavali i le ala o le avea ma soo. E mafai ona e faasoa atu foi ou aafiaga ia i latou. E mafai ona e mafaufau e valaaulia i latou e tatalo mo le alofa mama sili atu ma le malosi e faatino ai le alofa.

Tausia o Poloaiga ma Alofa i Isi

Pe a tatou mafaufau i le alofa, e masani o le mea muamua e oo mai i le mafaufau o ata tifaga o le alofa logoitino, sukalati, ma fugalaau. Ae o le alofa—*alofo* moni—e sili atu le loloto ma e sili atu le le manatu faapito nai lo lena. Na soifua lesu Keriso mo i tatou ma na maliu mo i tatou ona o Lona alofa mo i tatou. O le mea moni, o poloaiga sili e lua o le alofa i le Atua ma le alofa mo isi tagata uma (tagai Mataio 22:36–40). Ae e faapefea ona mafai ona tatou *faaalia* i isi tatou te alolofa ia i latou?

Ua faasoa mai e Peresitene Uchtdorf le faataoto a Keriso i atalii e toalua, o le tasi na galue mo lona tama ma le isi e lei faia. Ua faamino mai e le Faaola e na o le atalii na

usiusitai i lona tama na alofa moni lava ia te ia. E faapena foi, pe a tatou usiusitai i poloaiga a le Atua, ua tatou faaali atu tatou te alolofa ia te la ma mananao e toe foi atu ia te la.

Ae e faapefea ona tatou faaalia tatou te alolofa i isi tagata uma? Ua faamatala mai foi e Peresitene Uchtdorf lena mea:

"Afai tatou te alolofa moni i o tatou uso a tagata, tatou te tuuina atu i tatou lava e fesoasoani 'i e matitiva ma le tagolima, e mamai ma pua-puagatia.' Aua o i latou e faia nei faatinoga le manatu faapito ma le auaunaga, o soo ia o lesu Keriso."

O lea la o le isi taimi e te vaai ai i ou matua, se tei, po o se uo, mafaufau e uiga i le auauna atu ia i latou e faaalia ai lou agaalofa mo i latou. E le gata o le a faafafia ai i latou ma oe, ae o le a faafafia ai foi lou Tama Faalelagi.







TAMAITI

Faaalia le Alofa

Na faasoa mai e lesu se tala i se tama ma ona atalii e toalua. Na galue le tama i se tovine ma na fai atu i ona atalii e toalua e fesoasoani. O le atalii muamua na fai mai muamua e leai ae na alu mulimuli ane e fesoasoani i le tovine. O le atalii lona lua na fai mai o le a ia fesoasoani, ae na te

lei faia lava. Na aoao mai lesu e faapea o le atalii muamua na faaalia le alofa sili atu mo lona tama e ala i le usiusitai.

Faatino le tala! Ona tusi lea o ni mea se tolu e mafai ona e faia pe tusi ni ata e faaalia ai lou alofa mo le Tama Faalelagi.



Ia suesue ma le agaga tatalo lenei savali ma saili mo le uunaiga ia iloa mea e faasoa atu. O le a faapefea e le malamalama i le “O Le Aiga: O se Folafolaga i le Lalolagi” ona faateleina lou faatuata i le Atua ma faamanuiaina ai i latou e te tausia i le faiaoga asiasi? Mo nisi faamatalaga, alii i le reliefsony.lds.org.

O le Tulaga Faamatua o se Tiute Paia

Na faatuina e le Tama Faalelagi Aiga e fesoasoani ia i tatou e aoao mataupu faavae sao i se siosiomaga agaalofa. Na saunoa mai Peresitene Thomas S. Monson: “Faamalo atu i si au tama ma fusi atu ia te ia: fai i ai, ‘E sili atu lo’u alofa ia te oe; ia faaalia e le aunoa lou agaga faafetai. Aua nei sili atu le taua o se faafitali e foia nai lo se tagata ina ia alofaina.”¹

Na aoao mai Susan W. Tanner, o le Peresitene aoao talu ai o Tamaitai Talavou: “O lo tatou Tama Faalelagi ua faataitaia le faatulagaga e ao ona tatou mulimuli ai. E alofa o Ia ia i tatou, aoao i tatou, e onosai ia i tatou, ma tuuina mai lo tatou saolotoga. . . . O nisi taimi o le aoaiga, o lona uiga ia “aoao atu,” e fenumiai ma le faitioina. O fanau—e faapea foi i tagata o soo se tupulaga—e mafai ona faaleleia ia amio ona o le alofa ma faamalosiauga nai lo le saili masei.”²

Mafaufau i le Mea Lenei

Aisea e sili atu ai le aoao atu o le talalelei e ala i le gagana ma le faataitaiga o le alofa?



“Afai tatou te faia ma le faamaoni tatalo faaleaiga, suesuega o tusitusiga paia, afifi faaleaiga, faamanuiaga faaleperisitua, ma le tausia o le aso Sapati,” na saunoa ai Elder Quentin L. Cook o le Korama a Aposetolo e Toasifululua, “o a tatou fanau o le a . . . saunia i latou mo se aiga e faavaau i le lagi e tusa lava po o a mea e tutupu ia i latou i se lalolagi faigata.”³

Mau Faaopoopo

1 Nifae 8:37; 3 Nifae 22:13; Mataupu Faavae ma Feagaiga 93:40; 121:41

FAAMATALAGA

1. Thomas S. Monson, “Alofa i le Aiga—Fautuaga mai lo Tatou Perofeta,” *Liahona*, Aok. 2011, 4.
2. Susan W. Tanner, “Pe na Ou Tau Atu Ea ia te Oe . . . ?” *Liahona*, Me 2003, 74.
3. Quentin L. Cook, “O Le Alii o Lou Malamalama Ia,” *Liahona*, Me 2015, 64.
4. Robert D. Hales, “O Lo Tatou Tiute i le Atua: O le Misiona a Matua ma Taitai i le Tupulaga Faiae,” *Liahona*, Me 2010, 95.

Faatuatua, Aiga,
Toomaga



Tala Mai E o Soifua

“I se tasi afiafi sa ou faitau ai i se nusipepa ae sau se tasi o atalii o lou atalii ma nofo latalata mai ia te au,” na saunoa mai ai Elder Robert D. Hales o le Korama a Aposetolo e Toasifululua. “Ao ou faitau, sa ou fiafia i lou faalogo atu i lona leo malie ao ia talatalanoa mai. Vaai faalemafaufau i lou maofa, i se taimi mulimuli ane, na ia oso mai ai i le va o au ma le pepa. Na ia uuina ou foliga i ona lima ma oomi mai lona isu i lou isu ma fesili mai, ‘Tama matua! O e i ai iina?’

“. . . O le i ai *iina* o lona uiga o le malamalama i loto o le autalavou ma fesootai ma i latou. Ma o le fesootai ma i latou o lona uiga e le na o le talanoa ma i latou ae o le faia o mea faatasi ma i latou. . . .

“E tatau ona tatou fuafua ma faaaoga avanoa uma o taimi o aoaoga. . . .

“. . . O le umi ou te ola ai, o le tele lea o lou iloa o le taimi o aoaoga o lou talavou, ae maise lava aoaoga na tuuina mai e ou matua, sa faavasega ai lou olaga ma le ituaiga tagata ua avea ai au.”⁴

TUSIGĀMANATU O LE KONAFESI O APERILA 2016

“O le mea ua fai atu ai A’u o le Alii ua Ou fai atu ai; . . . pe i lo’u lava leo po o i le leo o a’u auauna, ua tutusa lava” (MF&F 1:38).

A o e iloiloina le konafesi aoao ia Aperila 2016, e mafai ona e faaaogaina itulau nei (ma Tusigāmanatu o le Konafesi i lomiga i le lumanai) e fesoasoani ia te oe e suesue ma faaaoga aoaoga talu ai nei a perofeta ma aposestolo soifua ma isi taitai o le Ekalesia.



MATAUPU FAAVAE UA FAAMAMAFAINA

Togiola a Iesu Keriso

“E mafai ona ou faamamafa atu e faapea, ona o le Togiola a Iesu Keriso, i le faaiuga, i se malamalama e faavavau i mea uma, o le a leai se tulaga o le le talafeagai. ‘O mea uma e le talafeagai e uiga i le olaga e mafai ona faasa’oina’ [Talai La’u Talalelei, 52]. Atonu o le a le suia o tatou tulaga o i ai nei, ae e ala mai i le agaalofa, agalelei, ma le alofa o le Atua, o le a tele atu ai mea tatou te mauaina uma nai lo mea e tatau mo i tatou, e sili atu nai lo mea na tatou galulue ia mauaina, ma e sili atu nai lo mea e mafai ona tatou faamoemoe i ai. Ua folafola mai ia i tatou o le a ‘soloiesea foi e le Atua loimata uma i o [tatou] mata; e leai foi se toe otí, po o se faanoanoa, po o se aue, e leai foi se toe puapuaga; aua ua mavae atu mea muamua.’ [Faaaliga 21:4].”

Elder Dale G. Renlund o le Korama a Aposetolo e Toasefululu, “Ina la Mafai Ona Ou Aumai o Tagata Uma ia te Au,” *Liahona*, Me 2016, 42.

O Tali mo Oe

E tuuina mai i konafesi taitasi, e perofeta ma aposestolo ni tali musuia i fesili atonu o i ai a tagata o le Ekalesia. E mafai ona faaaoga lau lomiga o Me 2016 pe asiisi i le conference.lds.org e sue ai tali i fesili nei:

- O a ni ituaiga e fa o aufono a aiga ma e aisea e taua ai?—Tagai M. Russell Ballard, “Aufono Faaleaiga,” 63.
- E faapefea ona tatou saunia mo le malumalu?—Tagai Quentin L. Cook, “Vaai ia Oe Lava ia i totonu o le Malumalu,” 97.
- O a ki o le perisitua?—Tagai Gary E. Stevenson, “O Fea o I Ai Ki ma le Pule o le Perisitua?” 29.

“Filifili le faatuatua i lo le masalosalo.”

Bonnie L. Oscarson,
peresitene aoao o Tamaitai
Talavou, “O O’u Talitonu Ea?”
Liahona, Me 2016, 89.

Ina ia faitau, matamata, pe faalogologo
foi i lauga o le konafesi aoao, asiisi ane i le
conference.lds.org.



Laveai

“linei i le lalolagi . . . o le pefu ma le eleelea o le lalolagi e pisipisia ai o tatou agaga, ma faigata ai ona iloaina ma manatuaina lo tatou tofi ma le faamoemoega.

“Ae e le mafai ona suia ai o tatou tagata moni. O le paia autu o lo tatou natura e tumau pea. . . .

“Atonu e te lagonaina ua faaleagaina lou olaga. Atonu ua e agasala. Atonu e te fefe, ita, faanoanoa, pe o faapologaina e masalosaloga. Ae e pei lava ona maua e le Leoleo Mamoe Lelei o Lana mamoe na leiloa, afai o le a e liliu atu lou loto i le Faaola o le lalolagi, o le a la maua foi oe.

“O le a la laveai ia te oe.

“O le a la sii oe i luga ma tuu oe i luga o Ona tauau.

“O le a la ave oe i le aiga.”

Peresitene Dieter F. Uchtdorf, Fesoasoani Lua i le Au Peresitene Sili, “O Le A la Tuu Oe i Luga o Ona Tauau ma Ave Oe i le Aiga,” *Liahona*, Me 2016, 104.



Matafaioi o le Lumanai

Etalanoaina soo lava e le tele o failauga autu lava e tasi. O mea nei e tolu na saunoa i ai ni failauga se toatolu e uiga i le saunia mo ni matafaioi i le lumana:

- “Alii talavou, . . . ola i se olaga a avea o se tamaloa o le a e aumaia le ola mama i lau faaipoipoga ma i lau fanau.”—D. Todd Christofferson, “Tama,” 96.
- “Fuafua ma le agaga tatalo mea e mafai ona e faia—e faatatau i lou lava taimi ma tulaga—e auauna atu ai i tagata sulufai o loo nonofo i o outou pitonuu ma nuu.”—Linda K. Burton, “Sa Fai Au ma Tagata Ese,” 14.
- “I le fuafuaga o le fiafia a le Atua, tatou te le o sailili mo se tasi e atoatoa ae mo se tagata e mafai i le olaga atoa, ona tatou taumafai faatasi e fatua’i se sootaga alofa, tumau, ma sili ona atoatoa.”—Dieter F. Uchtdorf, “I Le Viia ai o i Latou o E Laveai,” 78.

Tala Maoae mai le Konafesi

O le a se mea e sili ona tosina ai lo tatou mafaufau nai lo o se tala?

O nisi nei o tala mai le tele na faasoa mai i le konafesi:

- O le a se aoaoga faavae na tuuina atu se faamafanafanaga i se ulugalii i Amerika i Saute na momoo ia faamauina le la pepe tama ia i laua?—Tagai W. Christopher Waddell, “O Se Mamanu mo le Filemu,” 90.
- O le a se mea na faailoa mai e se tina ao ia lele i se helikopa e aveina atu lana tama laitiiti ua matuā ma’i tigaina i le Falemai o Tamaiti o le Peraimeri?—Tagai Bonnie L. Oscarson, “O O’u Talitonu Ea?” 87.
- Na faapefea ona toe aumai e se taitai o le korama a ositaulaga se tasi o ana ositaulaga ina ia toe foi mai i le lotu?—Tagai Mervyn B. Arnold, “I Le Laveai: E Mafai Ona Tatou Faia,” 53.

O LOO PESE SISTER MABEL

Saunia e R. Val Johnson

Mekasini a le Ekalesia

O le fiafia o Sister Mabel mo le pese na matuai le mafai ona taofiofia.

Olau uo mamae na sosoia mai lona tulilima i lou itu e taofia au mai le ata faamaela. Na ma i ai i le sauniga faamanatuga, ma na, matou pepese i le viiga o le faamanatuga.

Ae na faigata ona le ata, ma o Pat foi na faigata nai lo au ona taofiofia lona ata.

Na 15 o ma tausaga, ma na ma iloa mea uma. Na ma iloa o tagata uma i la matou uarota na tatau ona atoatoa—ae lei faapena. Na ma iloa o lauga i le sauniga faamanatuga na tatau ona musuia—ae na tele lava ina le manaia. Ma na ma iloa o le tagata pese e sili ona leaga le leo i le lalolagi na saofai i totolu o i matou, na faaleagaina viiga na tatau ona aumaia o matou mafaufauga faaleagaga—ae na masani lava ona auina atu i le isi itu.

Na ona mafai lava ona ma pupunia o ma taliga ma faamimigi. Na foliga mai e fesoasoani sina ata mai lea taimi i lea taimi.

Na ma le mautinoa po o Sister Mabel (lona igoa muamua, ma na o le pau lea o le igoa ou te manatua na faaaogaina e soo se tasi mo ia) na iloaina na faatiga taliga le faalogo ia te ia ma e lei popole pe na ia mautinoa lava le aafiaga o lana pese ia i matou uma. Atonu o le mea moni e

leai lava se tasi na talanoa atu ia te ia i lena mataupu. E ui lava ua matua, ae o ia o se tamaitai faigata. E le o le lapoa, ae o le malosi. O mea uma na ia faia na malosi ma leotole. Ae maise lava lana pese.

O lona fiafia e pese na i ai se aafiaga e le gata i pese a la matou aulotu ae faapena foi i le aufaipese a le matou uarota. O lona naunautai sa lei muta ai iina. E ui ou te le manatua o lana pese na lei taofiofia lava i le aulotu, i le aufaipese na saoloto lava ia, na oo i luga ma lalo ma ou te le mailoa pe sa ausia e se tamaitai pese lauliloa i le lalolagi. Pe manao foi i ai.



Ia, ua leva lava lena taimi. I tausaga talu mai lena taimi, na maliu Sister Mabel. Na ma taufai o eseese ma Pat i o ma ala. Ma o au, lava ia, ua iloaina ou te lei iloaina lava le tele o mea i le 15 e pei ona ou manatu ai. Ou te talitonu ua ou aoaoina ni nai mea e uiga i le olaga—ma le pese—i le aluga o le 50 tausaga ua tea.

Ua ou iloaina o le olaga e manaomia le ola ma le naunautaiga ma le malosi. O minute uma o se oa, ma o le taimi lava e uma ai, ua uma e faavavau, ma e manatua i ni nai manatunatuga vaivai. Ua ou iloaina afai e te auauna atu i isi pe tapuai i le Alii, e sili lou fiafia ma e sili le aoga pe a e faia ma le olioli uma ma le malosi e te mafaia.

Ua ou aoaoina e leai se tasi i lenei itu o le veli e atoatoa. Pau lava le mea e finagalo ai le Alii mai ia i tatou o o tatou loto, manatu, mafaufau, ma le malosi—i le mauluga e mafai ona tatou ofoina atu. Na te talaina a tatou taulaga e le taofiofia, po o le a lava le leaga atonu e i ai, o le fua atoatoa o lo tatou naunautaiga.

E malie lava, i lou manatu, i lou iloaina foi e le o au o se tagata pese e sili atu nai lo le tulaga na i ai Sister Mabel. Ou te faamoemoe o ou uso a tagata i le uarota o le a sili atu le alolofa mo au nai lo lou alofa mo Sister Mabel. Ana faapea o i ai pea o ia iinei, ou te valaaulia o ia e pese mo au. Ou te misia lona leo agelu. ■

FAAMANUIAINA ONA O LA'U AUAUNAGA

Saunia e John A. Grinceri

E fiafia le Alii e faamanuia i tatou, ma ua ou iloa e tusa lava po o le a le tele o mea na ou auauna atu ai, e tumau pea lava lou nofoaitalafu ia te la.

Ao faailoa atu a'u o se failauga talu ai nei, sa ta'ua e le tagata na taitaia ma le faaaloalo nisi o ou valaauga iloga ua mavae i le Eklesia, e pei o le epikopo, peresitene o le misiona, ma le sui o se au peresitene o le siteki. Sa ava ma faaaloalo lenei uso, ae na tupu ai le manatu ia te au, aisea na le faailoa atu ai au o se taitai misiona a le uarota (o lo'u valaauga i le taimi nei) po o nisi o o'u valaauga e tau le faia i tagata lautele?

E mafai ona ou faapea ma le faamaoni sa ou lagonaina le agaga taiala lava lea e tasi i valaauga taitasi, ma o valaauga taitasi e tauia. Ou te sailia lava le taitaiga a le Alii i o'u valaauga, ma e lei i ai lava se taimi na ou lagonaina ai faapea e lei tali mai. Ua i ai lau faaiuga faapea e fiafia le Alii e faamanuia i tatou—tusa lava po o fea tatou te auauna atu ai.

Ou te talitonu o le a tatou mauaina "se pale o le tino ola pea, ma le ola e faavavau" (MF&F 81:6) e le faapea ona o ni valaauga lauloa ae ona ua tatou auauna atu ma le lotomaualalo i soo se valaauga tatou te maua. Na fetalai mai le Faaola:

"Ia le tuu atu i le ulu e fai atu i vae ua le manaomia e ia vae; aua a aunoa ma vae o le a mafai faapefea e le tino ona tu?"

"O le tasi foi e manaomia e le tino itutino taitasi uma, ina ia mafai ona faagaeetia uma faatasi, ina ia mafai ona taus i le atoatoa le faatulagaga" (MF&F 84:109–10).

Na ou fefe i nisi o valaauga i le Eklesia i lou olaga. Soo se taimi lava sa ou mauaina ai na ituaiga manatu e uiga i se valaauga e ono oo mai, e mautinoa lava e le umi ae ou maua. Ina ia talia na valaauga sa manaomia ai le faatuatua ma le faalagolago i folafolaga o loo maua i tusitusiga paia.

Na fai mai Nifae, "O le a ou alu ma fai mea ua poloaiina e le Alii, aua ua ou iloa, e le tuuina mai e le Alii ni poloaiga i le fanauga a tagata, vagana o le a saunia e Ia se ala mo i latou ia mafai ai ona latou faataunuina o le mea ua Ia poloaiina ai i latou" (1 Nifae 3:7). Na tautino mai Paulo, "Aua ua le foaiina mai e le Atua ia te i tatou le Agaga e matau ai, a o le Agaga e faamalosi ai, ma alofa ai, ma mafaufau tonu ai" (2 Timoteo 1:7).

E i ai taimi atonu tatou te faapea ai e i ai la tatou aia tatau e teena ai se valaauga pe afai tatou te fefefe ai. Ae e tatau ona tatou manatua e tatalo taitai o le Eklesia e uiga i valaauga ma le tagata e tatau ona tuu i ai.

Pe a tatou teena se valaauga, ona pasi atu lea o le tofiga i se isi, o le a ia maua le avanoa e tuputupu ae ai ma faamanuiaina i le auauna atu (tagai i le MF&F 58:32).

E fiafia le Alii e faamanuia i tatou, ma ua ou iloa e tusa lava po o le a le tele o mea na ou auauna atu ai, e tumau pea lava lou nofoaitalafu ia te Ia. E moni lava, ua Ia faamanuiaina a'u ma lo'u aiga i talaatu o mea sa ou moemiti i ai ona o la matou auaunaga i Lona malo. ■

E alala le tusitala i Ausetalia Sisifo.



O LE FAATALITALIA O SE MASAGA, MAUAINA O LE VAVEGA

Saunia e Cheryl Lapating-La Torre

*Sa ma faapea o le a sologa lelei mea
uma i o maua olaga, ae na vave ona
oo mai ni faafitauli ma sa ou fefe po
o a nisi mea e ono faaletonu.*



se tasi po a o ou matamata i talafou, sa i ai se mea na faateia lau vaai. Sa ou iloaina le tagata failipoti o se tasi o tagata o lau vasega i le kolisi. Na ia ausia lana miti o le avea ma se tagata faasalalau o talafou!

"Ae a au?" Sa ou fesili ia te au lava. "O le a se mea ua ou ausia?" Sa ou tilotilo atu i le pepe o momoe i o'u lima ma mafaufau e uiga i mea na tutupu o le tolu tausaga ua mavae.

Sa ou mafaufau lava i taimi uma o le a ou faigaluega, ae ina ua fanau le ma tama teine muamua ma lo'u toalua, o Charles, sa suia mea sa ou

faamuamuaina. Sa ou faamavae i la'u galuega e tausia o ia. Sa ma faatuatua ia Iesu Keriso faapea a ma totogia lava le ma sefuluai ma usiusitai i poloaiga, o le a lelei mea uma.

Sa sologa lelei lava mea uma seja oo i se tasi aso, na faamalolo mai ai Charles mai lana galuega. Sa ma faatuatua o le a manuia i maua, ae sa ma iloaina sa manaomia ona ma faia se faatinoga. Sa ma filifili e tatau foi ona sue sau galuega, o lea sa amata ai ona sue ni ma galuega ma Charles. Ina ua mavae ni nai vaiaso, sa faafraigaluega-inu au o se tali telefoni. Sa ou le fiafia

i le tuua ai o la'u pepe iva masina i se tausi tama i aso uma, ae o se tali sili lea mo i maua.

I le na o le tasi le masina i la'u galuega, na ou iloa ai ua ou maitaga. O le mea e lelei ai, e lei umi ae maua le galuega a Charles. E le tele se totogi, ae na fesoasoani. Mo sina taimi sa ma lagona le agaga faafetai.

Sa matuai faigata lava lo'u maitaga, ma sa ou faamavae i la'u galuega. I lo'u siaki faalemasina, sa faateia i maua i le iloa ai e masaga lau fanau. Sa ma fefefe ma Charles, ae sa ma faalagolago i le Tama Faalelagi.

E tusa ma le tolu ma le afa masina i totonu o lo'u maitaga, sa ou ala ae i luga ua ou piliki. Sa ou faapea o le a faaletonu lou maitaga, o lea sa ou alu ai i le falemai. Sa manuia ia pepe, ae na fai mai le fomai e tatau ona faataotolia au i le moega mo le vaega o totoe o le maitaga.

Sa amata ona matua faigata ia mea. O pili o le falemai na leai ai ni tupe ia ma teugatupe, ma sa le lava le tamai totogi o Charles e faatau ai mea matou te manaomia. Sa ou lagona le faatauvaa. Sa le mafai ona ou fesoasoani e saili ni tupe pe tausi ia Chevy. O nisi taimi e galo ai ia te au o loo ou tauaveina ni fanau agaga faapitoa se toalua. Sa ou aioi atu i aso ma po taitasi i lou Tama Faalelagi mo se toomaga. Sa ou fefe i se isi mea e ono faaletonu. Ae e tasi se manatu e toe foi mai pea lava pea i lo'u mafaufau: o loo soifua le Tama Faalelagi ma Na te silafia mea tatou te manaomia.

Sa tauivi foi Charles, ae sa ia tumau malosi pea. Sa ia fesoasoani ia te au, ma tausia Chevy e faaopoopo i luga o lana galuega. O ana faamanuia faaleperisitua na faamanafanaina au, ma faamalosia au e lona alofa. Sa ma fefefe, ae sa ma fetaiai faatasi ma lenei suega fou.

Sa ou faia le mea sili e talia ai le mea na tupu. Nai lo le faaaluina o le taimi i le faia o mea e le aoga, sa ou faitau i tusitusiga paia, mekasini a le Ekalesia, ma tusi lelei. Sa ou usuina foi ni viiga—"Le Faavae Malosi" (*Viiga*, nu. 45) na faapitoa lava ona faia se eseesegea tele. Na ou latalata atili atu ai i lo'u Faaola. Sa ou iloaina le tele

o mea na tatau ona ou faafetai ai e ui lava i o matou tulaga.

A o gasolo pea ia aso, sa ma lagonaina le aao o le Atua o galue i o maua olaga. Sa oso ae i soo se mea ia vasega tetele ma laiti. Sa totogiina e o maua aiga ma uo nisi o a matou pili ma faatauga. Sa ou lagonaina lo latou alolofa ma popolega mo lo matou aiga. Sa tofia e le au peresitene o le Aualofa se tasi pe toalua foi uso e asia au i aso taitasi. Sa latou aumaia ni faatauga o meaai, kukaina ma tapenaina le fale, tausia Chevy, faasoa mai ni mafauauga faaleagaga, ma faamalosiau ia te au. Sa latou tatalo mo lo'u manuia atoatoa ma le saogalemu faifai pea o le masaga. Matou te lei fiaaai. E le iloa e nei tuafafine le auala na fesoasoani ai a latou auauanga ia te au e tauave lau avega. Ina ua oo mai le taimi, sa faafaigofie e le Faaelaglo'i lo'u fanauga, ma sa maloloina uma teineiti e toalua.

Ua tele tausaga talu ona mavae na taimi faigata o o maua olaga, ae e lei i ai lava se aso ma te lei lagona ai le alofa o le Atua. Ua sili atu le lelei o o maua tulaga tau tupe i le taimi nei, ma ua tuputupu ae le ma fanau ina ia atamamai ma talenia. Ua ma malolosi atu ma sili atu ona saunia lelei mo luitau o le lumanai aua ua ma iloa e faamanuia e le Tama Faalelagi Ana fanau i Lona lava taimi ma e Na te le tuulafoaia i latou e aunoa ma se fesoasoani po o le faamafanafanaga. O le olaga e le o se malaga faigofie, ae o le a i ai pea le Atua e faatasi ma i tatou ma taialaina i tatou. ■

E alala le tusitala i Filipaina.




LUITAU MA SE FAAMOE- MOEGA

"Ou te le
iloa pe aisea
ua tele ai o

tatou tofotofoga, ae o lo'u lava lagona patino, uso e, e maoae le taui, e matuai faavavau ma tumau, e matua tumu i le olioli ma e le oo i ai lo tatou malamalamo pe a oo i lena aso o le taui, atonu tatou te fia fai atu i lo tatou Tama alofa ma alofa mutimutivale, 'Pe sa na o le pau lava lena o le mea sa manaomia?' . . . A o le a se mea e mataupu, tuafafine pele, o le a se mea tatou te mafatia iinei pe afai, i le iuga, o na tofotofoga o le mea moni lava ia agavaa ai mo le ola e faavavau?"

Linda S. Reeves, fesoasoani iua i le au peresitene aao o le a Le Aualofa, "O Le Mana o Folafolaga e Tausia," *Liahona*, Nov. 2015, 11.





Saunia e Elder
Don R. Clarke

Na auauna atu o se
tasi o Fitugafulu o le
Pulega Aoao mai le
2006 i le 2015

FAATINO LE Tapuaiga Mama

*Afai e te manao e maua le fafia, lagona le
Agaga Paia, ma ola latalata atili i le Faaola,
ona faatino lea o le tapuaiga mama.*

Tle lua tausaga talu ai, o se alii talavou o le a ou faaigoa ia John na sau i lou ofisa i le faatoa ia foi mai i lana misiona.

“Elder Clarke, ou te manaomia lau fesoasoani,” na ia fai mai ai ia te au ma le popole tele. “Na ou fafia i lau misiona. Sa suia ai au. Ae ui i lea, ua ou le mauaina nisi o na lagona paia ma faapitoa na ou lagonaina i le misiona. O le a se mea e mafai ona ou faia e lagona ai pei ona ou lagona i le misiona?

Ua ou vaaia le tupu o lenei mea i le tele o taimi. O le mea na ia fesili mai ai o le, “O le a se mea e mafai ona ou faia ia maua ai le fafia, lagona le Agaga Paia, ma latalata atu ai i le Faaola?” O se fesili lenei e tatau ona tatou fesiliglia i aso uma.

I lena aoauli i lou ofisa, na ma sue ai i le Iakopo 1:27 ma faitau, “O lenei lava le amio Atua e lelei ma le faamaoni i luma o le Atua o le Tama lea, ina ia tauasiati atu i e matua oti o fafine ua oti a latou tane i o latou tiga, ia leoleo foi o ia ia te ia ina nei pisia mai o ia i le lalolagi.”

Ona ma faitau lea Alema 34:28: “Afai tou te liliu ese e ua le tagolima, ma e ua le lavalava, ma le asiasi atu i e ua mamai ma puapuagatia, ma le faasoa atu a outou mea, pe afai ua i ai ia te outou ni mea e faasoa atu ia i latou o e ua tutu le tagolima—ou te fai atu ia te outou, afai tou te le faia se tasi o ia mea, faauta, ua le aoga lau tatalo, ma ua leai se mea e te maua mai ai, ma ua tusa outou o ni tagata pepelo o e ua faafitia le faatuatuaga.”

Ona ma iloiloina lea o le tala i le Tusi a Ioane lea na o ai Peteru ma isi soo e fagogota ma na leai se ia na latou maua ae ina ua tau atu e le Faaola ia i latou e tuutuu atu la latou upega i le isi itu o le vaa ma maua ai ia e 153. Ina ua uma ona latou aai, na talanoa Peteru ma le Faaola. Na silafia e le Faaola o loo Ia faatonuina lenei perofeta ma le peresitene o le a i ai i le Ekalesia mo se tasi o taimi mulimuli.

“Pe e te alofa mai ia te au?” na fesili ai le Faaola.

Na tali atu Peteru, “Ioe, le Alii e; ua e silafia ou te alofa ia te oe.”

Ona fetalai atu lea o le Faaola, “Ia e fafaga i au tamai mamoe.”

Na toe fesili faalua le Faaola i le fesili lava lea e tasi ona faatonu atu lea: “Fafaga au mamoe” (tagai Ioane 21:3-17).

Na faatonuina moni lava Peteru ia faatino le tapuaiga mama, po o le tausia o tagata. O le perofeta a le Atua i le aso e popole foi ma alofa i tagata. O Peresitene Thomas S. Monson o se faataitaiga maoae o se tasi e faatinoina le tapuaiga mama. Ua ia faaluina lona soifuaga atoa i le alofa ma le tausia o tagata.

Ua ou vaaia le tele o faifeautalai ua maea misiona e pei o lau uo o John. Afaí e te fesili ia i latou pe aisea na latou

fifiai ai i a latou misiona, e toeitiiti lava o taimi uma latou te fai mai ai ona o lo latou alofa mo tagata. O le aso e amata ai e faifeautalai ona sili atu le popole mo isi nai lo o i latou lava, latou te fifiai ai. E faapena mo i tatou uma lava. O o tatou olaga o le a sili atu le fifiai pe afai tatou te tausia ma alolofa i isi.

O le faafeagai o le tausia o isi o le mafaufau na o au lava: lau taavale, lau suesuega, lau galuega, o ou faafitauli. Pe afai o taimi uma e faatatau ia i tatou, o lo tatou fesoottiga ma le lagi ua le malosi e pei ona tatau ai.

Na ou tau atu ia John afai na te faatinoina le tapuaiga mama, o le a ia fifiai ma lagona e pei ona ia lagonaina i lana misiona. E faapena, afai e te manao e maua le fifiai, lagona le Agaga Paia, ma ola latalata atili i le Faaola, ona faatino lea o le tapuaiga mama. Mai mau o loo i luga ua tatou aoao ai faatinoga autu e fa na e mafai ona faamatalaina o le tapuaiga mama.

1. Asiasi ma Tausia Fafine ua Maliliu ia Tane

Na toe foi John i le kolisi ma faatino mea na ma talanoaina. Mulimuli ane na ia auina mai ai se imeli lea na ia faasoaa mai ai lona aafiaga i le faitauina o tala musuia mai



mekasini a le Eklesia i tagata matutua i se fale e tauisia ai i latou.

“E toatele tagata na lagonaina le tele naua o le alofa ma le lagolago mai le Faaola ao molimau atu le Agaga i upumoni faigofie ma molimau,” na ia tusi ai. “Ou te lei iloaina na ou mafaia ona lagona se alofa faapea mai ni tagata ese ma mo i latou na ititi lava sou iloaina. Ae na ou lagonaina le alofa o le Faaola mo i latou, mo na ituaiga o agaga. Na foliga manino mai ia te au o le a ou feiloai i nei tagata—ua matuai aafia lava i mai faalemafaufau ma faaletino—i le isi olaga. O le a ou vaai i a latou tane ma ava, na vaavaaia i latou mai le isi itu o le veli. Na ou lagona moni lava le faatasi mai o lou tamamatua—ou te lei vaai lava i ai—ao ma nofonofo ma lou tinamatua, ma o lona agaga [Tamamatua] na faamalosia ai au ma lagolagoina ai au. Na ou iloa sa ia faafetaia lau asiasiga puupuu.”

Na ia faaaauau: “O ai na te iloaina pe ou te maua lena alofa mutimutivale agamalu. E foliga mai e matuai leai lava se uiga o le sau i le fale i le mavae ai o se mea faapena ma tau lava o le ki o le TV pe fiafia foi i se isi lava mea. Na suia ai au i le iloaina o nei aafiaga agamalu e maua i taimi uma lava o le aso ao tatou, tauivi e taulai atu ma fesoasoani atu i isi i se auala, i le avea ai o ni Au Paia.”

E mafai foi ona e faia lenei mea, ma o le a faamanuiaina oe e le Alii e pei ona Ia faamanuiaina John.

2. Fesoasoani i Fanau Matua Oti

E toatele fanau ua matua oti i le lalolagi atoa. Pe le ofoofogia ea pe afai e mafai ona tatou fesootai atu pe tusi soo atu i se tasi o i latou?

Ina ua foi mai le ma tama, o Nate, mai lana misiona, na tutusa ona lagona ma lau uo o John. Na filifili Nate e ofo fua atu e avea ma fautua i se polokalama lena e faipaga ai tagata matutua ma tamaiti e manaomia le lagolago i se sootaga e faia i le tulaga taitoatasi. O lena



auaunaga na suia ai lona aafiaga i le kolisi. O lenei ua faaipoipo o ia, o Nate ma lona toalua, o Carla, ua toe “vaetamaina” foi e ala i le polokalama. O se faamanuiaiga tele mo i laua i le la faaipoipoga le faasoaa atu o mea la te maua i latou e manaomia le fesoasoani.

Ao ma auauna atu ma lou toalua, o Mary Anne, i le Misiona o Bolivia Santa Cruz, na i ai se ma faifeautalai o se tama na matua oti. Na leai sona aiga. Na tofia o ia e le Alii e avea ma taitai ia Elder Hawkins. Ou te le manatu o ia o se taitai sili, ae o Elder Hawkins o se soa sili mo se tama matua oti ua avea ma faifeautalai a le Alii.

Na tusi atu matua o Elder Hawkins i lenei faifeautalai i lana misiona ma faaaauau pea ona tusi atu ia te ia mo le 15 tausaga ua tuanai. Ona o Elder Hawkins ma lona aiga, o lenei tama matua oti na alofaina ma tauisia ma ua faaipoipo nei ma le fiafia, faigaluega, ma toaga i le talalelei a Iesu Keriso. E mafai ona tatou fesoasoani uma lava e sua fanau matua oti.

Pe faatuatuaina i tatou e le Alii ia avea ma tali i le tatalo a se tasi? Pe mafai ona Ia faamoemoe mai ia i tatou e mulimuli i uunaiga a le Agaga Paia?



3. Tausiga o e Matitiva ma e le Tagolima

Ua faamanatu mai pea e tusitusiga paia ia i tatou le taua o le fesoasoani i e matitiva ma le tagolima. Ua ia i tatou uma lava lenei tiutetauave.¹ O le tasi ala e mafai ai ona tatou faateleina la tatou fesoasoani i e matitiva ma le tagolima o le totogi lea o se taulaga anapogi limafoai. Na sau noa mai Peresitene Polika Iaga (1801–77):

“O le tausaga muamua na ou sau ai i lenei vanu na le lava ni au falaomata mo lou aiga seja oo i le seleseloga . . . , ma na o mai tagata i lou fale i aso uma mo falaoa. Sa ou faavauvauvau [ai] i se tasi aso; na ou alu i lalo i le fale tuai ma e oo atu i le taimi na ou toe foi mai ai i le fale na faamaloloina atoatoa lava au. Na ou fai atu i lou toalua, ‘Aua nei tuu atu i se tagata e sau iinei mo meaai e aluese atu e leai se mea, aua afai e te faia faapea o le a tatou puapuaga ae lei oo i le seleseloga; ae afai e te tuu atu i tagata taitasi e o mai o le a lava tatou meaai. . . .

“Ou te manao e faaaauau le faia pea, ina ia lava ai pea lau falaoa, aua afai ou te le faia o le a le lava.

“Pe e te talitonu i lena mataupu faavae? Ou te iloa e moni, aua ua ou faamaonia i le tele o taimi.”²

O le aafiaga lenei na tuu i luga i se uepisaite Kerisiano e se fomai i Kolorato, ISA, lea na faatoa oo atu i se fale kesi ina ua faaletonu lana taavale ma pe ai. Ao ia saunia e valaau i se taavale toso taavale, na ia vaia se tamaitai, o lana taavale tuai na tu i le fale kesi, ua sulu ma pau i lalo.

“Na ou alu atu e vaai pe o afaina o ia. Ina ua ou taunuuiina, na foliga mai na sili atu lona afaina i masusu o le tagi nai lo le pau; o ia o [se] tamaitai talavou na foliga lelava lava ma ni lio uli i lalo o ona mata. Na pau sana mea totino ao ou fesoasoani ia te ia e tu i luga, ma na ou aveina i luga ma tuu atu ia te ia. O se lima sene.

“I le taimi lena, na manino mai mea uma mo au: o le fafine o loo tagi, o le [taavale] tuai ua tumu i mea totino ma tamaiti e toatolu i tua (toatas i se nofoa taavale), ma le pamukesi ua faitauina [I.S.] \$4.95. Na ou fesili ia te ia pe o afaina ma pe manaomia se fesoasoani, ae na faaaauau lona fai mai, ‘Ou te le manao e vaai mai lau fanau ia te au o tagi.’”

I le malamalama ai i lona tulaga, na ave ae e le fomailana kata fai faatau, faatumu lana taavale i le kesi, ma faatautaga meaai tetele e lua ma ni pepa meaalofa mo ia ma lana fanau i se fale aiga o meaai i talaane o le fale kesi.

“Na ia tau mai lona igoa, ma e nofo i Kansas City [Missouri, ISA],” na ia fai mai ai. “O lana uo tama [na] aluese i le lua masina talu ai, ma sa le lava lana faasoa. . . . I le popole tele na iu ai ina [ia] valaau i ona matua, na te lei toe talanoa i ai mo le lima tausaga. La te nonofo i Kalefonia ma na fai mai e mafai ona ia sau latou te nonofo ma taumafai ina ia toe tutoatasi iina. O lea na ia teuina ai ana mea uma i le taavale.”

Na opo mai o ia e le fomai ma ofo atu se tatalo mo lona saogalemu i le auala. Ao ia savali i lana taavale, na fesili mai le tamaitai, “Pe o oe e pei o se agelu pe a?”

Na tali atu le fomai, “O nisi taimi e faaaoga e le Atua tagata masani.”

Ona ia matauina lea: “Sa matua ofoofogia le avea ma se vaega o se vavega a se tagata. Ma e moni lava, . . . ina ua ou oo i totonus o lau taavale na ola loa ma na ou taunuui i le fale e aunoa ma se faafitauli. O le a ou tuuina i le fale enisinia taeao e siaki, ae ou te masalo o le a le maua e le enisinia se mea o faaletonu.”³

Pe faatuatuaina e le Alii i tatou e avea ma tali i se tatalo a se tasi? Pe mafai ona Ia faamoemoe ia i tatou e mulimuli i uunaiga a le Agaga Paia? O le tele ona tatou mulimuli i uunaiga a le Agaga, o le tele foi lea o avanoa o le a tuu mai e le Alii ia i tatou e avea ma tali i se tatalo a se tasi.

4. Fafaga Ana Tamai Mamoe ma Mamoe

Ina ua faia e Iesu Lana talanoaga ma Peteru, o Lana fautuaga muamua lava o le, “Fafaga au tamai mamoe.”



E TATAU FOI ONA TATOU FOAI ATU

"Ua iloa foi e ui atonu e le o au o se leoleo o lo'u uso, ae o au o le uso o lo'u uso, ma "ona ua tele mea ua ou maua, e tatau foi ona 'ou foai atu."

Elder Jeffrey R. Holland o le Korama a Apostolo e Toasefululua, "Pe Le o i Tatou Uma Ea o Ni Tagata Aisi?" *Liahona*, Nov. 2014, 42.

E silafia e le Faaola afai tatou tefafaga tamai mamoe, tatou te le toe tau saili mo mamoe ua leiloloa. O nisi o tatou atonu e i ai ni uso ma tuafafine laiti, fanau a uso ma tuafafine, po o isi tagata tatou te iloa e manaomia le fesoasoani. E mafai ona avea i tatou ma faataitaiga maoae mo i latou, ma tau ina ia tatou maua tamai mamoe na e manaomia la tatou fesoasoani.

Pe o le a outou sue ma fesoasoani i se tamai mamoe? Pe o le a e, o se leoleo mamoe, ona lava le faatuatuaina e tausia tamai mamoe ma mamoe, e pei ona finagalo ai le Faaola ia i tatou?

O le fesili na fai e le Faaola ia Peteru e mafai ona fesiligia ai i tatou taitoatasi: "Pe e te alofa mai ea ia te au?" Ao tatou faatinoina

le tapuaiga mama i le asiasiama tausia fafine ua maliliu a latou tane, fesoasoani i fanau ua matua oti, tausia e matitiva ma le tagolima, ma fafaga Ana tamai mamoe ma mamoe, o le a tatou faaali atu i le Faaola tatou te alolofa ia te Ia! Ao tatou faia lenei mea, o le a tatou maua le fiafia, lagona le Agaga Paia, ma lagona le latalata atili ia te Ia. ■

Mai se saunoaga i le faigalotu, "Pure Religion," na tuuina atu i le Iunivesite o Polika Iaga-Idaho ia Ianuari 13, 2015. Mo le saunoaga atoa i le gagana Peretania, alu i le speeches.byu.edu.

FAAMATALAGA

1. Tagai Elder Jeffrey R. Holland, "Pe Le o i Tatou Uma Ea o Ni Tagata Aisi?" *Liahona*, Nov. 2014, 40-42.
2. Polika Iaga, "Remarks," *Deseret News*, Iuni 18, 1856, 116.
3. "Friends Are God's Way of Taking Care of Us," lisburn.com/stories/friends_are_gods_way.html.





OLE Sefuluai, TAIMI, MA AUALA O FEMALAGAAIGA

Saunia e Atilio Coitiño Guzmán

Tse tasi Aso Toonai sa ma iloaina ma lo'u toalua e le'i lava se matou tupe e o ai i se pasi i le lotu i le aso e sosoo ai, ma e le mafai ona tala se tupe. O le matou sefuluai ua uma ona tuu i totonusi o le foai ua saunia e tuuina atu i le epikopo. Sa amata ona matou talatalanoa pe faapefea ona matou malaga i le lotu. Afai matou te faaaogaina le tupe o le sefuluai e totogi ai le pasi, matou te lagona o le a malamalama le Alii; peitai, sa matou filifili e le sa'o.

O le isi filifiliga o le a matou le o i le lotu, ma sa matou toe mafaufau foi o le a malamalma le Alii aua matou te lei misia lava se lotu. Peitai, afai e tupu lena mea, o le a le mafai ona ave le matou sefuluai i le epikopo, ma sa faaleaogaina lena filifiliga.

O le taumafai ina ia faamaoni, sa matou filifili ai ina ia vave o ese nai lo le taimi masani ma savavali i le lotu. Sa matou malaga atu i lena aso Sapati matagofie agai atu i le falesa, lea e pe tusa ma le tolu maila (4.8 km) mai lo matou fale. Mo le ma fanau e toafa (o le ulumatua sa ono), na pei o se pati, ma sa latou fafia e taufetuli ma taaalo i le ala.

Ina ua matou taunu i se tulaga patino i se auala lautele ma le matautia, sa ou faalogo i le Agaga o ta'u mai ia te au, "E tatau ona tou ona kolosi loa i le taimi nei." Sa ou fai atu i lo'u toalua, ma sa ia tali mai sa le sefe ona o le vaega lena o le auala e amata ona pio, polokaina ai lo matou iloaina atu o taavale o agai mai. Sa ou tali atu ua ou lagona ua tatau ona matou kolosi iina, o lea sa matou kolosi faatopetope ai, sa tofu i ma'ua ma lo'u toalua ma ni tamaiti se toalua. O le taimi lava na matou laasia ai le auala savali, sa tu se taavale i le itu lena, ma fesili mai le avetaavale, "Tou te o i le lotu?"



Sa leai se matou tupe e o ai i le lotu, o lea sa amata ai ona matou savavali.

O le avetaavale o se uso e lē auai i la matou uarota, ae na ou feiloi ia te ia muamua ona sa ou asiiasi atu i lana uarota. Sa matou tali atu ioe, ma sa ia ofoina mai e momoli i matou iina. A o matou atu i totonu o le taavale, sa faamalamalama mai e lenei tamalii faapea e le masani ona ia sau i le auala lenei ma na ala ona ia ui mai i le auala lea ona ua leiloa ki a lana paaga faipisinisi ma o loo ia aveina atu ana ki i lana paaga.


Sa ou mafaufau ia te au lava ia faapea e lei tupu fua lenei mea. Na silafia e le Alii sa matou manaomia se taavale e o ai i le lotu. Sa i ai le matou sefuluai i lau taga, ma sa aumaia ia i maua le avanoa e aoao

ai le ma fanau e uiga i faamanuiaga o le a oo mai i le totogi o le sefuluai. Na sili atu ona matou vave taunuu i le falesa ile taimi lea nai lo isi taimi muamua ae sa matou maua le fiafia ma le loto faafetai. Sa matou auai i sauniga uma ma e matou te lei ta'uina i se tasi le mea na tupu.

O le taumafanafana i São Paulo e matuai vevela lava, ae maise lava i le aoauli, pe a faaiuina a matou sauniga Lotu. Sa matou sauniuni e toe foi ae sau se tasi tagata ma fesili mai, "O i ai se tasi e toe aveina outou?" Sa matou tali atu e leai, ma sa ia fai mai, "Tou te mananao ou te aveina outou?" Sa matou taliaina lana ofo, ma sa ma fetilotiloai ma lo'u toalua ma laumata fiafia faalelagona.

Na sili atu ma le faatasi ona tuuina mai e le Alii ia i matou se faamanuiaga maoae mo lo matou usiusitai. ■

O le tusitala e alala i São Paulo, Pasila.



O LE USIUSITAI E AUMAIA LE FIAFIA

"A tatou tausia polo-aiga, o le a fiafia atu o tatou olaga, faamalie-in atili, ma faaititia le lavelave. O le a faigofie atu ona onosaia o tatou luitau ma faafitauli, ma o le a tatou mauaina faamanuiaga folafolaina [a le Tama Faalelagi]. Ae e ui ua la tuuina mai ia i tatou ia tulafono ma poloaiga, ae ua la faatagaina foi i tatou e filifili pe talia pe teenaina. O a tatou faaiuga i lenei tulaga o le a iloa ai lo tatou taunuuga. . . .

"Tau ina ia tatou iloaina o lo tatou fiafiaga silisili i lenei olaga o le a oo mai pe a tatou mulimuli i poloaiga a le Atua ma usitai i Ana tulafono!"

Peresitene Thomas S. Monson,
"Tausi i Poloaiga," *Liahona*,
Nov. 2015, 83, 84.





Saunia e Elder

Ronald A.

Rasband

O Le Korama
a Apostolo e
Toasefululua

Faatuatua, Tulaga Tutusa, ^{MALE} Saolotoga Faalelotu

*Ao e mulimuli i le valaaulia e aapa atu i isi i se agaga
o le tulaga tutusa, o le a e lagonaina se faateleina i le alofa o le
Faaola mo oe ma mo fanau uma a le Tama Faalelagi.*

Ou te masalo e mo nisi o outou o le fuaitau “saolotoga faalelotu” e sili atu le pei o le “saolotoga e faaeseese ai.” Ou te manao e talanoa atu ia te outou e uiga i lenei vaauga ma fesoasoani ia te outou ia malamalama i le uiga i le Ekalesia pe a talanoa e uiga i le saolotoga faalelotu ma aisea e taua tele ai mo lou lumanai ma mo Le Ekalesia a Iesu Keriso o le Au Paia o Aso e Gata Ai. Ou te fuafua foi e taua nisi o faafitauli ma le malamalamaaga atonu o loo i ai i nisi o outou pe a oo i le saolotoga faalelotu.

Atonu o nisi o outou o loo tauivi ma se malamalama o le matafaioi faalelotu i le nuu, malo, ma tulaga faalauaitele. O nisi o outou atonu e mafaufau pe aisea e aafia ai vaega faalelotu i upufai o malo i le tulaga muamua lava, ma atonu e masani ona e masalosalo i uunaiga o tagata faalelotu pe a latou aofia ai. I tausaga talu ai nei o le leo autasi o vaega o e lagona faapea o mataupu faalelotu e tatau ona le aafia i se matafaioi i talanoaga faaupufai o malo ua faateleina le leotele.

O le avanoa e aafia ai i le faagasologa faaupufai o malo o se faamanuiaga ua tuuina atu i tagata i le tele o atunu. O tulafono ma tulafono faapalemene e faia se matafaioi ttau faaleaoaoga i le fausiaina o le aganuu faalevafealoai ma amioga. Tatou te manaomia tagata uma i le nuu ia faia se matafaioi o le aafia ai i talanoaga faalauaitele na e fesoasoani e fausia tulafono ma tulafono faapalemene ia tulaga tutusa mo tagata uma.

Saolotoga mo Tagata Uma

O le a le mea o loo matou talanoa i ai pe a matou taua le saolotoga faalelotu? Sei ou tauina atu ia te outou ni tala i ni tagata se toalua. Ao ou faia, ou te manao ia outou mafaufau e uiga i ou lagona pe ana faapea o oe o se tasi o nei tagata.

O le tala muamua e uiga i se tasi o le a ou faaigoa ia Ethan. Sa faatoa amata lana galuega i se matata ua leva ona ia faamemelo i ai, ma na ia manao ia tauleleia. Na ia vave mai i le galuega ma na umi ona nofo [i le galuega]. Na ia pikina ni galuega faatino faopoopo ma faia se galuega silisili ona lelei. Na fiafia i ai le tele o lana aufagaluega ma na fiafia i lana galuega. I se tasi aso i le aiga o le aoauli faatasi ma ni tagata faigaluega, na ia maua le lagona toafimalie e tau atu ia i latou o ia e fiafia i le itupa e tasi. Na mulimuli mai se filemu le lelei aua e leai se tasi na iloa pe faapefea ona tali atu. Na le fiafia Ethan i le tali gugu a ana uo faigaluega, ma na ia lagona ai le tiga ma le le taliaina.

Ina ua uma lena fonotaga i le aiga o le aoauli, na amata ona faateleina le lagona le lelei mo Ethan i le galuega. Na amata ona ia lagonaina le le saogalemu ma le le taua. Na ia vaaia o ia lava ua faaesea mai galuega faatino tetele ma gaoioiga faafafia pe a manava, ma na amata ona afaina lona galue malosi aua na ia lagonaina le le tatau ona i ai iina ma lona le manao-mia. Ina ua mavae ni nai masina na tulai o ia aua na lagona e lona pule le le lelei o lana galue. E ui i isi mafuaaga, na iloa e Ethan ua tulai o ia ona o le fiafia i le itupa e tasi.

Sei ou tau atu ia te outou e uiga ia Samantha. Sa faatoa amata ona galue Samantha i le ofisa autu o se iunivesite o le lotoifale. Na fiafia o ia e galue i se siosiomaga e tumu i mafaufauga eseese, manatu ma nofoaga e o mai ai. I se tasi aso i le galuega na alu atu ai se uo faigaluega ia Samantha, na ia fai mai na faalogo o Samantha o se Mamona, ma na

fesili mai pe moni. Na tali fiafia atu Samantha ioe, ae o le fesili na sosoo mai na faateia ai o ia.

“O le a la le mea tou te le fiafia ai i tagata e fiafia i le itupa e tasi?” o le fesili lea a lana uo faigaluega. Na faateia Samantha i le fesili ae na taumafai e faamatala atu ona talitonuga i le Atua ma le fuafuaga a le Atua mo Ana fanau, lea na ia fai atu e aofia ai taiala i le amio mama ma faalefeusuaiga. Na finau atu lana uo faigaluega i le tau atu ia te ia faapea o isi o le atunu ua alualu i luma ma e le toe i ai ni na talitonuga. “Ma le isi mea,” na ia fai mai ai, “ua tumu le talafaa-solopito i tagata ua faaaoga aoaoga faalelotu e fai ai taua ma faaleaoga ai vaega vaivai.”

Na toe faaupu atu e Samantha ona manatu ma lona malamalamia i le alofa o le Atua mo tagata uma ona ia fesili lea i lana uo faigaluega e faaaloalogia lana aia tatau e talitonu ai. Na lagona e le uo faigaluega le uunaia e tau atu i isi tagata faigaluega le la talanoaga, ma i nai isi vaiaso na sosoo ai, na lagona e Samantha le faateleina o le tuuatoatasi ao tui pea lava pea o ia e tagata faigaluega i fesili ma osofaiga.


O le pule o Samantha, i le vaaia o le faateleina o talanoaga faalelotu i le galuega, na lapataia Samantha faapea o le talaiga i le siosiomaga faigaluega o le a afaina ai lana galuega. O lana galuega, e pei o Ethan, na amata ona afaina. Nai lo le faatalitali seia tuli, na amata ona vaavaai Samantha mo se isi galuega.

Ia, o tala faafaataoto nei, ae e ui i lea e le o ni faataoto. E toatele ni Samantha ma Ethan o loo i ai. Poo le a lava le ituaiga olaga tatou te filifili e ola ai ma po o a lava filifiliga tatou te faia, ua tatou tutusa uma i le agaga e tasi ma le manao mo le faia ia tulaga tutusa ma agalelei. Sa le tatau ona tulia Ethan mo le fiafia i le itupa e tasi, ma o Samantha sa le tatau ona faafefeina mo le avea ma se tagata lotu. Na faitioina sese uma i laua, faamasinoina, ma osofaia.

O LE TAU A O LE SAOLOTOGA FAALELOTU

“E tatau ona tatou malamalamia o le faaaogaaga faamaoni o lo tatou fitalia e faalagolago i luga o le i ai o lo tatou saolotoga faalelotu. Ua tatou iloa lava e le manao Satani ia tatou maua lenei saolotoga. Sa taumafai o ia e faaumatia le fitalia i le lagi, ma i le taimi nei ua matua lili o ia e faavai-vai, teena, ma faasalalau le fenumiai e uiga i le saolotoga o tapuaiga—o le a le uiga ma pe aisea e taua ai i lo tatou olaga faaleagaga ma lo tatou lava faaolataga.”

Elder Robert D. Hales o le Korama a Apostolo e Toasefululu, “Faasaoina o le Fitalia, Puipuia o le Saolotoga o Tapuaiga,” *Liahona*, Me 2015, 111-112.



I le lalolagi i le aso, ua sao i faaupufai o malo le malamalamā i le tulaga o Ethan ae itiiti mo Samantha. Atonu e maua e Ethan lona tulaga e faapea e filifilia e se vaega e lagolagoina ae o se isi o le faataitaiga e tetei i e fiafia i le itupa e tasi. Ma, e moni lava, na te manaomia le puipuiga.

Ae faapefea Samantha? O ai o le a pui-puia lana aia tatau i talitonuga faalelotu? Ae a lana aia tatau e ola faamaoni o se tagata faatuatua, e naunautai e alofa ma auauna atu i tagata uma ae e i ai foi le aia tatau e filifili ai le mea e sao ma le mea e sese ma ola ai lona olaga?

Tulaga Tutusa mo Tagata Uma

O lo tatou sosaiete ua faatauasoina e lona manao e sui manatu faapito sese agai i se vasega e tasi o tagata ma ua lamatia ai le fatuina o se isi vasega ua sauaina: o tagata o le faatuatua, e pei o oe ma au.

Ua fesiliglia lava aoga faalelotu aua latou te manaomia tamaiti aoga ma tagata faigaluega ia tausisia se lisi o amioga faatulagaina na e manaomia ai le faamaoni ma le ola mama.

O Pule Faatonu o kamupani tetele ua faa-saina mataupu faalelotu pe faamalosia foi e faamavae ona o o latou talitonuga faalelotu patino ua le taliaina i faaupufai o malo. Ma o isi pisinisi ua faamalosia e tapunia ona o tagata e ona ua faamatala atu lo latou talitonuga.

E ui i mea ua e faalogo i ai pe faitau i ai i tausaga ua tuanai, O Le Ekalesia a Jesu Keriso o le Au Paia o Aso e Gata Ai o loo tumau pea lava pea mo le saolotoga o filifiliga ma le talitonuga. I le tele o tausaga ua tuanai na tusia ai e le Perofeta o Iosefa Samita (1805-44), “Tatou te talitonu . . . na faia tutusa tagata uma, ma e i ai uma lava le avanoa e mafaufau ai mo i latou lava i mataupu e fesootai ma lagona o le loto fuatiaifo.”¹

Na mulimuli ane faapea mai, “Afa! . . . ua faaalia na ou naunau ou te oti mo se ‘Mamona,’ . . . Ou te toa e folafola atu i luma o le Lagi ua tutusa lava ma lo’u sau-nia ou te oti i le puipuia o aia tatau a se Peresipetiriane, o se Papatiso, po o se tagata lelei o soo se ituaiga lotu [e faapei

Na tusia e le Pero-feta o Iosefa Samita, “Tatou te talitonu . . . na faia tutusa tagata uma, ma e i ai uma lava le avanoa e mafaufau ai mo i latou lava i mataupu e fesootai ma lagona o le loto fuatiaifo.”



*E le afaina ia Iesu
Keriso po o a ituaiga
tagata, mamalu, ma
tulaga ina ia aoao
ai i latou i lenei
upumoni faigofie.*

foi o se Mamona]; mo le mataupu faavae lava e tasi lea e solia ai aia tatau a le Au Paia o Aso e Gata Ai lea foi e solia ai aia tatau . . . o soo se isi lava ekalesia o e atonu e le ta'uta'ua pe e vaivai tele foi e puipuia i latou lava.”²

O le a la le tulaga o le Ekalesia i le saolotoga faalelotu? E mafai ona ou faamautinoa ia te oe o apostolo ma perofeta, i lalo o le uunaiga o le lagi, ua tuuina mai le manatu taua i lenei mataupu. Tatou te talitonu i le mulimuli i poloaiga a le Atua, ia ua mama-nuina e saogalemu ai lo tatou fafia e faavau. Ae ui i lea, “E le faamalosia e le Atua tagata i le lagi.”³ Tatou te talitonu i le fatuina o se avanoa mo tagata uma e ola i lo latou malamalama e aunoa ma le faalavelave i aia tatau ma le saogalemu o isi. Pe afai o aia tatau a se tasi vaega ua fetoai ma aia tatau a isi, e tatau ona tatou mulimuli i le mataupu faavae o le tulaga tutusa ma manatu i le tele o tagata e mafai ai. E talitonu le Ekalesia ma aoaoina “le tulaga tutusa mo tagata uma.”⁴

O le puipuia o manatu e faatatau i le saogalemu o le ala e mafaufau ai se tasi

ma lagona ma puipuia lena aia tatau a lena tagata e faatino i na talitonuga. O loo ou tautala e uiga i se tasi e tau atu ia te oe o mafaufauga, lagona, ma talitonuga ua e maua e le faatagaina, faatauaina, pe taliaina ona o ou manatu e le lauiloa. O se taua i le lagi na tauina mo le faitalia, ma o se faatafunaga maoae o lena faitalia le faamalosia o oe e faasese ou manatu ona o ou talitonuga e le ogatusa ma le lalolagi.

Faamolemole aua e te malamalama sese. Pe a ou tautala i le avea ma tagata faamoni, ou te le o faapea atu ua tuuina mai e le Alii ia i tatou se faatagaga maua fua e ola ai i soo se ala tatou te filifilia e aunoa ma ni taunuuga. Tatou te tali atu pea ia te Ia mo a tatou filifiliga. Na Ia fetalai mai, “O lenei, ia atoatoa ona lelei o la outou amio, e pei o lo outou Tamā o i le lagi e atoatoa ona lelei o ia.” (Mataio 5:48). O le poloaiga e saili le atoatoa e faatatau i lo tatou amata i le mea o loo tatou i ai ma saili le fesoasoani a le Alii e siitia i tatou i le mea e finagalo o Ia tatou te o i ai. O le tumau i lo tatou faamoni aiai patino e manaomia ai le taumafaiga

faaaauau pea e faateleina lo tatou susulu, poto, ma le malamalama.

O le tupulaga faiae ua sili le “fesootai i tekinolosi” i le talafaasolopito. Latou te fesootai pea i taimi uma. Ma ua outou iloa o mea uma i le Initoneti e masani lava ona 100 pasene le sao, a ea? E leai. O lea aua le talitonu i mea uma tou te vaai i ai i le Initoneti e uiga i le Ekalesia ma lona tulaga i aia tatau i itupa e tasi.

O se faataitaiga talu ai nei o le mataupu “tulaga tutusa mo tagata uma” a le Ekalesia na tupu ia Ianuari 2015, ina ua faia e le Ekalesia se konafesi faasalalau ma ni Aposesto e toatolu ma se tasi o le au peresitene aoao a Tamaitai Talavou e faamanatu ai i o tatou tagata, le atunuu, ma le palemene o le setete o Iuta faapea e lagolagoina e le Ekalesia se vaaiga tutusa e saogalemu ai aia tatau a tagata uma.

Na fogaina e Elder Dallin H. Oaks o le Korama a Aposetolo e Toasefululua i lena konafesi faasalalau: “Matou te valaau atu i tagata o le lotoifale, setete ma le malo tutotonu ia auauna atu i o latou tagata e ala i le pasia o le tulafono faapalemene lena e puipuia saolotoga faalelotu mo tagata, aiga, lotu ma isi vaega faatuatua ao puipuia foi aia tatau mo a tatou tagatanuu TAILU [tamaitai, alii, itupa e tasi, lua itupa, uiga tama toe teine] i ituaiga o eria e pei o fale, galuega, ma nofoaga lautele i faletalmalo, faleaiga ma femalagaaiga—puipuiga e le maua i le tele o vaega o le atunuu.”⁵

Faatasi ai ma le savali o le puipuiga mo TAILU ma tagata faalelotu foi i le ono vайaso mulimuli ane, na faamalo atu ai taitai o la tatou Ekalesia ma isi i le faalapopotoga o le TAILU. Na faamalosiau le vaaia o i latou ua puipuia mai le tuliese, manatu faapito i mea tau fale, pe tulia foi mai se galuega ona o ituaiga tagata po o itupa e faamemelo i ai. Na matou faamalo atu foi ia tatou uo faalelotu o isi tapuaiga, i le vaaia o i latou o puipuia faapena i nofoaga o galuega ma nofoaga faitele.

Na faasalalauina Iuta—ma le Ekalesia—i talafou faalalolagi ma viia mo se faaiguia faapena faaletalaaso-lopito. O lenei la, ia matauina e leai se aoaoga faavae po o ni mataupu faavae faalelotu na taulagaina. E leai ni suiga na faia i le tulafono a le Atua o le amio mama po o lo tatou talitonuga faapea o fesootaiga faalefeusuwaiga e tatau lava ona faataunuina na o totonu o le faaipo-ipoga i le va o se alii ma se tamaitai. O le taunuuga na

tulaga tutusa i tagata uma ma na atagia ai le faatumauina i tulaga faatonuina o le amio mama ma aoaoga ma le faaaloalo mo isi.

O Se Savali o le Tulaga Tutusa

E le toatele i tatou o le a maua ni matafaioi maualuluga i malo ma faigatulafono, o lea e mafai ai ona e mafaufau pe faapefea e lenei autu ona fetau ia te oe patino lava i lou olaga o lea aso ma lea aso. Ou te fia talanoa e uiga i ni mea se tolu e mafai ona e faia e lagolago ai ma faalauiloa ai se savali o le tulaga tutusa.

Muamua, taumafai e vaai i isi e ala atu i se vaaiga o le tulaga tutusa. Ina ia faia lenei mea e manaomia ai oe ia faailoa atu muamua faapea e tutusa le alofa o le Tama Faalelagi i Ana fanau uma. Sa Ia faapea mai, “Ia outou fealofani; faapei ona ou alofa atu ia te outou” (Ioane 13:34). E leai se filifiliga, agasala, po o se mea sese e mafai ona e faia pe faia foi e se isi e ono suia ai Lona alofa mo oe po o i latou. E le faapea Na te faatagaina pe le amanaia amioaga agasala; e le faapena foi i tatou—ia i tatou lava po o isi. Ae e le faapea tatou te aapa atu ma le alofa e tauanau, fesoasoani, ma laveai.

Pe a tatou lagonaina ua faatumuina ma alofaina atoatoa, e sili atu le faigofie ona alofa i isi ma vaai ia i latou i le ala na faia e le Faaola. Faamolemole ia liliu atu i le Faaola i le tatalo ma ole atu ia maua Lona alofa mama mo oe lava ia faapea ma isi. Ua Ia folafola mai o le a outou lagona Lona alofa pe a outou ole atu i le faatuatua (tagai Moronae 7:48).

O le faatumuina i lenei alofa mama o le a taialaina ai ou manatu ma faatinoga, ae maise lava i mataupu faafai o malo na e mafai i nisi taimi ona fefinauai. E mafai ona vave lava le faateleina o le fefinauai pe a tatou talanoaina upufai o malo, ae maise lava pe a tatou talanoa i le saolotoga faalelotu. Afai tatou te faatagaina nei taimi e puleaina a tatou amio, o le a tatou foliga le kerisiano loa i o tatou aiga, uo, tuaoi, ma e masani.

Manatua le ala na taulima ai e le Faaola fesili faigata ma luitau o manatu. Na Ia tumau i le toafimalie, na Ia faaalia le faaaloalo, ma na Ia aoao atu le upumoni, ae Na te lei faamalosia lava se tasi ia ola i le ala na Ia aoaoina atu.

Lona lua, tuu atu i le tulaga tutusa e taialaina le ala e te taulimaina ai isi. E le afaina ia Iesu Keriso po o a

ituaiga tagata, mamalu, ma tulaga ina ia aoao ai i latou i le upumoni faigofie. Manatua le fafine Samaria i le vaieli (tagai Ioane 4:5–30), le taitai Roma (tagai Mataio 8:5–13; Luka 7:1–10), ma le telona le aloaia (tagai Luka 18:9–14). Ua poloai mai le Alii ia i tatou e mulimuli i Lana faataitaiga, ma fetalai mai, “Ia e mulimuli mai ia te au, ma fai mea ua outou vaai ua Ou faia.” (2 Nifae 31:12). Aua le faama-sinoina tagata pe taulimaina i latou i le tulaga e le tutusa ona latou te faia agasala eseese nai lo oe, po o i tatou.

Atonu o le luitau silisili i le taulimaina o isi ia tutusa o loo i le paleni e manaomia i le lagolagoina o le saolotoga faalelotu pe a i ai ni au uo po o tagata o aiga e aafia i le tosina i le itupa e tasi po o e lagolago malosi aia tatau o le TAILU. O nisi o outou e popole o le a outou foliga e le onosai pe le lagolagoina pe afai tou te saili puipuiga e faatino lou faatuatua faalauaitele ma saoloto.

Ma le isi, suesue i le soifuaga o lo tatou Faaola ma saili Lana taitaiga. Na faaalia lelei e le Faaola le ala e aapa atu ai i le alofa ma le faamalosiauga ao taofi mau pea i le mea ua tatou iloa e moni. Manatua ina ua maua le fafine ua mulilua, na fesili atu le Alii mo soo se tasi e aunoa ma se agasala e laa atu i luma ma avea ma tagata muamua e faasalaina o ia. Ina ua leai se tasi na alu atu, o lo tatou Faaola, o le leai se agasala, na fetalai atu, “Ou te le faasala foi ia te oe: alu ia oe, aua e te toe agasala” (Ioane 8:11). O le faamagalo ma le agalelei na Ia faaalia ia te ia na le feteenai ma Ana aoaoga faapea o fegalegaleaiga faafeusuaiga ua tatau mo se tane ma se ava ua faaipoipo aloaia ma faaletulafono. O oe foi e mafai ona tumau i le sao ma le upumoni ae aapa atu pea i le agalelei.

Ina ua faamutaina e uo a Keriso ma au soo lo latou sootaga ma Ia, na Ia faaleoina le faanoanoa ma le tiga. Ae ui i lea, pe a faamutaina se sootaga, ona o isi ua le fiafia i Ana aoaoga, ae le faapea ona ua le fiafia o Ia i isi.

A o tatou saili e taulimaina isi ma le tulaga tutusa, e tatau ona tatou manatua le mataupu faavae o le faitalia. E tatau ona tatou faaaloalo pe a i le gafatia o isi e faia ni filifiliga ma talosagaina ia latou tuuina mai lena faaaloalao e tasi ia i tatou. Pe a talanoa atu i isi e uiga i le saolotoga faalelotu, e tatau ona tatou manatua pea e mafai ona tatou le ioeina e aunoa ma le faatiga. Faamolemole aua le mata-muli mai se talanoaga e faatatau i nei mataupu taua ona

faapea e te popole atonu e faigata pe le toafimalie. E mafai ona tatou tatalomo le fesoasoani, ma e mafai ona tatou faamoemoe o le a fesoasoani le Faaola ia i tatou e tautala pe faatino i se ala e faafiafiaina ia te Ia.

Lona tolu, tu atu mo le tulaga tutusa pe a e vaai i aia tatau a isi ua afaina. O Elder L. Tom Perry (1922–2015) o le Korama a Aposetolo e Toasefululu na avea o se faataitaiga maoae o se tasi na talitonu mausali i le faaipoipoga a le alii-tamaitai, ma na ia naunautai e tu atu mo aia tatau a isi. Na ia tuua se faataitaiga o le mautinoa o aia tatau a isi na puipuia pe a ia molimauna le faia le tutusa po o se le paleni i le tulafono.

Mai le taimi o Iosefa Samita i o tatou aso, o la tatou talatuu o le aapa atu e faamalolo manua ma tiga e aunoa ma le suia o le aoaoga faavae lena e le o sa tatou e suia.

Ia Faaaofia Moni Lava

Ona oo mai ai lea i lou manatu mulimuli, ma o le manaomia ona faaaofia moni lava mai lau tupulaga i lenei mataupu. Ou te tu faatasi ma taitai o le Ekalesia a lo tatou Alii pe a ou fai atu tatou te manaomia le malamalamana moni lava o lau tupulaga o le agalelei, faaaloalo, ma le tulaga tutusa. Matou te manaomia lo outou manatu lelei ma lo outou naunautai e faatautaia ai nei mau manatu lautele.

E i ai lo matou faatuatua o le a outou liliu atu i le Faaola ia malamalamana ai pe faapefea ona ola faapei o le soifuaga o le Faaola ao faapea ona faaalia le tulaga tutusa ma le

LAGOLAGO MA FAALAU- ILOA LE TULAGA TUTUSA E ALA I LE:

1. O le vaai i isi e ala i le vaaiiga o le tulaga tutusa.
2. Tuuina atu o le tulaga tutusa e taialaina lou taulimaina o isi.
3. Tu atu mo le tulaga tutusa pe a e vaia aia tatau a se tasi ua afaina.





alofa i isi o e le tutusa tou talitonuga. Matou te iloa tou te mananao ia avea o se vaega o se mea e taua, ma matou te iloa tou te malosoi ma feoeoeai.

O le mea e sili le taua, matou te manaomia outou ia auai i talanoaga e faatatau i le faigata o lenei mataupu ma sue fofu mo le ala sili e tuuina atu ai le tulaga tutusa i tagata uma, e aofia ai tagata faatuatua. O nei talanoaga e manaomia le faia i a tatou aoga, i o tatou aiga, ma ia tatou sootaga ma uo ma tagata faigaluega.

Pe a e faia nei talanoaga, faamolemole manatua nei mataupu faavae: vaai i isi e ala i se vaaiga o le tulaga tutusa, taulimaina i latou ma le faaaloalo ma le agalelei, ma faamoe-moe le faiga lava lea e tasi e toe faaalia mai.

O se Faateleina o le Alofa

Mulimuli, ou te fia tuua outou ma lau mau ma lau molimau ma faapea atu ao outou mulimuli i le valaaulia e aapa atu i isi i se agaga o le tulaga tutusa, o le a outou lagonaina se faateleina o le alofa o le Faaola mo outou ma fanau uma a le Tama Faalelagi.

O lau faataitaiga o le faaaloalo ma le tulaga tutusa o le a tatala ai faitotoa ma fatuina ni faauoga anoa na o le a e faamemelo ai i lou olaga atoa.

Ou te molimau atu ia te outou o loo soifua le Tama Faalelagi, ma Na te silafia oe, ma e alofa patino lava o Ia ia te oe. Ua saunia o Ia e fesoasoani ia te oe. Ua Ia faaalia Lana fuafuaga ia i tatou e le gata ina ia mafai ona tatou toe foi atu ma ola faatasi ma Ia e faavavau ae ia faamanuiaina foi i tatou ma fiafia i lenei olaga. Ao e mulimuli i Ana aoaoga ma ao e aapa atu i le alofa ma manatu i isi, o le a e lagonaina atili ai lava Lona mana ma le alofa. ■

Mai se lauga i se sauniga lotu, "Religious Freedom and Fairness for All," na tuuina atu i le Iunivesite o Polika Iaga ia Setema 15, 2015. Mo le saunoaga atoa i le gagana Peretania, alu i le speeches.byu.edu.

FAAMATALAGA

1. *Aoaoga a Peresitene o le Ekalesia: Iosefa Samita* (2007), 553.
2. *Aoaoga: Iosefa Samita*, 554.
3. "Know This, That Every Soul Is Free," *Hymns*, no. 240.
4. "Transcript of News Conference on Religious Freedom and Nondiscrimination," Jan. 27, 2015, mormonnewsroom.org.
5. Dallin H. Oaks, i le "Transcript of News Conference on Religious Freedom and Nondiscrimination."

Na faaalia lelei e le Faaola le ala e aapa atu ai i le alofa ma faamalosiauina ao tumau mausali i le mea ua tatou iloa e moni.

FILIFILI E OLA:

FAATOI LALOINA OMAFAUFAUGA E PULE I LE OLA

*O le mala-
malama o le
Lalolagi na
fesoasoani ia
te au e sao mai
le pogisa o lou
faavauvau
faavaitaimi.*



Taofia le igoa

 lau tauiviga ma mafaufauga e pule i le ola na amata i lou faatoa see atu i se aai malulu i Iceland, lea e oso ai faaletonu faalemafaufau faavaitaimi (FFF) matuia ona o le leai o se susulu o le la i le taimi o le taumalulu. Ao faateteleina naua lou tiga mo au e taulimaina ai, na ou mafaufaufau loa e pule i le ola.

I le tausaga muamua ou te lei taliaina faapea o au sa faavauvau. Sa ou fefe e tau i se tasi, e oo lava i lou toalua, e uiga i ou mafaufauga. E leai se tasi i lou aiga po o le lotu na iloaina na ou puapuagatia mai se mai e aafia ai le ola; na latou vaai ia te au o se tagata toaga i le Ekalesia ma se molimau malosi e leai ni luitau faigata. Na ou tatalo soo, ma aioi atu mo se toomaga, ma na faamalosia au e le Tama Faalelagi. Na sili atu lou faaeteete i au meaai, faamalositino soo, faagotoina au lava i tusitusiga paia, auauna atu i isi, ma tausia uma poloaiga. Ae na le lava lena.

Na fafati mai le faavauvau ia te au pei se galu maoae. O lea na ou tamoe ai e sili atu le saoasaoa ma tatalo atili, ae sa le mafai ona ou manumalo i taimi uma i le galu. Na ou taumafai e taofi lagona o le faavauvau, tatalo ia ou ola seia o mai lau fanau i le fale mai le aoga pe sei oo i le aiga o le aoauli. O nisi aso ou te ola mai lea minute i lea minute, e faaaoga ai sina naunautai ititi e faatoilalo ai ou mafaufauga ma uunaiga.

Ou te manatua le lagonaina o le tiga matautia faalemafaufau i le taimi muamua na toe-ititi lava a ou pule ai i lou ola. Ou te lei fuafuaina pe mafaufaufau i luma—na le maua mo se taimi se malosiaga e mafaufaufau sao ai. Mulimuli ane na ou iloaina ai lou matuai latalata atu lava i le pule i lou lava ola. Na ou tau mafaufaufau po o le a le mea na sese ia te au. Na ou tau ia te au lava ia faapea sa le tatau ona i ai ni ou mafaufauga e pule i le ola, ma na ou faataga faapea e lei i ai lava na mafaufauga. Sa ou folafola ia te au lava o le a ou le toe maua lava ia mafaufauga.

Ae o mafaufauga e pule i le ola na faaauau pea ona oo mai i lou mafaufaufau i le taimi ou te lei faamoemoeina ai. O le faaososooga e faamuta lou tiga matautia na matuai malosi mai lava. Ae na ou manao ia faamaloloina. E ui ou te lei malamalama i le taimi lea faapea na ou puapuagatia mai se mai tuga (o se mai e faigata ma faafuasei), na ou iloa lava e mafai ona faamaloloina au. O lea na ou talosagaina ai se faamanuiaga faaleperisitua.

O lou toalua, ma le le iloaina o au tauiviga, na tau maia le tele o mea i le taimi o le faamanuiaga lena na tau mai ai ia te au na silafia e le Tama Faalelagi au. Na ia folafola mai ia te au o le a ou taulimaina ou luitau. O le faamalologa faafuasei e le o le fofo, ae na ou taliaina faapea o le a fesoasoani mai le Tama Faalelagi ia te au e manumalo i lau tauiviga.

Na oo mai le taumafanafana, tumu i le la susulu ma aso uumi. Sa le pogisa lava, e oo lava i le vaeluaga o le po. Na ou fiafia ma lagona lou toe foi i lou tagata masani. Ae ao vave lava ona pupuu aso ia Setema, na toe foi mai lou faavauvau ma o mafaufauga



e pule i le ola na faatumulia lou mafaufau. Sa ou fefe. I le taimi muamua, na ou taumafai le mea na ou faia i le tau-saga talu ai: tatalo atili, faamalositino atili, ma taumafai atili i mea uma. Ae o uunaiga e pule i le ola na faateteleina ma sili atu le tuga. Na ou tauivi mo le lua masina ma na iu ina ou iloaina o le a le mafai ona ou ola mai le isi taumalulu na o au lava. Na ou iloaina na faamanuiaina i matou e le Tama Faalelagi i vailaau fou ma fomai. Ina ia toe malosi, na ou manaomia ia naunau e talanoa atu e uiga i lou faavauvau ma asiati atu i se fomai.

O le fesili atu mo se fesoasoani o le mea e sili le faigata faatoa ou faia. Na tau le mafai ona ou tautala i lou tagi ina ua ou tau atu i lou toalua e uiga i lou faavauvau ma na ou manaomia le fesoasoani. Sa le mafai ona ou tau atu leotele le upu *pule i le ola*. Na fai e lou toalua se taimi faatulagaina ma se fomai o le mafaufau mo au.

Na tusi mai e lou fomai ni vailaau, ia na fesoasoani ia te au e sao ai mai le taumalulu. E pei o le tele o tagata, na ou tauivi e sue le inumaga sao ma taulimaina aafiaga e tutupu mai ai. O lenei mea na aumaia le faavauvau faapoopo i lou faaipoipoga ma lou aiga, ae na lagolagoina au e lou toalua ma lau fanau.

Ina ua oo mai le tautoulu, na faaleleia lou faavauvau, ma na le toe manaomia ai vailaau. Na matou see atu i se aai e susulu ai le la. Na ou manatu ua lelei mea uma ma na ou tuua lou mai faalemafaufau i tua. Ae na lei faamalolina atoatoa au. O lagona o le nofosala na tutupu mai mo ou mafaufauga, lagona, ma uunaiga talu ai. Na ou le fiafia faapea na manatu lau fanau talavou na ou mafaufau e pule

i le ola. Na ou lagona na ou faamaimauina le silia ma se tausaga o lou olaga.

Ma le isi, na ou fefe—ae maise lava ina ua toe oo mai aso pupuu o Setema. Na oo mai ni manatuaga ua tuanai malolosi lava ma na ou fefe o le a ou toe puapuaga foi i le faavauvau matautia. Ae na ou mafai ona vaaia le aao o le Alii i lou olaga ao taitaiina au i se fomai lelei ma amata ai togafitiga. Na ou iloaina na ou puapuagatia foi mai se faaletonu faalemafaufau mai se faalavelave (FFMF). Faatasi ai ma le taitaiga a lau fomai, na ou taulimaina ai le FFMF.

Ona ou oo lea i se vavega. I le maea ai o le tatalo malosi ma le sailiga e faaaoga le Togiola a le Faaola i lou olaga, na aveesea vave e le Alii ou lagona o le nofosala, manino, ma iloa gofie. O Lona siufofoga na faamatalaina faapea sa le manaomia lou tauaveina o le lagona nofosala ona o lou faavauvau e le o au na mafua ai. E tauaveina e Iesu Keriso lena avega mo au e ala i le mana o Lana Togiola. Na faatumuina au i le malamalama ma toe lagonaina le faamoemoe.

Ou te le iloa mafuaaga uma pe aisea na ou feagai ai ma luitau o le mai e lamatia ai le ola. E ui lava o loo ou tauaveina manatuaga uma, o tiga faalemafaufau ma faaletino e le o toe i ai. O aso uma ou te faafetai ai mo lou aiga, lou fomai, ma lou taimi iinei i le lalolagi. Ona o lou mai, na ou maua ai le malamalama ma le alofa mo isi. Na faateleina lou tulaga faalelagona ma faaleagaga ma na mauaina le malamalama faapea semanu ou te le aoaoina i se isi lava ala. Na ou oo i ni taimi taua tele faaleagaga faatasi ma lou Tama Faalelagi ma lou Faaola. O ou aafiaga na faamalosia ai au e talisapaia le olaga. ■

O LE ALA E FATU AI SE FUAFUAGA SAOGALEMU MAI LE PULE I LE OLA

Saunia e Doug Thomas

Tagata faigaluega o le va i fafo o le ofisa faalaiseneina

Emafai ona e fatuina se fuafuaga pe afai e i ai ni ou manatu e faatiga ia te oe lava ia, e mafai ona e amata i le laasaga 1 ma faaaauau laasaga seja oo ina e lagona le saogalemu. O le taimi sili e fatuina ai lau fuafuaga o le taimi ae e te lei oo i se tulaga faigata. Tuu lau fuafuaga i se nofoaga e mafai ona e maua gofie ai, e pei o lau telefoni feaveai. E i ai uepsaite ma polokalama na e i ai fuafuaga aoga e faatumu, pe mafai ona e fatuina se fuafuaga faatasi ma le fesoasoani a se tagata faapitoa (tagai i le laasaga 6 i lalo) pe faia e oe lava ia e faaaoga ai nei fautuaga:

1. Iloa faailoga o lapataiga.

O a ituaiga o mafaufauga, lagona, ma amioga e tau atua ia te oe o se mea faigata e ono tupu mai? Tusi i latou i au lava upu. Mo se faataitaiga: "Pe a ou tolopoina au gaoioiga uma lava ma na o le manao lava e moe." "Pe a ou faaaauau pea ona maua mafaufauga o le avea ma se avega." "Pe a ou lagona le faaosoina, e pei ua ou manaomia e fai se mea vave lava e faatea ai le tiga." O le iloaina o nei faailoga lapatai o le a fesoasoani ia te oe e iloa ai e te manaomia e faagaoioi lau fuafuaga.

2. Taumafai e faatoofilemu ma faamafanafanaina oe lava ia.

Fatu se lisi o gaoioiga e faatoofilemu ai ma lagona ai le mafanafana e mafai ona e faia pe a oo mai na mafaufauga po o uunaiga e faaleaga oe lava. O faataitaiga e ono aofia ai le alu e savali, faia o se taelega mafanafana, faamalositino, tatalo, pe tusitusi i lau api o talaaga.

3. Mafaufa e uiga i au mafuaaga mo le ola.

I nisi taimi, e ono faatoilalo e le tiga lagona lelei. Fatu se lisi e faamanatu ai ia

te oe lava tagata e te alofa i ai, mea e te manao e fai, ma faamanuiaga na e maua ai le lagona faafetai.

4. Aapa atu i isi ma fesili atu mo se fesoasoani.

Lisi ni nai tagata (faatasi ma numera o telefoni) e mafai ona e talanoa i ai ma e mafai ona naunau mai ma avanoa e fesoasoani ia te oe i le taimi o totoe o lau fuafuaga o le saogalemu i se taimi faigata. O nei tagata e mafai ona aofia ai uo, tagata o le uarota, ma tagata o le aiga.

5. Ia mautinoa o loo e i ai i se siosiomaga saogalemu.

O lenei mea e ono aofia ai le fesili i se tasi e fesoasoani e aveese ni aitema e foliga mai e mafai ona e faaaoga e faatiga ai oe lava, pe alu i se isi nofoaga seja faaleleia ou lagona. Fai se lisi o nofoaga faafafia —e pei o paka, fale faamalositino, faletifaga, ma isi—na e saogalemu ma le fatoisina ese ai oe.

6. Afai o loo e lagonaina pea le fia faaleagaina o oe lava, **faafesootai se tagata faapitoa atamai.**

Lisi igoa, numera, ma nofoaga o falemai, potu o faalavelave faafuasei, ma laina telefoni o faafitauli. Suicide.org/international-suicide-hotlines.html o loo lisiina ai laina telefoni o faafitauli mo le tele o atunu. Mo se faataitaiga, o le numera a le lunaite Setete o le 1-800-273-TALK.

7. A uma ona fai uma nei mea, afai e te le o lagonaina pea le saogalemu, **valaau auaunaga o faalavelave faafuasei pe alu i lau falemai e sili ona lata ane ma fesili atu mo se fesoasoani.**



E MAFAI ONA IA FAAMALOLOINA I TATOU

"E leai se tiga faaletino, leai se manua faaleagaga, leai se tiga o le agaga po o le loto nutimomoia, leai se ma'i po o se vaivaiga na faafetaiaia oe po o au foi i le olaga faaletino e lei oo muamua i ai le Faaola. . . . E mafai ona ia aapa mai, pa'i mai, fesoasoani, faamalolo, ma faamalosia i tatou ina ia sili atu nai lo le mea e mafai ona tatou faia ma fesoasoani ai ia i tatou e faia le mea e le mafai ona tatou faia i le na o lo tatou faalagolago atu i lo tatou lava malosi."

Elder David A. Bednar o le Korama a Aposetolo e Toasefululua, "Tauave ma le Faigofie a Latou Avega," *Liahona*, Me 2014, 90.



“FAAPOTOPOTO FAATASI i Lou Igoa”

*Ua tofia e le Alii aufono a uarota ma paranesi e fesoasoani
ia i tatou e auauna i le alofa ma le lotogatasi.*

Saunia e Jakob R. Jones

Elei leva talu ai nei na ou auai i se afiafi faaleaiga faatasi ma se aiga ou te alofa tele i ai: o se tane talavou ma le toalua ma le la tama teine laititi. I le avea ai ma lo latou epikopo na ou sau i lo latou fale o se faatinoga laitiit i se uunaiga mai le Agaga ma e tele lava o se uunaiga mai le tina ma le tuafafine popole o lenei tama talavou, lea na faatasi ai foi. Na galue le Atua i lenei aiga ia faia ni suiga tetele i o latou olaga ma toe aumaia ia i latou ia faamanuiaga o le talalelei ma le Eklesia. Ae na tupu se mea i lena aso.

Sa matuai popole lenei tamā talavou mo le tele o masina e uiga i le tausia o lona aiga. O lana galuega na fuafuaina e faamuta vave, ma o ia ma lona toalua ua i ai i le faia o se filifiliga pe tatau ona toe see atu lo latou aiga i se isi setete. O le uiga o lena mea o ni suiga taua mo le aiga. Na vave iloa e lenei tama i lena aso o se fesoasoani tele o mea tautupe na fuafuaina o le a le maua; o se tala faanoanoa tele.

Ina ua ou taunuu atu i lo latou fale mautotogi, na mafai ona ou vaia le lotovaivai tele i ona fofoga. O le tiutetauave o le tausia o se aiga ma le tala le manuia na mamafatu i tauau o lenei tama talavou.

O lona toalua na filifilia se mataupu o tusitusiga paia mo le lesona e faaalia ai o latou popolega o le lagona lofituina. Na faitau e le tama le mataupu atoa. Atonu e te silafia nei upu mai le Isaia 55:

“Outou uma o e fia inu, o mai ia i le vai, atoa ma outou ua leai ni tupe, o mai ia, ina faatau ma aai; ia outou o mai lava, ma faatau . . . a e leai se tupe, e leai foi se tau e faatau ai. . . .

“Aua o o’u manatu e le o outou manatu o o’u ala e le o outou ala, ua fetalai mai ai Ieova”
(fuaiupu 1, 8).





Ma ona talanoaina lea e le aiga le uiga o na fuaiupu ia i latou. Na faatumuina lena fale mautotogi laitiiti i le Agaga o le Alii ao liua lenei afiafi faaleaiga i se aufono faaleaiga. Na faasoa mai e lenei tama talavou ona popolega ma atugaluga ma manaoga, ma na faasoa atu e tagata uma lo latou alolofa ma le popole mo le tasi ma le isi. Na latou talanoa e uiga i le mea e fai, po o a filifiliga na ia i latou, po o a faatinoga e fai.

Sa avea o se talanoaga faalauaitele. Na i ai ni feeseeseaiga. Na uunaia au e na o le faalogo lava ma vaavaai. Mulimuli ane, i le lotogatasi na filifili le tane ma le ava ua tatau ona la faia faatasi le filifiliga ma le Alii e ala i le tatalo. Na masani ona ou ofoina atu upu o le lagolago ma le faamalosiau.

O le Mamanu a le Alii o Faaaliga

E mafai ona ou manatua ni nai taimi na ou iloaina ai le Agaga o le Alii e sili atu le malosi nai lo lena tamai fale mautotogi i lena afiafi faatasi ma lena aiga lotomaua-lalo, ma le pagatia. O se faataunuina o le folafolaga a le Alii na tuuina i Ona soo i aso ua mavae: "O le mea e potopoto faatasi ai le toalua po o le toatolu i lou igoa, e faatatau i se mea e tasi, faauta, o iina o le a Ou i ai i le lotolotoi o i latou—e faapei lava ona Ou i ai ia te oulua." (MF&F 6:32).

O na upu mai le Faaola e le na o se faantuaga lelei pe na o ni nai upu o le faamafanafanaga. Mo le perofeta talavou

"*O le mea e potopoto faatasi ai le toalua po o le toatolu i lou igoa, . . . e faapei lava ona Ou i ai ia te oulua.*" (MF&F 6:32).

o Iosefa Samita ma Oliva Kaotui, o na upu a le Faaola ua faatuina mai ai le aoaoga faavae ma le mamanu mo le mauaina o faaaliga ma le taitaiga ma mo le faia o filifiliga i le malo o le Atua.

Na i ai le Alii i totonusi o lena aufono a le aiga i lena po. Na latou valaaulia Lona Agaga e ala i le tatalo ma le sue-sue i tusitusiga paia. Na lotogatasi i latou i le faamoemoe. Na faatumuina i latou i le alofa mo le tasi ma le isi. Na latou aumaia o latou manatu sili ma aafiaga ma faataatia i luma o le tasi ma le isi ma luma o le Alii ma ole atu mo Lana taitaiga. Na latou faia filifiliga i le lotogatasi ona faia lea o le faatinoga.

O le Ekalesia e Faatautaia e Ala i Aufono

O le tusitalima a le Ekalesia ua aoao mai ai le aoaoga faavae o aufono:

"O le Ekalesia a le Alii e taitaia e ala i aufono i pulega aoao, eria, siteki, ma uarota. O nei aufono e taua i le faatulagaga o le Ekalesia.

I lalo o ki o le taitaiga a le perisitua i faatulagaga taitasi, e soalaupule faatasi taitai mo le manuia o tagata taitoatasi ma aiga."¹

I tulaga uma o lenei Ekalesia, tatou te tauivi e faatautaia e ala i na mataupu faavae na aoao mai e le Faaola i Ona soo ma Oliva ma Iosefa—e o mai faatasi i le lotogatasi ma le aufono.

O uarota taitasi e i ai se aufono e "aofia ai le au epikopo, failautusi a le uarota, failautusi faapitoa a le uarota, taitai vaega o faiatulaga sili, peresitene o le korama a toeaina, taitai misiona a le uarota, ma peresitene o le Aualofa, Alii Talavou, Tamaitai Talavou, Peraimeri, ma le Aoga Sa."²

O galuega uma e fai e lenei vaega o taitai o le uarota e faatumutumuina lava le taulai atu i le fesoasoani i "tagata taitoatasi e fausia a latou molimau, ia maua sauniga faaola, tausia feagaiga, ma avea ma soo faapaiaina o Iesu Keriso."³

Atonu na e faalogo i le fuaitau "E i ai le saogalemu i aufono."⁴ Aisea? O se tasi o mafuaaga o le mea moni fai-gofie faapea e leai se tasi o i tatou e poto e pei o le toatele o i tatou faatasi. O i tatou taitoatasi e aumaia se manatu faapitoa ma ni aafiaga ma manatu.

O le tusitalima a le Ekalesia e aoaoina foi pe faapefea e fonotaga a aufono a uarota ona mafai ona sili ona

aoga i le faaaofaina ai o manatu faapitoa o tagata taitoatasi o le aufono: "I le taimi o le fonotaga, e faamalamalama ai e le epikopo mataupu taitasi ua mafaufauina, peitai e le masani ona ia faia le tonu pe faapefea ona foia le mataupu sei vagana ua faafogoa o ia i le talanoaga. Na te uunaia isi sui auai e faaali o latou manatu i le talanoaga e aunoa ma lona faoa uma o le taimi. Na te fesili atu fesili ma e mafai ona talosagaina ni sui auai faapitoa mo a latou fautuaga. E faalogologo o ia ma le toto'a a o lei faia se faaiuga. O nei talanoaga e tatau ona siitia ai se agaga po o se siosiomaga o musumusuga."⁵

I se faaupuga faigofie, tatou te aumaia a tatou taleni faapitoa ma malosiaga ma manatu. Tatou te augani atu i le Alii ia faatasi ma i tatou, e taitaia i tatou e Lona Agaga, ia faia se eseesege i mea tatou te le mafaia, ma ia iloa manaoga o tagata o loo tatou auauna atu i ai. Tatou te talanoaina manaoga o aiga ma tagata taitoatasi ma taumafai ia oo i ni filifiliga i le lotogatasi. Ona tatou o loa lea e galulue ma ole atu i le Alii e faamanuia tagata o le uarota.

Fefautuaai Faatasi i le Aufono a le Uarota

I le valu masina ae ou te lei auai i lena afiafi faaleaiga faatasi ma lena aiga talavou, na potopoto le aufono a le uarota i se tasi taeao o le Aso Sa. Na matou amata i le tatalo ma matamata i se vitio e uiga i le fesoasoani i tagata taitoatasi ma aiga ia maua faamanuiaga ma sauniga o le talalelei. Na ou fesili i tagata o le aufono pe na i ai se tagata na oo mai i le mafaufau ao matou matamata i le vitio. O lena mea na taitai atu ai i se talanoaina o lenei aiga. Na matou faaalia lo matou alolofa mo i latou. Na matou talanoaina ni valaauga talafeagai, pe faapefea ona matou fesoasoani i le tama e galue i le faauuina i le Perisitura Mekisateko, ma pe faapefea ona matou fesoasoani

i le ulugalii e galulue i le mauaina o sauniga o le malumalu.

I le avea ai ma epikopo na ou faia ni tofiga. Na foliga mai ua toeitiituma le talanoaga, ae na i ai lava se mea na lagonaina e fai si le sao. O le peresitene o Tamaitai Talavou lea na iu ina fai mai, "Ou te manatu ua televave tele la tatou faaiuga. Ou te tau lagonaina e pei tatou te manaomia le taulai atu i mea faavae mo i latou, e pei o afiafi faaleaiga ma le suesueina o tusitusiga paia ma le tatalo. Ona alu ese ai lea o lena lagona "e fai si le sao". Na ia saunoa, e le mo le faalapopotoga a Tamaitai Talavou, ae ona o le alofa mo lenei aiga, ma i lena taimi na molimau mai ai le Agaga ia i matou i le moni o lana fautuaga.

O le faamatalaga a lenei tuafafine na toe amata ai le talanoaga. Na matou talanoa e uiga i le ala e fesoasoani ai i le aiga e attina ae se mamanu o le suesue i tusitusiga paia, tatalo, ma afiafi faaleaiga. O le tuafafine o le tama talavou na auauna atu o se tasi o faifeautalai o la matou uarota, o lea na tuu atu ai le tofiga i le taitai misiona e galue ma ia ma faiaoga o aiga e faatulaga ni afiafi faaleaiga faisoo. Na ma momoliina ma lou toalua se kopi o le risosi taiala o le *Afiafi Faaleaiga* ma se tusipese i lo latou aiga.

O le lagolago ma le malosi na sili le faatumauina na sau mai le tina ma le tuafafine o lenei tama



*“Pe a outou auauna atu i o outou uso
a-tagata, ua nao lo outou auauna atu
lava lea i lo outou Atua.” (Mosaea 2:17).*

talavou ao la auai pea i afiafi faaleaiga ma le aiga, ma iu lava ina taitai atu i lena afiafi faaleaiga taua lena na faamanuiaina au e auai.

Ua tau mai e le tusitalima: “E tatau ona tofu lagona e alii ma tamaitai e faatauaina o latou finagalo o ni sui auai atoatoa. . . . O manatu o tamaitai o nisi taimi e ese ai mai manatu o alii, ma e faaopoopo atu ai se vaaiga taua i le malamalamaga ma le tali atu i manaoga o tagata o le au paia.”⁶ I le avea ai ma se epikopo talavou ou te nofo i le aufono faatasi ma peresitene o le Peraimeri, Tamaitai Talavou, ma le Aualofa o e ua i ai le poto e sili atu ma aafiaga o le olaga ma manatu nai lo au. E masani lava o i latou o ou faiaoga i uiga faaKeriso ma e oo lava i le ala e avea ai ma se tama lelei ma se tasi e umia le perisitua.

Ou te matuai faafetai lava mo tamaitai o lenei Ekalesia. Ou te faamoemoe o le a le lagonaina e o tatou tuafafine le le taua po o le le amanaia foi ia tatou fonotaga o aufono. O tagata o le aufono a le uarota e galulue o ni tagata tutusa. O ki o le au peresitene ua tuuina i se epikopo o se mataupu o le faatulagaina tatau, faalapotopotoga, ma se tiutetauave tofaina ae le o se faailoga o le pule po o le maualuga faaleagaga.

Lotogatasi

Ua faamatalaina e le tusitalima le taua o le lotogatasi: “A maea se talatalanoaga, e mafai e le epikopo ona faia se faaiuga, pe e mafai foi ona ia faatali e talanoaina atili ma ona fesoasoani le mataupu. A uma ona ia faia se faaiuga, e tatau i sui auai o le aufono ona lagolagoina i se agaga o le aufaatasi ma le lotogatasi.

“Afai e malosi ni lagona lē mautinoa o sui auai o le aufono e uiga i se faaiuga taua, e mafai ona faatali le epikopo mo le isi fonotaga a le aufono, e iloilo atili ai le mataupu ma sailia le faamautinoaga faaleagaga ma le lotogatasi.”⁷

O le lotogatasi o se isi mafuaaga o le saogalemu i aufono. O nisi taimi i le avea ai ma tagata taitoatasati tatou te manatu tatou te iloa po o a faatinoga e manao-mia le faia, ma e masani ona tatou mananao e oso sao i le taunuuga i le faaiuga. E galo ia i tatou o le sini faaiu a le Alii e le o lo tatou faia o se atiina ae o se fuafuaga o faatinoga. E faapea o Ana fanau taitasi e oo ina iloa o Ia. E te manatua le ala na tatalo ai le Alii mo Ona so:

“O le ola e faavavau foi lenei, ia latou iloa oe le Atua moni e toatas, atoa ma le ua e auina mai, o Iesu Keriso lea. . . .

“Ou te tatalo mo i latou: ou te le tatalo mo le lalolagi; ao i latou na e foaiina mai ia te au; aua o ou tagata lava i latou. . . .

“. . . Le Tama Paia e, ia e tausi ia i latou i lou suafa o e na e foai mai ia te au, ina ia tasi o i latou, faapei o i taua. . . .

“O au i totonu o i latou, o oe foi o i totonu ia te au, ina ia faaatoatoaina i latou ia tasi” (Ioane 17:3, 9, 11, 23).

O le faamoemoega a le Alii ia avea i tatou Mona—ia tasi i tatou ma Ia, ma lo tatou Tama Faalelagi, ma le tasi ma le isi. O le faagasologa e ttau e pei o le taunuuga. O aufono o se vaega o le faagasologa paia ua tofaina lea e ausia ai le lotogatasi lea e avea ai i tatou faapei o Keriso. Ua fetalai mai le Alii, “ia tasi outou; ma afai tou te lē tasi e lē a au outou” (MF&F 38:27).

O lena poloaiga atonu e faaaogaina o se suega. Mo se faataitaiga, atonu na saunoa mai le Alii, “Tou te iloa ai e a au outou, pe a tasi outou ma le isi ma tasi ma au.”

O le tama o se aiga e mafai ona maua faaaliga o le toe malaga ese o le aiga o le a aumaia faamanuiaga ma



le lotogatasi. Ae a aunoa ma le lotogatasi o lona toalua ma le fanau, atonu o le a le aumaia e lana fuafuaga ni taunuuga na faamoemoeina.

O se epikopo atonu e maua faaaliga mo se fuafuaga o le misiona a le uarota, ae seiloga e autasi le aufono a le uarota ma lena faaaliga, o le a le oo mai ni faamanuiaiga, ma o le epikopo o le a tuua e mafaufau po o le a le mea na sese.

O le ala lenei na faamatalaina ai e Peresitene Russell M. Nelson, le Peresitene o le Korama a Aposetolo e Toasefululua, le ala e faatautaia ai le Aufono a le Au Peresitene Sili ma le Korama a Aposetolo e Toasefululua:

“O le valaauna o tamalii e 15 i le valaauga paia faaaposetolo ua tuuina mai ai se puipuiga tele mo i tatou o tagata o le Ekalesia. Aisea? Ona o faa-iuga a nei taitai e tatau ona autasi. E mafai ona e mafaufauina le manaomia e le Agaga ona musuia tamalii e 15 ia maua ai le autasi? O nei tamalii e 15 e eseese uma o latou tulaga faaleaoaoga ma faalegaluega, faatasi ai ma manatu eseese e uiga i le tele o mea. Talitonu mai ia te au! O nei tamalii e 15—o perofeta, tagatavaai, ma talifaaaliga—latou te silafia le finagalo o le Alii pe a ausia le autasi!”⁸

Ou te molimau atu o le Alii e fia silafia faamatalaga o olaga o o tatou tagata taitoatasi. Ou te ofo pea lava i le tele o le fesoasoani ua naunautai le Faaola e fai, po o le auina mai o se tasi o Ana auauna, e laveai se tasi o Ana fanau. Ou te matuai faafetai lava mo aufono ua tofia faatasi ma le tiute-tauave e tauisia fanau a le Tama Faalelagi. ■

E alala le tusitala i Kalefonia, ISA.

Ina ia aoao atili e uiga i aufono faaleaiga, tagai i le saunoaga a Elder M. Russell Ballard o le konafesi aoao ia Aperila 2016, “Aufono Faaleaiga.”

FAAMATALAGA

1. *Tusitalima 2: Taitatina o le Ekalesia* (2010), 4.1.
2. *Tusitalima 2*, 4.4.
3. *Tusitalima 2*, 4.4.
4. Tagai Henry B. Eyring, “Listen Together” (Faigalotu a le Iunivesite a Polika Iaga, Set. 4, 1988), 2, *speeches.byu.edu*.
5. *Tusitalima 2*, 4.6.1.
6. *Tusitalima 2*, 4.6.1.
7. *Tusitalima 2*, 4.6.1.
8. Elder Russell M. Nelson, “Lagolagoina o Perofeta,” *Liahona*, Nov. 2014, 75.



AFAI E TE LE O AUAUNA I LE AUFONO A LE UAROTA

- I le avea ai ma se faiaoga asiasi po o se fai-aoga o aiga, e mafai ona e tatalo mo i latou e te asia. E te popole mo i latou. Pe a e lipoti atu i ou taitai po o faapefea mai au aiga, e mafai ona e tatalo o le faamatalaga o le a oo atu i le aufono a le uarota ma o tagata o le aufono o le a taitaia e le Agaga e tauimaina manaoga o na aiga.
- Atonu e i ai sou toalua e masani ona e auina atu i se fonotaga a le aufono a le uarota. Atonu e faaosoosoina oe e faitio i lona le auai ai, ae maise lava pe a tuua na o oe e sauni lau fanau mo le lotu. E mafai ona e tatalo o le a taitaia lou toalua e le Agaga, o lana auaunaga o le a aumaia nisi o fanau a le Tama Faalelagi ia Keriso, ma o lou aiga o le a faamanuiaina.
- Pe a e mauaina se valaauga po o se valaaulia e lauga i le sauniga faamanatuga, e mafai ona e iloa o lena avanoa e auauna atu na sau mai le Alii e ala i Ana auauna e ala i le aufono.

FETAOMI I LUMA I TAIMI O LE TOAFIMALIE

Ogaoioiga i fafo e pei o le savaliga, tietiega uila, ma le faasee i le aisa o se vaega tele o lou olaga. Talu ai nei, na faateia ai au i le tutusa lelei o lo tatou taimi i le lalolagi i le taimi ou te naunau ai i le malosi i fafo. Ou te manao e taulai atu i le fausiaina o lou malosi ma tomai i le tasi le gaoioiga i le taimi po o se vaitaimi. Ma e ala i lea filifiliga, avanoa, po o le valaaulia, ou te suia ai i se isi mea. E tusa lava po o le a le malosi ma le mautinoa ou te lagona i se ituaiga o faamalositino, e ui, i le sui atu i se gaoioiga fou, ou te lagonaina le vaivai, toilalo e faataunu au sini, ma lagonaina le malosi ou te “lei lagonaina muamua.” Ona ou fafia lea i le ituaiga fou o malosi ma toe fausia le onosai ma tomai e manaomia.

E faapena, i le olaga tatou te mafuli e taulai atu i ni uiga faapitoa. Tatou te lagonaina le mafanafana. Ma e ala i le filifiliga, avanoa, pe valaaulia, o lo tatou taimi toafilemu ma le mafanafana e avea ma vaiaimi o le luitau ma avanoa mo le tuputupu ae.

O le tauiviga ma luitau o le olaga e mafai ona avea o se galuega fita. Ua uunaia e Nifae i tatou, i le faapea mai, “O le mea lea, e tatau ai ona outou fetaomi atu i luma ma le tumau ia Keriso, ma se susulu atoatoa o le

faamoemoe, ma le alofa i le Atua ma tagata uma. O le mea lea, afai o le a outou fetaomi atu i luma, ma taumamafa fafia i le afioga a Keriso, ma tumau e oo i le iuga, faauta, ua faapea ona fetalai mai le Tama: o le a outou maua le ola e faavavau” (2 Nifae 31:20).

Mai lea taimi i lea taimi, ou te mafaufau ai oka se matagofie pe ana faapea e tumau ai faavavau i le muai olaga, ma faalogo atu i le Tama Faalelagi ao faigofie lava ona *tau* mai ia i tatou e uiga i Lana fuafuaga maoae o le fafia. Ae ui i lea, o lo tatou alualu i luma e manaomia ai se “potuaoga”—lalolagi—lea e mafai ona tatou aafia ai i le olaga faitino mo i tatou lava.

I le aluga o tausaga ao ou molimau

atu i le moni ma le manaomia o le fuafuaga a le Tama Faalelagi, o avanoa fou ma o nisi taimi-aafiaga tiga e o mai faatasi ma lenei aoaoga i totonu o lou agaga. E foliga mai tatou te aaoao upumoni o le talalelei i lea vaega ma lea vaega, ma toe suesue pea lava mataupu e tasi. O nisi taimi ou fesili ai ia te au lava ia, “O le a le loloto o le a tatou o ai iiinei?” Po o le, e pei o le malosi, “E fia isi vaega o maso ou te manaomia ona faamalosia pea?”

Ae, ao suia vaitaimi o le olaga ma suia luitau, ou te iloa o le a saunia e le Alii au faatasi ma aafiaga ou te manaomia. Ma ao ou fetaomi atu i luma, o le a ou aoaoina e avea ia sili atu ona pei o Ia ma toe foi atu i Lona afioaga. ■

Christopher Drake, Kalefonia, ISA

Po o le a lava le malosi ma le toafimalie ou te lagonaina i se ituaiga o malosi, i le sua i se gaoioiga fou, ou te lagonaina le vaivai, toilalo e faataunu au sini, ma lagonaina maso “ou te lei lagonaina lava muamua.”



O LE TAIMI LEA NA OU FAATINO LOA

Na ou faamauina lau tama teine i se nofoa taavale tuai lava. Na faalelava le matou paketi, o lea sa ou faafetai ai mo mea talu ai nei na tuuina mai e isi. Na avea o se nofoa lapoa atu ona o lau tama teine ua matua tele mo lona nofoa sa i ai. Na ou tulimatai atu i le faiga o feau i lena aso matagofie.

Na ma tutu i le ma galuega muamua, o le potutusi. Ao ou tatalaina lau tama teine, na ou matauina se fafine Latina o paka i talaane o maua. O se pepe, e le mafai ona nofo lelei, na saofai tonu lava i le nofoa i tua, o loo faapupuu pei se tamai polo. Na tauivi le tina laitiiti e faamau ia mau lelei le fusipau mo lona tamai tino. E lua ni ou manatu sa i ai.

“E leai sana nofoa taavale mo lana pepe. E mafai ona ou tuuina atu ia te i lau nofoa.”

Ona ou toe faamaamulu lea.

“Masalo e le tautala Igilisi o ia. Ou te ono faatiga ia te ia. O lau nofoa taavale ua matua tuai lava; masalo o le a le manao ai o ia. Afai e manao i ai o ia, e faapefeara ona ou toe mauaina se isi [nofoa]?”

O lea sa ou le faia ai se mea.

Na ia oso i le nofoa o le avetaavale ma tietie ese atu.

Ae ou te lei taunu i faitotoa o le faletusi, na siomia au e le salamo. Na ou iloa na ou faia se filifiliga sese, ma ua leai se auala e toe faafoi ai i tua.

Na ou tosoina faitotoa ae lei matala. E lei tatalaina le faletusi. Na ou faaluina le taimi o isi au galuega i le toe manatuina o le mea na tupu, na le mauttonu i le mea moni faapea ou te lei faia se mea.

Ina ua maea lau galuega mulimuli, na ou filifili e toe taumafai le faletusi. Na ou alu atu i le paka lava lea e tasi muamua. I lou tei tele, na ou vaai ai i le tina lava lea e tasi ma lana tama tama o toe paka i ou tafatafa. Na ou lagonaina le faagaeetia tele i lou loto.

O le taimi lea na ou faatino e aunoa ma se faatali. Na ou tatalaina le nofoa taavale a lau tama ma agai atu i le tina talavou. Sa lei tautala Igilisi. I le faaaogaina o mata, na ou faasino atu i lana pepe ma le nofoa taavale ma lana taavale. Na ma fusia faatasi le nofoa taavale i le taavale. Ao ou faaali atu ia te ia le ala e faaaoga ai, na ou iloaina ai sa ou iloaina le faaSipaniolo e tasi na ou manaomia e iloa: “gracias.”

Na faatumuina lou loto i le faafetai i se Tama Faalelagi alofa


mutimutivale mo le tuuina mai ia te au o se avanoa lona lua e fesoasoani i se tamaitai na manaomia le fesoasoani.

Na ou faaopoopo se galuega mulimuli i le lisi—o se faleoloa o oloa tuai lata ane. Na ou faamauina lau tama teine ma tietie atu ma le faaeteete i le faleoloa. I le tulimanu i tua o le faleoloa, i luga o le fola, sa i ai se nofoa taavale—e tutusa lelei ma lena na ou tuuina atu ma e tutusa foi le tuai. Na ou faatauina, i le ofo ma le lotomualalo i taunuuga o mea na tutupu o le taeao.

E ala i le aoaoga filemu ma le aoga a le Faaola, o le lesona na totoina loloto i lou loto: mulimuli i uunaiga a le Agaga Paia—o le taimi muamua. ■

Teresa Weaver, Texas, ISA

Ole taimi lea na ou faatino loa e aunoa ma le faatali. Faatasi ai ma foliga o mata, na ou faasino atu i lana pepe ma le nofoa taavale ma lana taavale. Na ma faamaua faatasi le nofoa taavale i le taavale.



O LAU TAGATA SUESUE E LE VAAIA

Na faamanuiaina au i ni matua oofogia. O lou tina o se tagata o le Eklesia, ma e ui o lou tama e le auai, na ia lagolagoina i maua ia ma gaoioiga o le Eklesia. Ao tuputupu ae, na ou tatalo i aso uma ina ia mafai ona auai lou tama i le Eklesia.

Ina ua ou maua lou faamanuiaga faapeteriaka i le 16 tausaga, na folafola mai ia te au o le a avea au o se faatosinaga i le fesoasoani i lou tama ia auai i le Eklesia. Na ou talanoa ia te ia e uiga i mea na ou aoaoina i le seminare. Na ou tau atu ia te ia e uiga i tusitusiga paia na e tau mai ai le taua o le papatiso ma faamauina e ulu atu ai i le malo o le Atua (tagai Ioane 3:5). Faatasi ma loimata, na ou tau atu ia te ia e uiga i faamanuiaga o le malumalu lena o le a mafai ai mo i matou ona faatasi e faavavau.

Sa ou auai i se aoga laitiiti i Arisona, ISA. Na i ai ni au uo lelei i le aoga maualuga e ui lava na o au le tagata o le Eklesia i lau vasega. I le taimi lena, o Peresitene Tavita O. Makei (1873–1970) sa avea ma perofeta. Na masani ona matou faalogo i ana fautuaga mo “tagata uma o le Eklesia [ia avea ma]

faifetautalai” (tagai *Aoaoga a Peresitene o le Eklesia: Tavita O. Makei* [2011], mataupu 6). I se tasi taumafanafana na ma valaaulia ai ma lou uso o Marilyn ni uo e fai ni lesona faafaifeautalai. Na latou faia ni lesona se lua ma na le toe fafia loa. Na ma faanoanoa, ae na lei faauma ai la matou faauoga.

Na ou alu i le kolisi i le faaiuga o lena taumafanafana. I le taimi o le kuata o le tautoulu, na ou maua ai se tusi mai lou tama. Na ia tusi mai: “O se faamanuiaga silisili mo au le avea ma ulu o se aiga o ni teine ofoofogia. Ona o a oulu molimau malolosi uma o le talalelei ma fonotaga ma le fafia i isi tagata talavou i le taumafanafana talu ai, na amata moni lava ona ou fafia i le Eklesia. Ao ou i ai i fafo o le fale

ma valiina ao outou faia ma tamaiti na fonotaga i totolu, na faamaonia mai ia te au ua umi tele ona ou i ai i fafo ma vaavaai i totolu. Ou te faafetai i le Tama Faalelagi i le tele o taimi mo lo lua tina ma le mea moni faapea na ola ae o ia i le Eklesia ma le ala na ia tausia ai oulu tamaitai.”

Na vave ona papatisoina lou tama, ma i se tausaga mulimuli ane na faamauina ai lo matou aiga mo le taimi nei ma le faavavau i le Malumalu o Mesa Arisona.

E ui lava na leai ni a ma uo na auai i le Eklesia, o le tagata e sili ona taua i o matou olaga na auai. Tatou te le iloa le ala o le a faamanuiaina ai i tatou pe a tatou mulimuli i le fautuaga a le perofeta. ■

Diane Mitchell Call, Arizona, ISA

Ao ou i ai i fafo o le fale ma valiina ao outou faia na fonotaga ma tamaiti i totolu, na faamaonia mai ia te au ua umi tele ona ou i ai i fafo ma vaavaai atu i totolu.



SAILIGA O ETIENE

Toe o ni nai vaiaso ae lei tuuvas atu mo le misiona faafaifeatalai, na ou alu ai e asiasi i le aiga o se uo ua leva e le o se tagata o le Ekalesia. Na ou faamoemoe e nofo mo ni nai minute, ae ona o le mamafa o timuga, na umi atu ai ona ou nofo nai lo le faamoemoega na i ai. O lea na matou nonofo ai i lalo ma lau uo, ma lona tina, ma talanoa e uiga i le Ekalesia ma lau misiona o loo loma.

Na ou faamatalaina faapea atonu e tofia au e auauna atu i ni aai e pei o Rio de Janeiro, Belo Horizonte, po o Pasila.

Mo se mafuaaga, na filifili le tina o lau uo e tuu mai ia te au le tuatusi a lona uso e nofo i se taulaga e latalata i Rio de Janiero. Na ia fai mai e tatau

ona ou alu e asiasi ia te ia pe afai e auina atu au iina.

Na ou alu atu mo lau misiona ia Iulai aso 7, 1982. Na ou auauna atu i le tele o aai eseese, e aofia ai se tasi e latalata i le nofoaga e nofo ai le uso o le tina o lau uo. Na ou mafaufau e asiasi ia te ia, ae o lona aiga e lei i ai i lau eria. Ou te lei tau atu i faifeatalai na tofia i lena eria e uiga ia te ia aua na ou faamoemoe pea o le a ou mafai ona alu au lava ia.

I lena taimi, na auauna atu faifeatalai mo le 18 masina. Na alu le taimi e aunoa ma lou vaai i le uso o le tina o lau uo ma lona aiga.

I ni tausaga mulimuli ane, ao auai i se gaoioiga a le uarota, na ou vaai ai i lau uo le lotu. Na ou iloaina na valaulaina o ia e se tasi o ona tausoga,

o se tina o le aiga na papatiso talu ai nei i le Ekalesia. Ona ou iloaina lea o Aunt Etiene faatoa see mai i la matou uarota mai le setete o Rio de Janeiro. Na vave ona ou fiafia i le uso o lona tina o Etiene, ma na ma fiafia e talanoa faatasi e uiga i o manatuaga o Rio de Janiero. I lou maasiasi, na ou iloaina o ia lena na ou manao e asiasi i ai i le taimi o lau misiona. Sa faatoa papatiso o ia, i le mavae ai o le maliu faafuasei o lana tane.

As faafetai ai, na ia faamagaloina au mo le le uunaia o isi faifeatalai e asiasi ia te ia. Ae ui i lea, na faanoanoa o ia i le taimi na ia le maua ai le olioli i faamanuiaga o le talalelei.

O faanoanoaga faapea e le gata e lagonaina e faifeatalai ae faapea foi i tatou uma lava pe afai tatou te le faa logo i uunaiga a le Agaga, pe o lona uiga o le valaaulia o uo e o mai i se gaoioiga a le Ekalesia po o le tuuina atu o se tagata i faifeatalai. Sei tatou o i le Alii ma fesili atu mo uunaiga. O le a Ia saunoa mai ia i tatou e ala mai i le leo, itiiti ma le filemu. O le a Ia tuuina mai ia i tatou le fesoasoani tatou te manaomia e fai ai le galuega faafaifeatalai ma le naunautaiga ma le alofa. ■

Elson Carlos Ferreira Paraná, Pasila



Leai se Tulaga Tutusa

O LE ALA UA FAATOSINA
AI I TATOU E ALA O
FAALALALAUGA

Saunia e Aysia Tan


I lo tatou lalolagi o ona po nei, ua faatumuina i le tekinolosi, ua osofaia i tatou e filifiliga: maimoa i le mea lenei, faitau i le mea lena, faalogo i le mea lenei. O lo tatou atunuua lolovaia i ala o faasalalauga ma mea faafafia, ma o lo latou faatosinaga i o tatou talitonuga, mafaufauga, ma faatinoga e tau le iloa ae malosi. O mea tatou te faatagaina e faatumu ai o tatou mafaufau e iu ina fausiaina ai lo tatou tagata—tatou te avea ma tagata tatou te mafaufau i ai. O au suesuega mo le faauuga na ave ai au i se sailiiliga o le faatosinaga o ala o faasalalauga, ma o le faaiuga matautia na ou maua e faapea o le ala o faasalalauga tatou te filifili e faaaoga o le a iu lava ina aafia ai i tatou, pe lelei pe leaga.

Na faamatala mai e Elder David A. Bednar o le Korama a Apostolo e

Toasefululua: “O le tekinolosi lava ia e le lelei pe leaga faalenatura. Ae, o faamoemoega e ausia i le ma e ala mai le tekinolosi o ni faamatoniga faaiu o le lelei po o le leaga.”¹ O la tatou tiute e le o le teena o le tekinolosi ae nai lo lena ia faaaoga i auala na o le a faaoaina ai o outou olaga.

E mafai ona tatou faaaoga le mana o ala o faasalalauga mo lo tatou manuia, ia faaleleia ai o tatou mafaufauga ma amioga e ala i le:

(1) Faailoaina o lo tatou aafiaga i le



faatosinaga o ala o faasalalauga ma iloaina pe faapefea ona ia faatosinaina i tatou.

(2) Faailoaina ma le filifilia o filifiliga lelei.

E Faapefea e Ala o Faasalalauga ona Aafia ai i Tatou?

E leai se tasi e le aafia i le faatosinaga a ala o faasalalauga. Tatou te le mafai ona faamoemoe e fiafia i ala o faasalalauga ua manatu aafia ai i tatou faalemafaufau ma faalelagona e aunoa ma lana faatosinaga e faatumauina i o tatou mafaufau ae ua leva ona uma le ata tifaga, tapunia le tusi, pe faamutaina le pese. O i latou e talitonu o ala o faasalalauga e le aafia ai i latou e masani lava o tagata e sili ona aafia aua latou te teena le faatosinaga ma o le mea lea e le o puipua ai. E pei lava o se vai o le a faaauau pea ona sinasina e ala i se mama i se vaa, pe tatou te iloaina le mama pe leai, e faapena foi ala o faasalalauga o le a faaauau pea ona tosina ai o tatou mafaufauga pe tatou te tauimaina lona aafia pe leai.

O ala o faasalalauga faafafia e mafai ona tosina ai o tatou mafaufauga ao tatou liliu atu i ai mo se toomaga mai faanoanoga o o tatou olaga i aso taitasi. E masani ona tatou sailia faafiafiaga o se fofo le tumau mai faigata o aso uma, pe ala mai ata tifaga, tusi, televisione, mekasini, po o musika. E ui tatou te liliu atu i ala o faasalalauga o faafiafiaga e malolo i ai, e le tatou

ona tatou faamalolo o tatou tulaga faatonuina. O le taimi tonu lava lena e tatau ai ona tatou faaeteete i mea tatou te faatagaina i o tatou mafaufau.

Ina ia olioli atoatoa i le aafiaga o faafiafiaga, o nisi tagata e masani lava ona taliaina soo se savali e ofo mai e ala o faasalalauga ma faatagaina ai loa manatu fautuina e faatosina ai o latou manatu. O e faamasinoina tifaga na faamatalaina le aoga o lenei manatu i tifaga:

“O le talitonu e moni le tifaga e faalagolago i le vave ma le faamaonia atoatoa o le faatulagaga o se siosiomaga fou pe ofoo fogia, lagona o se

O lo tatou tiutetauave e le o le aloese atoatoa mai ala o faasalalauga pe tau ina teena ala o faasalalauga leaga ae ia filifili ala o faasalalauga aoga ma faagaeetia.

isi taimi, po o ni tagata foliga fou, ina ia tatou maua le agaga atoatoa o le tifaga, lagona, ma le siosiomaga. Afai e talenia le fai tifaga i le fatuina o lenei foliga moni, *tatou te malilie ma le loto i ai e faagalo lo tatou le*

talitonu, ma tatou tuuese lo tatou le talitonu ma a tatou faamsinoga sao i tua ao tatou ulu atu i le lalolagi faalemafaufau o le tifaga.”²

Afai tatou te tuuese lo tatou le talitonu, tatou te masani lava ona sili atu le taliaina o tulaga faatonuina, faamoe-moega, ma talitonuga ua faaali mai e ala o faasalalauga. O lea la, e mafai e ala o faasalalauga ona faatosina faatogafiti o tatou mafaufauga. Ae o lenei faatosinaga o le pagatia o le taliaina o manatu atonu e le ogatasi ma mataupu faavae o le talalelei.

Na faamanatu mai e Elder Jeffrey R. Holland o le Korama a Aposetolo e Toasefululu le galuega a ala o faasalalauga o faafiafiaga ina ua ia saunoa mai, “Pe na outou iloaina o le uiga muamua faaLatina o le upu *faafiafiaga* o se ‘faatosinaga ese o le mafaufau ina ia faaseseina’?”³ E i ai taimi tatou te saili ai le faatosinaga ese. Tatou te liliu atu i ala o faasalalauga e faatosina ese ai i tatou mai faafitauli o lo tatou lava lalolagi moni, ma tatou te faalagolago i ai e faamlosia i tatou e talitonu i soo se mea na te ofoina mai. O le tele lava ona talitonuina o faasalalauga, pe moni pe sese, o le tele foi lea ona tatou olioli i ai.

Na saunoa mai le tagata faapi-toa o mafaufau o le vafealoai o Karen E. Dill: “Pe a tatou gauai atoatoa atu i le lalolagi o mea e le moni, o o tatou uiga faaalia ma talitonuga e sua ina ia sili atu ona ogatasi ma manatu ma autu na e maua i totolu o le tala. Tatou te tuuese lo tatou le talitonu ma

o le faia o lea mea, tatou te faatagaina ai i tatou lava e taliaina ma le manatu i ai le polokalama o le talitonu o loo faatinoina i le lalolagi o mea e le moni ma le faatinoina o na talitonuga ma manatu. O le tele o taimi o mea tatou te vaiaa i le lau e faaosofia ai se suiga po o se tali i fafo atu o lo tatou malamalama. O le ala lenei e fausia ai e le lalolagi o mea e le moni o tatou tulaga moni.”⁴

E ala i le faatagaina o ala o faasalauga e faataunu lona faamoemoega i le *faafiafaina* o i tatou, e mafai ona tatou suia la tatou faagasologa masani o mafauauga e faamasino ai i ni mafauauga ua tuuina mai e ala o faasalauga, lea e iu ina taitai atu i suiga i o tatou talitonuga ma amioaga. Na saunoa mai Elder David B. Haight (1906–2004) o le Korama a Aposetolo e Toasefululua, “Ao taitai atu le mafauauga i le faatinoga, o le faailoaina e mafai ona taitai atu i le faatinoina o le mea na faafaileleina i le mafaufau.”⁵

Ina ia tumau i le puleaina o le faatosinaga o ala o faasalauga i o tatou olaga, e taua lo tatou filifili o ala o faasalauga e faagaeetia ma iloaina lo tatou afaina i le faatosinaga a ala o faasalauga. O ala o faasalauga e aafia ai o tatou mafauauga ma e mafai ai ona faatosinaina a tatou faatinoga. O le fautuaga a le Tupu o Peniamina aoga ia i tatou i aso nei: “Vaavaaia outou lava, ma o outou mafauauga, ma a outou upu, ma a outou galuega” (Mosaea 4:30).

E Faapefea Ona Tatou Filifili Ala o Faasalauga e Lelei?

E ala i le malamalama i le faatosinaga a ala o faasalauga i o tatou olaga, e mafai ona tatou talanoaina ma le mautinoa filifiliga i o tatou luma. O a tatou filifiliga e faia se eseesege tele i le filifilia o lo tatou gauai atu i le Agaga ma le lelei o siomia ai i tatou. O filifiliga uma tatou te faia e aumaia latalata atili ai i tatou pe taumamao foi mai lo tatou Tama oi le Lagi.

O le tusitala Kerisiano o C. S. Lewis na tusia: “O a tatou taimi paganoa, e oo lava i a tatou taalogia, o se mataupu e matua manatu i ai ma le faaeteete. E leai se malae e tupu fua mai i le atulaulau: o sikuea inisi uma, o sekone uma, e aia i ai le Atua ae fia aia foi i ai Satani.”⁶

O lo tatou tiutetauave e le o le aloese mai ala o faasalauga atoatoa po o le na o le teena lava o ala o faasalauga leaga ae ia matuai siosiomia i tatou lava i ala o faasalauga aoga ma faagaeetia. Ae sili ai, i le maoae o filifiliga ua ofo mai e ala o faasalauga, e tele mea lelei ma aoga, lea o loo i ai tulaga faatauaina masani e lelei ma faaaloalogia. E le mafaitaulia tusi, ata tifaga, pese, ma le tele lava faatasi ma savali o le faamoemoe ma le fiafia, alofa ma le agalelei, olioli ma le faamagalo atu.

Na saunoa mai Elder M. Russell Ballard o le Korama a Aposetolo e Toasefululua: “Talu ai ona o le ofoofogia o lona lautele, o ala o faasalauga i aso nei o loo aumaia ai ni manatu se tele ma le maamaai. O le itu faafeagai mai ona aafiaga faatafunma le faatosina, o loo tuuina mai ai foi i ala o faasalauga ia mea e lelei ma aoga. . . . Ae o lo tatou huitau sili o loo i ai o le filifili lea ma le atamai ia mea tatou te faalogo ma matamata i ai.”⁷

Atonu o se ata i le televisie po o se faasologa o tusi na tatou olioli ai i se taimi ua faasolo ina le lelei i le fua faaleamio lelei ae peitai e faigata ia i tatou ona tuuese, pe atonu foi o se ata tifaga fou e faapitoa lava le



lauiloa pe faatosina ma tatou te le vaai i se afaina e matamata ai. Ae ui i lea, o le sua laitiiti lava o o tatou tulaga faatonuina e faigofie ai ona taliaina sina vaega laitiiti i lalo o le ala seja tatou tuu atu i tatou lava atoa i fiafiaga na e faigata ona tatou toe faasaoina ai i tatou lava. Ae o le faatuina o tulaga faatonuina mo i tatou lava e faatagaina na o ala o faasalalauga aoga i o tatou olaga, tatou te faatagaina ai i tatou lava ia taliaina atili le Agaga.

E mafai ona tatou mulimuli i le fau-tuaga le iu na tuuina mai e Susanna Wesley i le 1725 i lana tama tama o John, o le na faavaeina le Metotisi: “Pe o le a e faamasinoina le faafafia-inna faatulafono po o le le faatulafono, [o le mama o faatinoga leaga? Mafau-fau i le taiala lenei.] Soo se mea lava e faavaivaia lau filifiliga, e faaleagaina le maaleale o lou mafaufau, faane-nefuina lou lagonaina o le Atua, pe aveesea lou olioli i mea faaleagaga: e faapupuu ai, soo se mea e faateleina le malosi ma le pule i lou tino nai lo lou mafaufau; o lena mea o le agasala ia te oe, po o le a lava le mama o lona foliga mai.”⁸

O Le Mana e Filifili Ai

E ala i le filifili e auai i ala o faasalalauga e faagaeetia i le amio mama, tatou te valaaulia le Agaga ma faatagaina i tatou lava ia faamalosia. O le talalelei a Iesu Keriso ua aoao mai ia i tatou faapea e tuuina mai ia i tatou le mana e faatino ai mo i tatou lava (tagai 2 Nifae 2:26). O le saili mo na mea e mama, mata-gofie, logoleleia pe tauleleia “Mataupu



Faavae o le Faatuatua 1:13) ua tatalaina ai o tatou loto ma mafaufau i le taliaina o mafaufauga ma uiga faaalina e taitaia i tatou i amioga amiontonu. I nei taumafaiga, o le a faamanuaaina i tatou i le puipuiga agai i faatosinaga a le fili (tagai Helamana 5:12).

O le aoga maoae o tekinolosi o ala o faasalalauga ua faamanuaaina ai i tatou e le Alii e oo mai faatasi ma se tiutetauave mo i tatou e filifili pe faapefea ona tatou faaaogaina tekinolosi. E ala mai suesuega ma aafiaga, ua ou vaaia le aoga o ala o faasalalauga, pe tatou te filifili e faailoaina pe leai. Ua i ai i o tatou luma filifiliga o amioga paaa po o le aoga ma faagaeetia. Ua ia i tatou le filifiliga—ae o le mea e sili atu le taua, ua ia i tatou le mana e filifili ai. ■

O le tamaitusi Mo le Malosi mo le Autalavou e mafai foi ona avea ma malosi o talavou matutua. O le vaega “Faafafiauga ma Ala o Faasalalauga” o loo i ai nisi o taiala sili mo a tatou filifiliga o ala o faasalalauga.

E alala le tusitala i Iuta, ISA.

FAAMATALAGA

1. David A. Bednar, “To Sweep the Earth as with a Flood” (Faigalotu o le Brigham Young University Education Week, Aok. 19, 2014), speeches.byu.edu.
2. Joe Boggs ma Dennis Petrie, *The Art of Watching Films* (2004), 43; faaopoopo le faamamafa.
3. Jeffrey R. Holland, “Ina Faapaiaina ia Outou Lava,” *Liahona*, Ian. 2001, 48.
4. Karen Dill, *How Fantasy Becomes Reality: Seeing Through Media Influence* (2009), 224.
5. David B. Haight, “Personal Morality,” *Ensign*, Nov. 1984, 70.
6. C. S. Lewis, *Christian Reflections*, lol. Walter Hooper (1967), 33.
7. M. Russell Ballard, “Ia Lagonaina o Tatou Leo,” *Liahona*, Nov. 2003, 16; faaopoopo le faamamafa.
8. *Susanna Wesley: The Complete Writings* (1997), 109.

Fausiaina o le Malo i Ausetalia

Saunia e Ben Robinson

Ao oso ae le la i luga o le Mauga o Baw Baw, o loo faia e Callan Brooks le mea e fiafia i ai: e fauina ia fale. E na te ataata ao ia faaofi atu le isi luga-i-le-fa i lona tulaga, ma lagonaina le lagona o le faamalieina mo se galuega ua lelei ona fai.

O le vaiai o Callan o galue, e te le mateina lava o ia e logonoa. Ae e le faavaivai ai o ia. Ia Callan, e foliga mai na ia fanau mai e fai lenei mea. Ma atonu lava e sao—mo le lima tupulaga o lona aiga sa fauina ia fale.

“Ina ua 15 ou tausaga, na ou tuua le aoga e amata lau galuega faataitai,” o lana tala lea. “Afai e te mauaina se galuega faataitai e te fiafia i ai, o se mea masani i Ausetalia le tuua o le aoga ae fai lena galuega i le taimi atoa,” Na fauina e Callan ia fale mai lena taimi. Pe o ia fausiaina ni fale, atiina ae lana lava molimau, pe faalauteleina se valaauga, e auai lava i taimi uma Callan i le fausiaina o le malo o le Atua.

E pei lava ona le taofia mai o ia i lona logonoa mai laga galuega faufale, e lei faaititia ai foi lona manao e aoao ma talai atu le talalelei.

“Ao tuputupu ae, sa tau le mafai ona ou malalama i le 10 pasene o mea o loo fai mai i le pulelaa,” ua fai mai ai Callan. Na ia manao e auauna atu faamisiona ae na le agavaa ona o lana faalogo. Ae ui i lea, na ia tatalo ma faalagolago o le finagalo o le Alii o le a faia. Ona tupu lea o se mea faafusei: na faateleina le leaga o le faalogo a Callan.

“Ina ua 18 ou tausaga, na ou logonoa atoatoa lava mo le umi o le ono masina. Na ou alu i le lotu mo ni lagona, aua na o le pau lena o le mea ou te maua mai ai,” ua ia faamatala mai.

I na taimi, na fausia e Callan lana molimau ma faalagolago i le Agaga. Ae o le mea na foliga mai muamua o se tofotofoga sili atu na avea ma tali i ana tatalo. Ona o le faafusei ona leaga tele o lana faalogo, na agavaa ai o ia mo se taotoga o le taliga, lea na faaleleia ai lana faalogo e agavaa ai o ia mo se misiona. Na vave ona malaga atu Callan e auauna i Perth, Ausetalia.

O lenei ua i le fale i Moe, Victoria, ua auauna atu Callan i lana uarota i le au peresitene o Alii Talavou, lea e

O faigata ma le logonoa na le tao-fia ai lenei talavou matua mai le fesoasoani e faanatinati-na le galuega a le Alii i Ausetalia.

fesoasoani ai o ia i alii talavou e toa 10 ia tumau malosi i le talalelei i se nofoga e matuai faigata ai lava ona tumau malosi ai. Ina ia faia lenei mea, na te faamamafa atu le matafaioi a le Agaga i le fausiaina o le liua moni.

“Matou te taumafai e taitai alii talavou ia aafia i lo latou lava liua e ala i le fatauina o le Tusi a Mamona ma le faaaogaina o polokalama a le Ekale-sia,” fai mai ai o ia.

O le taua o le galuega a lenei faufale tupulaga lona lima e iloa gofie lava, e ala atu i ana galuega faufale, lana molimau o le talalelei, ma lona aotauina o alii talavou i lana uarota. ■
E alala le tusitala i Iuta, ISA.



O NISI MEA E UIGA IA CALLAN

O a ituaiga o gaoioiga o i ai mo alii talavou matutua nofofua?

E i ai faatasiga tetele i Ausetalia i tausaga taitasi e valaaulia ai YSA uma lava e faatasia ai. Ona o talavou matutua e mamao mea e nonofo ai i Ausetalia, e fesoasoani le i ai o se taimi mo tagata uma e feiloai ai. O lenei mea o se ositauлага maoae mo tagata, ona o le a latou malaga i le afe o maila e auai.

O a ni mea e te fiafia e fai i ou taimi avanoa?

Ou te fiafia e taalo i taaloga, ae maise lava le pasiketipolo. E i ai se tauvaga pasiketipolo o le Eseta e fai e tagata lotu i le tai lua tausaga. E aofia ai se vaega a tamaitai, se tauvaga togi-tolu, ma se tauvaga togi oso maualuga.

O LE EKALESIA I AUSETALIA

143, 891 le Au Paia o Aso e Gata Ai
303 aulotu

145 nofoaga autu o talafaasolopito
o aiga
6 misiona
5 malumalu

MEA MONI E UIGA IA AUSETALIA

Taulaga: Canberra
Gagana Aloaia: Igilisi

E ALA I FUAINUMERA

Silia ma le 23 miliona tagata
Silia ma le 500 paka a le atunu
O le Highway 1 o le ala sasao lea a
le atunu e sili le umi i le lalolagi,
e 9,000 maila (14,500 km) o le
aula e taamilo i le atunu



ALU E VAAI REPEKA

Saunia e Mindy Raye Friedman

Sa ou i ai mo ni nai masina i lau misiona i le Misiona a Ilinoi Sikako i Saute ma o loo auauna pea i lau eria muamua. O le eria a tamaitai faifeatalai e sosoo ma maua na faatoa tapuni talu ai nei lava, ma o lea na i ai ia i maua le tiutetauave mo tagata suesue uma e tautatala faaSipaniolo mai lena eria. I na tagata, na i ai se tamaitai e suafa ia Repeka.

O le taimi muamua na matou feiloai ai ma Repeka, na ou ofo lava i lona faatuatua. Na nofo o ia i le vaega i lalo o se fale, o lea sa tatau ai ona ma tuitui i ona faamalama mo ia e sau ai e tatala le faitotoa mo maua. O faifeatalai muamua na amata ona aoaoina o ia ina ua ia talosaga mai mo se vitio *Finding Faith in Christ*. Ana le valaau mai o ia mo se vitio, atonu e le maua lava o ia e faifeatalai.

Na mafai ona ou iloaina mai mea na ia tau mai ia i maua o Repeka na faigata lona olaga. Na i ai se taimi na avea ai o ia ma se tagata fiafia tele, ae o lenei ua faaesea o ia mai lana tama tama ma isi tagata o le aiga. E ui sa i ai o ia i ni tulaga maualalo, na ou lagonaina le alofa o le Alii mo ia.

Ao ma aoaoina o ia, na mafai ona ou iloaina na ia lagonaina le Agaga. O a ma asiasiga na sili atu ai lona fiafia. Ae paga lea, na nofo mamao ese o ia, ma na faigata ona asia soo o ia e pei ona ma mananao ai.

I se tasi Aso Faraile ao faia le matou kona-fesi faalesone, na ma fuafua e o atu i lena vaega o le ma eria mulimuli ane aua o lea ua afa le mamao mai le mea o loo ma i ai. Na ma fesili ia Repeka pe o le a i ai o ia i le fale, ae na ia fai mai o le a faigaluega o ia. Na ma filifili o le a ma asiasi atu pea i isi a ma tagata suesue na i ai i le eria.

Na iu ina i ai se ma taimi o totoe iina, ma na ma le mautinoa po o lea le mea e fai. Ona fai mai lea o lau soa, "Ou te manatu e tatau ona ta o e vaai pe o i ai Repeka i le fale." O lenei fautuaga na foliga mai e leai se uiga ia te au aua na tau mai e Repeka ia i maua o le a le i ai o ia i le fale. O le taimi lea na ou faalogo ai i se leo o tau mai ia te au, "Toe foi ma asiasi ia te ia." Na ou lagonaina e pei o lou tino na tosaina moni lava i le itu o loo i ai le fale o Repeka. O se uunaiga sili lea ona malosi na ou lagonaina.

Na ou tau i lau soa e toe liliu le taavale, ma ma o atu loa i le fale o Repeka. Na ma tuitui faalua i faamalama, ma na leai se tasi na tali mai. Na ou matuai faanoanoa lava aua na ou iloaina e tatau ona i ai se mafuaaga na auina atu ai i maua e le Alii. Na ou fautua atu ma te toe tuitui tasi lava. Na ma faatalitali, ma o le taimi lava na ma sauni ai e o ese, na tatala mai ai e Repeka le faitotoa.

Na i ai o ia i le fale aua faatoa tuli lava o ia mai lana galuega, ma na ia manaomia moni lava se tasi e talanoa i ai. Na tatalo o ia ina ia ma o mai. Na ia tau mai ia i maua o i maua o ana agelu. Na mafai ona ma talanoa ia te ia ma faia o ia ia maua se lagona sili atu e ala i le aoaoina atili o ia e uiga i le talalelei.

Ou te matuai fiafia lava e popole alofa le Tama Faalelagi mo Ana fanau taitoatasi ma na faafofoga i le tatalo a Repeka, ma ou faafetai na ma mulimuli i le uunaiga e o e asiasi ia te ia, ina ia avea ai i maua ma lena tali. E silafia e le Tama Faalelagi mea uma o loo tutupu i olaga o i tatou taitoatasi, ma pe a tatou faalagolago ia te Ia ma ole atu i le faatuatua, o le a fesoasoani o Ia ia i tatou i mea tatou te manaomia. ■


E alala le tusitala i Iuta, ISA.

Na leai se tasi na sau i le faitotoa ina ua ma tuitui atu, ae na ma iloaina na auina atu i maua e fesoasoani i se tasi o fanau a le Atua.

VAI ILE MALAMALAMA

“Ae e ui atonu tatou te lagonaina le
le mautonu i le lotolotoi o tatou tulaga o i ai nei,
ae ua folafola mai e le Atua le faamoemoe o Lona malamalama.”

Peresitene Dieter F. Uchtdorf, Fesoasoani Lua ile Au Peresitene Sili,
“O Le Faamoemoe o le Malamalama o le Atua,” *Lia'hona*, Me 2013, 70.




TUUSAO I LE MATAUPU

Afai na ou faamaoni
i le muai olaga, aisea
ua faigata tele ai ona
faamaoni i le taimi nei?

O tagata uma e o mai i le lalolagi na filifili i le muai olaga e mulimuli i le fuafuaga a le Tama Faalelagi ma talia Iesu Keriso o se Faaola. Ae e le faapea ai o le usiusitai ma le amiontonu i lenei olaga o le a faigofie. Ona o le fuafuaga a le Tama Faalelagi ua fuafuaina mo lenei olaga e avea o se suega moni lava pe faapefea ona tatou faaaogaina lo tatou faitalia, o o tatou manatuaga o le muai olaga na aveesea. Ma le isi, o se vaega o Lana fuafuaga, na tatou maua ai ni tino faaletino, na e oo i ai le fiaai, manaoga faaletino, ma faaososoga tatou te lei iloaina ao avea ma agaga. O lenei mea e faigofie ai ona faatosina i tatou e mea na e “faaletino, nautino, ma faatiapolo” (Mose 5:13), lea e mafua ai “o le tagata o le natura o se fili i le Atua” (Mosaea 3:19).

E mafai e se tagata ona manumalo i nei luitau i le na o le “gauai atu o ia i uunaiga a le Agaga Paia, ma tuu ese le tagata natura ma avea ma tagata paia e ala i le togiola a Keriso le Alii” (Mosaea 3:19). E le faigofie, ae o Iesu Keriso o le a faamalosia oe ma liua oe ao e faalogo atu i le Agaga, ma faia filifiliga lelei, ma o mai ia te Ia. ■

O le a se mea e tatau ona ou faia
pe a ou fesiligia se mea na aoao
mai e se perofeta?



I na ua faatulaga le Ekalesia toefuataiga, na maua e Iosefa Samita se faaaliga e tau atu i le Au Paia anamua, “O lana [perofeta] upu ia outou talia, e pei lava ua mai i lou lava gutu, i le onosai ma le faatuatua atoa” (MF&F 21:5).

Na saunoa foi Iosefa Samita faapea “o se perofeta faatoa [avea o sel] perofeta pe a ia [faia] faapea.”¹ O lona uiga “o se faamatalaga e fai e se taitai i se sauniga se tasi e tele lava ina fai ma ona manatu patino, e ui sa lelei ona mafaufauina, ae e le avea ma se faamatalaga aloaia mo le Ekalesia atoa.”² E masani lava ona iloa gofie pe o le perofeta “ua faia faapea,” e pei o le lauga atu i tagata o le Ekalesia i se tulaga aloaia.

O se faamanuiaga mo i tatou le ole atu i le Tama Faalelagi mo sa tatou lava molimau “e uiga i soo se mea ua folafola mai e Lana perofeta.”³ Afai tatou te le maua se molimau, e tatau la ona tatou suesue i upu na saunoa mai ai nisi perofeta e uiga i le mataupu ma filifili se ala e faatino ai. O le ala sili e faatino ai o le mulimuli i fautuaga tuufaatasi ma faifai pea a perofeta “i le onosai ma le faatuatua atoa.” A tatou faia, o le a faamanuiaina i tatou (tagai i le 1 Nifae 2:11, 16, 19). ■

FAAMATALAGA

1. Iosefa Samita, i le *History of the Church*, 5:265.
2. D. Todd Christofferson, “O Le Mataupu Faavae a Keriso,” *Liahona*, Me 2012, 88.
3. Russell M. Nelson, “Avea ma Tagata Moni o le Melenium” (faigalotu i le lalolagi atoa mo talavou matutua, Ian. 10, 2016), lds.org/broadcasts.

VASEGA MA SE AVANOA SUISUI LONA LUA

Na ou misia le avanoa e faasoa atu ai le talalelei i lau faiaoga ta piano. Pe o le a ou mulimuli ma le faamaoni i le isi uunaiga?

Saunia e Belen Chaparro

Ina ua 18 ou tausaga, na siitia atu lo matou aiga mai Atenitina i saute i Atenitina i matu, lea na auauna atu ai lou tama o se peresitene o le misiona. O nai masina muamua na faigata ona faamasani ai lou aiga ma au. Na lei i ai ni a matou uo, o lea na matou amata ai ona vaavaai mo gaoioiga e auai ai. Na ou saini mo vasega ta piano.

O lou faiaoga ta piano, o Mabel, o le faiaoga sili lea ua ou maua. Na ou matuai fiafia i vasega, ma na amata ona ou vave lelei i lou mafaia ona tata. Ae ui i lea, o Mabel sa mai i le kanesa ma sa ia maua se taimi faigata. Na ia faaaluina le tele o taimi e asiiasi ai i faamalologa, fomai, ma patele i nofoaga eseese. Na faataotolia o ia i le falemai mo ni nai tam, ae na toe manuia o ia ma toe foi mai e aoao ma le agaga lava lea e tasi ma le naunautaiga.

Mai lea aso i lea aso, vasega i lea vasega, na ou manao e faasoa atu ia te ia le faamoemoe i le fuafuaga a le Atua, le faamoemoe lena e tuu mai e Iesu Keriso faatasi ma Lona mana, ae ou te lei iloa pe faapefea.

Ina ua amata vasega ina ua uma aso malolo o le taumafanafana, na toe mai foi Mabel. Ina ua fai sina umi e lei faalogo ia te ia, na ou valaau atu ma tuua se savali ma fesili atu po o a mai o ia. O le aso na sosoo ai na tau mai ai e lana tama teine ia te au ua maliu Mabel. Na ou lagonaina se faanoanoga maoae. Na ou iloa sa tatau ona ou faasoa atu le talalelei ia te ia ae na ou tuu ese lena taimi mo se taimi umi lava ma ua ou le maua ai le avanoa.

Na amata ona ou avea ni vasega suisui, ma sa i ai se isi ou faiaoga lelei tele. E talitonu o ia i le Atua ae auai i se lotu ese. I se tasi o vasega, na talanoaina ai le talalelei, ma ina ua ia fesili mai po o le a le lotu ou te auai, na ou tali atu o au o se tagata o Le Ekalesia a Iesu Keriso o le Au Paia o Aso e Gata Ai. Na ia foliga le mautonu i le igoa, ma na ou faamanino atu, "E iloa foi e tagata i matou o Mamona." Na vave lava ona ia fiafia ma fai mai, "Ou te fiafia i Mamona!" ma se ataata i ona foliga.

Na ia faaaauau, "E mafai ona ou iloa o oe o se Mamona," ma na ia amata ona lisi mafuaaga pe aisea. Na ou

fiafia na ia vaaia na ou tauivi e ola i le talalelei. Na ia fesili puupuu mai e uiga i le papatisoga i le Ekalesia. Ao ou faamatalaina atu, na vave ona ia fai mai, "E le mafai ona ou papatiso i lau lotu aua na ou ola ae i se lotu ese." I le faalogo atu ia te ia o tau mai ia te au ona talitonuga, na ou aoaoina le tele o mea e uiga i mea e mafai ona ou faasoa atu ia te ia. Na ou lagonaina le lagona filemu ae mausali e tuu atu ia te ia se Tusi a Mamona, ma na ou iloina o le Agaga o loo tautala mai ia te au.

Na ou aumaia se Tusi a Mamona, ma tusi i se fasi pepa ia te ia se tusi puupuu ae faamaoni faatasi ma lau numera telefoni i le isi itu, ina nei i ai ni ana fesili. Na ou tuuina le fasi pepa i totonus o le tusi, afifi, ma tuu i ai se lipine i luga. Na ou tuuina atu ia te ia i le isi vasega. Na matuai fiafia o ia e talaina ma faafetai mai ia te au.

I le vaiaso atoa na ou mafaufau ai pe na faapei ona uiga faaalia i le tatalaina o le meaalofa—pe na ia fiafia i ai pe leai. O le isi vasega na ou tuai laitiiti ai ma na faateia i lona uiga faaalia ao ou ulu atu i le potu. Na ia opo

atu au ma fai mai ma le malosi, "Na ou fiafia i ai, fiafia i ai, fiafia i ai! O le tusi na e aumai ia te au e matagofie, amata mai le faatomuaga ina ua ia talanoa mai e uiga i papatusi. E matua moni lava! E i ai ni mau matagofie. Na ou amata ona faitau, ma ua afa lau faitau. Ua le mafai ona ou taofia le faitauina!"

I le faalogo mai i le tele o le fiafia, na faliu mai i tua le vasega e vaai po o le a le mea ua tupu. O se tasi o au uo i le vasega, lea na ou talanoa i ai e uiga i le Tusi a Mamona, na fesili mai pe aumai e lenei tusi le filemu. Na tali atu lou faiaoga, "Na oo mai ai ia te au le manao e tagi, e le mai le faanoanoa ae mai le faamanuaina." Sa le mafai ona ia taofia le ataata ma opo pea au.


Sa ou lagona le fiafia tele. I le taimi lena, na ou malamalamai ai e le mafai ona tatou faamasinoina pe o ai ua saunia e talia le afioga a le Atua. E le mafai ona tatou iloa pe faapefea ona tatou tatalaina le loto o se tagata. Afai e uunaia i tatou e le Atua e faasoaa atu, e manaomia lo tatou faatinoina aua e sili atu Lona silafia nai lo i tatou. ■

E alala le tusitala i Salta, Atenitina.



POLOAIGA = ALOFA

O le a le mea e faia e poloaiga i le alofa?



O SE FAALIOAGA O LE ALOFA

"O poloaiga a le Atua o se faailoaga o Lona alofa mo i tatou, ma o le usisuitai i Ana poloaiga o se faailoaga lea o lo tatou alofa mo la.

Carole M. Stephens, fesoasoani muamua i le au peresitene aoao a le Aualofa, "Afai Tou te Alofa Mai ia te Au, la Outou Tausi i Au Poloaiga" *Liahona*, Nov. 2015, 120.



Saunia e Charlotte Larcabal

Mekasini a le Ekalesia

Pe a e mafaufau e uiga i poloaiga, atonu e te mafaufau i papa maa, tulafono, tuaoi, manaoga, po o mea e manaomia. Atonu e te mafaufau loa lava i le alofa. O le a le mea e faia e poloaiga i le alofa?

Ia, o mea uma a.

Ona e Alofa o la la i Tatou

Manatua ao e laitiiti ma e lei faata-gaina e ou matua oe e taalo i se auala pisi? po o lo la taumafai ia tele atu fua-laau fai sua e te aia po o le alu vave e moe nai lo le mea na e manao i ai?

Atonu na e le malamalama pe aisea na la fai ai le tele o tulafono. Ma atonu na e le fiafia i taimi uma ia i laua, foi. Ae o lenei ua e matua atu, pe mafai ona e vaai pe aisea na tuu atu ai e ou matua na tulafono uma?

Aua sa la alolofa ia te oe ma na mananao i le mea sili mo oe.

I le avea ai ma se matua e sili ona atoatoa, ua tuu mai e le Tama Faalelagi ia i tatou ni tulafono po o ni poloaiga mo le mafuaaga lava e tasi: e alofa o Ia ia i tatou ma e finagalo mo le mea sili mo i tatou. Ma e sili atu foi nai lo lena, e finagalo o Ia ia i tatou ia avea faapei o Ia ma maua uma mea o loo ia te Ia.

Na faamatala mai e Elder Dallin H. Oaks o le Korama a Apostolo e Toasefululua lenei mea i se faataoto:

"Na iloa e se tama mauoa afai na te tuuina atu ana oa i luga o se tamaitiiti o le e lei atiina ae le atamai ma le malosi na manaomia, atonu o le



a maumau ia tofi. Na fai atu le tamā i lona atalii:

“O au mea uma ua i ai, ou te manao e tuuina atu ia te oe—e le gata i lo’u tamaoaiga, ae faapei foi lou tulaga ma le tauleleia i luma o tagata. O na mea *ua* ia te au e faigofie ona ou avatu ia te oe, peitai o le ituaiga tagata ua *i ai* au, o le mea lena e tatau ona maua e oe lava ia. O le a e agavaa mo lou tofi e ala i lou aoaoaina o mea sa ou aoaoina, ma ola e pei ona ou ola ai. O le a ou tuuina atu ia te oe tulafono ma mataupu faavae na ou maua ai le poto ma lou tauleleia. Ia e mulimuli i au faataitaiga, ia ausia mea ua ou ausia, ona avea ai lea o oe e faapei o au ma o mea uma foi ua ia te au o le a fai ia mou.”¹

E pei o le tama i le tala a Elder Oaks, e finagalo le Tama Faalelagi ia i tatou ia maua mea uma ua ia te Ia ma avea ma mea uma o i ai o Ia. O Ana poloaiga e pei o maa e laa ai i luma e fesoasoani ia i tatou e aoao ma tupupu ae ai ma avea faapei o Ia.

“Ou te tuu atu ia te outou se poloaiga fou, . . . pe, i se isi faaupuga, ou te tuu atu ia te outou ni faatonuga i le ala tou te amio ai i ou luma, ina ia liliu ai ia te outou mo lo outou faaolataga” (MF&F 82:8–9).

E pei o se tamaititi e le malamalamama pe aisea e le faatagaina ai e taalo i le ogatotonu o se auala pisi, ma mautautia, atonu tatou te le malamalamama i taimi uma i le mafuaaga i tua atu o poloaiga po o tulaga faatonuina faapitoa. Ae afai tatou te malamalamama ua tuuina mai e le Atua ia i tatou poloaiga aua e alofa o Ia ia i tatou

ma finagalo e taitai i tatou ina ia avea i tatou faapei o Ia, o le a faigofie atu ona usiusitai ia te Ia.

Aua Tatou Te Alolofa la Te Ia

E mafai ona e mafaufau i poloaiga taitasi o se faailoga tele “Ou te alofa ia te oe!” mai le Atua. Ma afai tatou te filifili e tausi Ana poloaiga, e pei o loo tatou toe faapea atu “Ou te alofa ia te oe!” ia te Ia.

Na faigofie lava le faamatalaina e Peresitene Dieter F. Uchtdorf, le Fesoaoano Lua i le Au Peresitene Sili, ina ua ia taliina le fesili, “Aisea e popole ai fua i poloaiga a le Atua?”

“Tatou te usiusitai i poloaiga a le Atua—ona o lo tatou alolofa ia te Ia! . . .

“. . . O lo tatou usiusitai i poloaiga a le Atua e sau mai se taunuuga masani o lo tatou alolofa ma le lotofaafetai le mafaamutalia mo le lelei o le Atua.”²

Ua tuuina mai e le Tama Faalelagi ia i tatou mea uma ua tatou maua—mai le malosi e gaoioi ai e oo i le ea tatou te manavaina—ma pau lava le mea ua Ia finagalo mai ai o lo tatou tausia lea o Ana poloaiga (tagai Mosaea 2:21–22). O le auala sili lea e mafai ona tatou faaaliai ai lo tatou alofa ma le loto faafetai ia te Ia.

Na fetalai mai ai Iesu Keriso lava ia (tagai Ioane 14:15).

Aisea e tuu mai ai e le Tama Faalelagi ia i tatou poloaiga? Ona e alofa o Ia ia i tatou.

Aisea tatou te tausia ai Ana poloaiga? Aua tatou te alolofa ia te Ia.

Poloaiga e tutusa ma le alofa.
O le faigofie lena. ■

FAAMATALAGA

1. Dallin H. Oaks, “O Le Luitau i le Avea ma se Tasi,” *Liahona*, Jan. 2001, 40.
2. Dieter F. Uchtdorf, “O le Meaalofa o le Alofa Tunoa,” *Liahona*, Me 2015, 109.

AUAI I LE TALANOAGA

O MEA E MAFAUFAU LOLOTO I AI MO LE ASO SA

- E faapefea ona fesoasoani poloaiga ia te au ina ia avea atili faapei o le Tama Faalelagi?
- E faapefea e le iloaina o le Atua e alofa ia te au ona fesoasoani ia te au e tausia poloaiga?

O MEA E TE ONO FAIA

- Ao e suesue i poloaiga, vaavaai mo ma tusutisi faamanuiga ua folafola mai.
- O anafea na fesoasoani ai le tausia o poloaiga ia te oe e lagona ai le latalata atili atu i le Tama Faalelagi? Faasoaa atu ou manatu i lou aiga, uo po o luga foi o ala o faasalalaua faaleagafesootai.



Aisea o Le Tusi a Mamona Ai?

Na masani lava ona ou faalagolago i isi mo se molimau o le Tusi a Mamona, ae na ou filifili ua oo i le taimi e saili ai lau lava molimau.

Saunia e Elvin Jerome Laceda

Aisea tatou te manaomia ai le Tusi a Mamona ao lea ua i ai le Tusi Paia? Na ou mafaufau soo e uiga i lenei fesili. I le avea ai ma se talavou na ou fialoa e uiga i le Tusi a Mamona, ae na leai sou naunautai e faitau i ai. O le isi mea, na leai se tasi na faamalosiauina au e fatauina i le fale aua na o au le tagata o le Ekalesia i lou aiga, sei vagana ai lou tamamatua ua maliu.

I se tasi Aso Sa i se sauniga molimau, e toatele tagata na molimau e uiga i le moni o le Tusi a Mamona, lea faatoa ou amata ona masalomia talu ai nei. Na latou luitauina i latou e lei fatauina ia maua sa latou lava molimau o le Tusi a Mamona e moni, o Iosefa Samita o se perofeta a le Atua, ma o le Ekalesia a Iesu Keriso o le Au Paia o Aso e Gata Ai o le malo o le Atua i le lalolagi.

Na ou manatunatu loloto pe o lau molimau o le Ekalesia ma e uiga ia Iosefa Samita na lava lona malosi e tatalia

faaoosoosoga ma faatosinaga a Satani. Na ou iloaina sa leai. Na vaivai lau molimau aua na ou faalagolago i molimau a taitai ma tagata o le Ekalesia. Na ou folafola ia te au lava e amata i lena aso, o le a ou sailia lau lava molimau.

Na ou filifili e faitau le Tusi a Mamona. I le faatomuaga na ou fatauina, “Matou te valaau atu i tagata uma e i soo se mea, ia faitau i le Tusi a Mamona, ia mafaufau loloto i ai i o latou loto le savali o i ai, ona ole atu lea i le Atua, le Tama Faavavau, i le suafa o Keriso pe ua moni le tusi. O latou e mulimuli i lenei ala ma ole atu i le faatuatua, o le a latou maua se molimau i le moni ma le paia e ala i le mana o le Agaga Paia. (Tagai Moronae 10:3–5.)” Na ou iloaina na valaaulia patino lava au e faitau le Tusi a Mamona. Ao ou faaauau le fatauina, na ou lagona le mafanafana o le Agaga Paia o molimau mai i le paia ma le moni o le tusi.



O LE TUSI A MAMONA O LE A FAATELEINA LOU FAATUATUA

"Ua aumai uma e le Tusi Paia ma le Tusi a Mamona ia i tatou le faamautinoaga matagofie e faapea o Iesu o le Keriso, o le Alo o le Atua.... O se vaega po o le Tusi a Mamona atoa ua i ai i le 110 gagana i le salafa o le lalolagi. Ua avatu ai se molimau faaleagaga ma faaletino o le moni o le Toefuataiga. O anafea na gata ai lou faitauina o le Tusi a Mamona mai le tasi faavaa i le isi? Toe faitau i ai. O le a faateleina ai lou faatuatua."

Elder Neil L. Andersen o le Korama a Apostolo e Toasefululu,
"O Le Faatuatua e Le Tupu Faafusei, ae e ala i Filifiliga," *Liahona*,
Nov. 2015, 66-67.

Na ou iloaina o le Tusi a Mamona o loo molimau mai ia Keriso, ma na ou maasiasi mo le masalosalo i lona moni. I le aoga na ou aoao ai le ala e suesue ai e faamasino o le tulafono se faamaoniga o le solitulafono ae lei faia le faaiuga. Na ou faia le faafeagai i le Tusi a Mamona: na ou faamasinoina ae lei faitau i ai.

Na ou faaiu le faitauina ma se lotomaualalo ma le lototole e puipui le mea ou te talitonu i ai. Ma le isi, ou te fiafia aua o loo i ai sau soa ao ou toe faitauina le Tusi a Mamona. Na papatisoina lou tinamatua ae faatoa uma ona ou fai tauina le Tusi a Mamona i le taimi muamua.

E i ai sau molimau malosi o Iesu Keriso o lou Faaola, o Iosefa Samita o se perofeta a le Atua, ma o Le Ekalesia a Iesu Keriso o le Au Paia o Aso Gata Ai o le Ekalesia moni ma le ola a le Atua iinei i le lalolagi. ■

E alala le tusitala i Filipaina.



Saunia e Elder
Yoon Hwan Choi
O Le Fitugafulu

FAAMALOSIA

e ala i le Afioga a le Atua

Ina ua ou iloa le ala e faaaaoga ai upu a perofeta, na suia lou olaga mai le mea na ou manao ia avea ai au i le mea e finagalo le Alii e avea ai au.



Ao ou tuputupu ae i Korea, na faataga e lou tama lana fanau e auai i le lotu o la latou lava filifiliga, ae e masani i taimi o le aiga i le afiafi matou te le autasi e uiga i talitonuga faalelotu. Ona o lenei fefinauaiga, na manao ai lou tama ia autasi lo matou aiga i talitonuga faalelotu. Ona o lou uso laitiiti na alu i fonotaga a le Eklesia a Iesu Keriso o le Au Paia o Aso e Gata Ai faatasi ma le tamaloa o lou aiga, na amata ai e lou tama ona auai i fonotaga faatasi ma i laua e aoao atili e uiga i le Eklesia. Na ou auai foi ma na faagaeetia i gaoioiga malie a le Mutualie ma le ala na faamalosia ai e le polokalama a le seminare tagata talavou faaleagaga.

Ina ua 16 ou tausaga, na matou papatiso ma ou matua, ma isi tagata e toa 23 o le aiga ma na auai mai tagata o le aiga i le Eklesia i totonu o le fitu masina.

Ina ua matou auai i le Eklesia, na matou tautino atu e toaaga atoatoa ma faauau ona aoao e uiga i aoaoga faavae o le talalelei. Na matou faia lenei mea e ala i le suesue i tusitusiga paia i le faatuatua i aso uma, faatasai ai ma le fatauina o le tele o isi tusi a le Eklesia ma tusi lesona. I le totonusi o ni nai tausaga na sosoo ai, na ou aoao ai ni mataupu faavae se lua e uiga i le tumau malosi i le Eklesia:

1. Suesue tusitusiga paia i le seminare, lotu, ma le aiga.
2. Faalogo ma mulimuli i le faatuaga a le perofeta.

MALOSIAGA I TUSITUSIGA PAIA

I le faaopoopo ai i le suesueina o tusitusiga paia i le aiga, na ma auai ma le faamaoni ma lou uso i le seminare ma le Mutuale. I na aso, na fai a matou Aoga Sa i le taeao, ma le sau-niga faamanatuga i le afiafi. Ona o le mamao o lo matou falelotu, na matou nonofo ai i le fale sa, auai i le vasega a le seminare, ma olioli i le feasiasi ma le faatasai ai ma tagata o le Eklesia seja uma le sauniga faamanatuga. Sa toatele tagata talavou na auai i le Eklesia i Korea i lena taimi, ma ao matou aoao faatasai ma maua le loto fiafia i gaoioiga, na matou vavalalata ma i latou.


Na valaaulia au e auauna atu i lau korama a le Perisitua Arona ma na galulue felatai ma tamaitai talavou o e na auauna i a latou vasega. Na matou aoao pe faapefea ona tausia ma tatalo mo i latou na matou taitaia faapea foi ma le ala e fuafua ai gaoioiga faatasai

ma faaaoga ma le poto lo matou taimi.

I le aluga o le vaisaso, ou te suesue i tusitusiga paia mo le seminare ae lei faia au meaaoga. Pe a ou le lava tele e fai au meaaoga pe ua i ai ni luitau i le aoga, ou te tatala lau tusi lesona o le seminare, suesue, ma tatalo. Na ou iloa pe a ou faia lena mea, e mafai ona ou faafouina lou mafaufau ma sili atu ai le taulai atu i au meaaoga. O loo ou faia pea lenei mea i lou olaga. I le aso, soo se taimi lava e i ai sou taimi faigata, ou te faiatou pea au tusitusiga paia po o lauga o le konafei aoao e faafou ai lou mafaufau.

O le tele o tamaiti aoga i le aoga maualuga i Korea e faaalu le tele o lo latou taimi e o ai i le aoga ma suesue i le leva o le po. Na matou iloa afai matou te faaalu le taimi mo le seminare ma gaoioiga a le Mutuale, na matou lagonaina le faafouina ma na faamanuiaina e faia le mea e sili atu ia matou meaaoga. O lesona na ou aoaoina iina na fesoasoani foi ia te au i isi tulaga ao ou i ai pea i le aoga.

I se tasi aso i le aoga, na aoao ai e se tasi o ou faiaoga se lesona e uiga ia Iuta, ISA, i la matou vasega o le suesueina o tulaga o le lalolagi ma fai mai nisi o mea e uiga i le Eklesia na sese. Na ou mafaufau, “Pe tatau ona ou faasaoina o ia i luma o tagata uma, pe tatau ona ou alu atu ia te ia faalilolilo pe a uma le vasega?” I lena taimi, na oo mai upu a lou faiaoga seminare i lou mafaufau. Na fai mai o ia, “Aua le finau pe faatiga i soo se tasi pe a fai e se tasi ni mea sese e uiga i le Eklesia.”



O LAU FAUTUAGA IA TE OUTOU

Ao outou mulimuli i le fautuaga ia perofeta ma aposetolo, o le a faamanuiaina outou.

1. Suesue tusitusiga paia, o i le seminare, auai i lesona Sau, *Mulimuli Mai ia te Au*, ma faaaoga le *Talai Lau Talalelei* ina ia avea ma se faifeautalai maoae i le taimi nei ma, mo i latou e auauna atu, o ni faifeautalai faamisiona.
2. Faalogo ma mulimuli i le fautuaga a le perofeta.
3. Faia mea uma i le poto ma le faatulagaga lelei.

Na ou lagona e tatau ona ou tumau i le filemu ma faaaloalo i le taimi o le vasega. Ina ua ou talanoa ma ia mulimuli ane, na ou tau atu ia te ia o au o se tagata o le Ekalesia, ma na ou faasaoina o ia i mea sese na ia aoaoina i le vasega. Na ia fai mai, “Ou te lei iloa o oe o se Mamona. Faafetai mo le tauina mai ia te au.” Mulimuli ane na ia faasaoina lana aoaoga ina ia tuuina atu faamatalaga sao, ma na ia faia pea au ma le faaaloalo. Na ou faafetai mo le fautuaga na aoaoina ai au e ala i lou faiaoga seminare.

MILITELI PO O LE MISIONA?

Ao ou laititi, na ou manao ia avea ma taitai i le ami. Na ou fuafua e talosaga mo le aoga a le militeli ina ia faaleleia ai lau sini. O le uiga o lena filifiliga e faapea, na ou le faamoemoe e auauna atu i se misiona aua sa ou iloaina o lena polokalama i le aoga mo tagata o le militeli o le a le faatagaina se tasi mo soo se gaoioiga faalelotu.

Ona ou maua lea o le avanoa e alu ai i konafesi i Seoul, Korea—o se aafiaga na suia ai le faasinomaga o lou olaga. I le taimi o le konafesi, na ou faalogo ai i le fautuaga a Peresidente Spencer W. Kimball (1895–1985) i le autalavou ia:

- a) auai i le seminare,
- e) auauna atu i se misiona faamamaluina,
- i) faaipoipo i le malumalu, ma
- o) galue agai i le faaeaga.

Na ou iloa o lana fautuaga na sao, ma na ou manatuaina le fuaiupu e faapea, “E lē mavae atu lava lau upu, ae o le a faataunuuiuma lava, pe

i lou lava leo po o i le leo o au o auauna, ua tutusa lava” (MF&F 1:38).

Ina ua ou faalogo o saunoa le perofeta e uiga i le taua o le auauna atu i se misiona o se faamuamua i le olaga, na ou iloa ua tatau ona ou tuu atu lou faatuatua i le Alii, auauna atu i se misiona, ma tuuese lau miti ia avea ma se taitai au, ma manatua ia “saili muamua le malo o le Atua, ma lana amiontonu; ona faaopoopoina lea o na mea uma ia te outou” (Mataio 6:33).

E ui ou te lei toe fuafua e auai i le aoga a le militeli, o le auauna mo le tolu tausaga o se fitafita sa manaomia pea mo alii talavou uma. Faatoa atoa lou tasi le tausaga o auauna atu i le Misiona a Korea Busan ae ou maua le faatonuga mai le malo o Korea e lipoti atu mo tiute faamiliteli. Na ou auauna atu mo le tolu tausaga i le ami, ma ina ua ou foi mai, na ou manao e faauma lau misiona. Ona valaauna lea o au i le Misiona a Korea Seoul ma auauna atu ai mo le isi tausaga iina.

“E TE VALEA?”

Ina ua ou foi mai lau misiona, na faamanuiaina au e ala i le mulimuli i le fautuaga mai perofeta. Mo se faataitaiga, ina ua uma lau misiona, na ou filifili e faaipoipo, e ui lava e lei uma lau aoga. I Korea, o le aganuu e tatau ona manua i tulaga tautupe ma uma lau aoga ae lei faaipoipo ma amata se aiga. Ae na ou iloa na manaomia lou mulimuli i le fautuaga a le perofeta ma galue agai loa i le faaipoipoga. Na ma fetoui ma lou toalua ao ma i ai i le polokalama a le autalavou ma na avea ma se ue lelei ae ou te lei alu i le misiona, o lea na

ma masani lelei ai lava. Na ma faaipoipo ae faatoa ou foi mai i le fale, e ui lava na fai mai ana uo, “E te valea? E leai sau tupe.”

Na ma faia le faafeagai o le aganuu masani ona sa ma iloa na manaomia lo ma mulimuli i le fautuaga a le Alii. Na faamanuiaina o ma olaga i le mulimuli i le fautuaga a le perofeta, ma na ma oo i ni aafiaga semanu ma te le oo lava i ai i se isi tulaga.

O le fautuaga a le Alii ia faia mea uma ma le poto ma le faatulagaga lelei (tagai Mosaea 4:27) e i ai taimi e ese mai aoaoga a le lalolagi, ae afai tatou te usiusitai i le faatulagaga a le Alii, o le a oo ina suia o tatou olaga mo le mea e sili atu. Ou te loto faafetai mo le perofeta soifua, o le e taitaia i tatou i le ala a le Alii i le aso. Ou te iloa “a tatou maua se faamanuiaga mai le Atua, e maua i le usiusitai i lena tulafono ua faavae ai i luga” (MF&F 130:21). ■



**Saunia e Elder
Robert D. Hales**
O Le Korama a
Aposetolo e
Toasefululua

O LE ALA E FAAALIA AI LE LOTO FAAFETAI

O lau faafetai sili ona loloto e mo le taulaga togiola a lo tatou Alii ma le Faaola, o Iesu Keriso. O le Togiola o le faavae lea e faalagolago i ai upumoni uma o le talalelei. . . .

O le loto faafetai o se tulaga o le talisapaia, o se faatinoga o le faafetai, lea e mafua ai ona lotomaualalo ona ua tatou iloa se faatinoga agalelei, auau-naga, po o le popole mai se tasi lea e siitia ai i tatou ma faamalosia ai i tatou.

O le le loto faafetai o le uiga o le le nofouta po o le le iloaina pe a auauna mai se tasi ia i tatou pe fesoasoani mai ia i tatou, ae sili le leaga, pe a tatou iloa ua fesoasoani mai se tasi ae le tuuina atu i ai le faafetai faalilolilo pe faalauaitele.

I se auala filemu, o le faaleoina ma lagona o le loto faafetai e i ai se natura matagofie faamamaina ma faamaloloina. O le loto faafetai e aumaia le mafanafana tutusa i le e tuuina atu ma le e taliaina.

O le loto faafetai e faaleoina i lo tatou Tama Faalelagi i tatalo mo mea ua tatou maua e aumaia le filemu mafanafana—se mafanafana lea e faatagaina i tatou e le faaleagaina o tatou agaga mo mea tatou te le o maua. O le loto faafetai e aumaia se filemu lena e fesoasoani ia i tatou e faatoilalo le

tiga o le fili ma le toilalo. O le loto faafetai i aso taitasi o lona uiga tatou te **faaleo atu le faafetai** mo mea ua tatou maua i le taimi nei e tusa lava po o a mea na tatou maua i le taimi ua tuanai po o manaoga i le lumanai. O se faailoaga ma le talisapaiaina o a tatou meaalofa ma taleni ua tuuina mai e faatagaina foi i tatou e **faailoaga atu le manaomia mo le fesoasoani ma le lagolagoina** mai meaalofa ma taleni ua maua e isi.

O le loto faafetai o se mataupu faavae mamana:

“Ia e faafetai atu i le Alii lou Atua i mea uma” (MF&F 59:7).

O lenei mau o lona uiga tatou te **faaleo atu le agaga faafetai** mo mea o loo tutupu, e le gata i mea lelei i le olaga ae faapea foi le faafe-gai ma luitau o le olaga na e faaopo-opo i lo tatou aafiaga ma le faatuatua. Tatou te **tuu atu o tatou olaga i Ona aao, ma le iloaina o mea uma e tutupu e mo lo tatou aafiaga**.

Pe a tatou faapea atu i le tatalo, “Ia faia Lou finagalo,” o loo tatou faaleoina atu moni lava lo tatou faatuatua ma le loto faafetai ma faailoaina atu o le a tatou **talialina soo se mea e tupu i o tatou olaga**.



NA FAAPEFEA ONA E FAAAOGAINA LENEI MEA?

Ou te iloaina soo se taimi lava ou te loto faafetai ai i lou Tama Faalelagi, e sili atu lou fiafia. Ou te fiafia e auauna atu i isi ma faaali atu lou faafetai i lou Tama Faalelagi. O le faia o lenei mea, ua mafai ai ona ou maua se malama-lama sili atu pe aisea ua auina mai ai au ma po o le a lau misiona iinei i le lalolagi. O le mauaina o se loto faafetai e aumaia ia i tatou le filemu.

Callie M., 15 tausaga

Tau ina ia tatou lagonaina le loto faafetai moni mo le agalelei o le Atua mo faamanuiaga uma ua tuuina mai ia i tatou ma faaleoina atu na lagona o le faafetai i le tatalo i lo tatou Tama Faalelagi. ■

Mai se saunoaga i le konafesi aoao ia Aperila 1992.

O LA TATOU AVANOA



NA SILAFIA E LE ATUA LOU FAANOANOA

Saunia e Danelys W. Rodríguez,
Dominican Republic

Se tasi aso Sa i le lotu na ou iloaina ai o lou taimi faatasi ma le polokalama a Tamaitai Talavou ua toeitiiti uma ma ua lata ona ou faatasi ma talavou nofofua matutua. Na ou faanoanoa aua na ou iloa o mea o le a le toe tutusa. Ina ua uma le Aoga Sa, na ou taumafai ia fiafia, ae sa le mafai ona ou fiafia. Na ou taumafai e tau ia te au lava ia faapea e le finagalo le Tama Faalelagi ia ou lagona

le faanoanoa ae o le olioli (tagai 2 Nifae 2:25).

Na tau amata ona ou tagi i le tauau o lau uo i le alasavali ae oo mai le failautusi a le uarota ia te au ma fai mai, "Sister Danelys, o le meli lea!" Na ia tuu mai ia te au se teutusi pae-pae o loo i ai na o lou igoa i luga. Na ou fia iloa po o le a, o lea na ou fesili ai i le failautusi po o ai na auina mai. Ao ia savali ese atu, na ia tau mai ia te au na aumai le peteriaka ma o se kopi o lou faamanuiaga faapeteriaka. Na ou tagi, ae o ou loimata o loimata o le olioli aua na ou iloa na silafia e le Atua lou faanoanoa ma na saunia se ala mo au ia maua ai le olioli i lou faanoanoa. O lou faamanuiaga faapeteriaka na iu ina taunu mai ua

tusainia, i le taimi tonu lava na sili ai ona ou manaomia ai.

Ina ua ou taunu i le fale ma faitau i ai, na ou toe tagi ma tatalo ma faafetai i le Atua mo le faamanuiaga ma le fesoasoani ia te au ia manatua lou faamanuiaina tele i le avea ai o Sona afafine ma le i ai o le malamalama o le talalelei e faavavau i lou olaga.

Pe a oo mai taimi faanoanoa, e ui atonu ou te le malamalama i ai i lena taimi, ou te iloa o le Atua e mafai ona fesoasoani ia te au ia maua le fiafia. Na ou aoaoina lenei mea e ala i le alofa o le Atua na ofoina mai ia te au i lou olaga. Ua Ia ofoina mai lenei alofa ia i tatou taitoatas, ma o la tatou tiute le taliaina o lenei lagona ofoofogia. E mafai ona tatou faatoilaloina faigata i le taitaiga a le Atua. E mafai ona tatou ataata ma ia fiafia. ■

O LE MAU E SILI ONA OU FIAFIA I AI

Saunia e Kwamena Koomson, Kana

Helamana 5:12

Olenei mau ua fesoasoani ia te au e malamalama ai ua na o le faatotonugalemuina o o tatou olaga ia Iesu Keriso e mafai ai ona tatou faatoilaloina le fili. E tusa lava pe oo mai faigata ia i tatou, afai ua fausia i tatou i luga o le papa o Iesu Keriso, e mafai mea uma lava.

O lenei mau na fesoasoani ia te au e tumau mausali ai i taimi faigata.

Ou te iloa o loo soifua le Atua ma na Ia auina mai Lona Alo e Toatasi na Fanaua i le lalolagi e togiola mo agasala a tagata. ■

O Fea le Auala e Filifili?



**Saunia e Abbey F.,
11 tausaga,
Virginia, ISA**

Ole aso muamua lea i lau aoga fou. Sa ou fiafia e faia ni uo fou ma sa lelei tele i lena mea. Sa ou oo atu i lou potuaoga ma vaaia tagata uma. Na ou manatu o le a ou maua se tausaga maoae. I le taimi o le malologa faatasi ma au uo fou, na

matou nonofo uma i lalo e sosoo ma se teine mai se isi vasega. O lona igoa o Hannah. Ina ua ou nofo i lalo, na fai mai Hannah, “Oka, matuai manogi ou seevae. Na ou mafaufau pe le o le apa lapisi po o ou lavalava.”

Na ou matuai ofo lava ina ua ia faia lena tala, ma na faapena foi isi. O lea na ou tu ai ma see atu i se isi laulau i talaane o se isi uo fou.

O le isi aso i le malologa, sa i ai se isi tala leaga a Hannah na fai. Na faaauau lenei mea i aso uma, ae o taimi uma lava, ou te le toe faia atu se tala leaga ona o lou faiaoga o le Aoga Sa, o Brother Lawson, na fai mai e tatau ona e taulimaina isi e pei ona e manao e taulimaina ai

oe e isi. Ina ua ou mafaufau i lena mea, na ou fesili atu ia Hannah ma le faaaloalo e faamolemole e taofi pe tau mai ia te au pe aisea ua faapea mai ai ia te au.

Ona ou alu lea i le fale ma tau i lou tina e uiga i mea uma na fai mai ai Hannnah. Na pei o le a ou pa! Na fai mai lou tina, “Abbey, na o le taumafai lava e aua le le faaaloalo atu i ai. O nisi taimi e faapena tagata ona o se mea faigata o loo tupu i le aiga.”

O lea na ou alu ai i le aoga ma mafaufau e uiga i mea na fai mai ai lou tina ma Brother Lawson. I lena aso i le aoga, na iu ai ina tau mai e Hannah ia te au faapea o loo tutupu ni mea faigata i le aiga ma na ia fai mai ni mea leaga ona sa ita o ia. Na ou faamagalo ia te ia, ma o lenei tausaga ua i ai o ia i lau vasega ma o i maua o ni uo lelei lava.

Na ou aoao o le mulimuli ia Iesu o le ala sili lea. ■

*O aso uma e
tatau lava ona
fai e Hannah
se tala leaga.*





Saunia e
Neill F. Marriott

Fesoasoani Lua i le
Au Peresitene Aoao
o Tamaitai Talavou

E Faafogga le Tama Faalelagi i AU TATALO

O se tasi taimi ao ou talavou, na ou manaomia le iloa e silafia e le Tama Faalelagi au ma malamalamā i faigata na ou feagai ai. Na ou fesili ia te Ia e taialaina au ia maua se mau e fesoasoani ia ou maua ai se lagona sili atu. Na ou susuetusitusiga paia ma faitau, "Tatou te mitamita i puapuaga . . . ua tatou iloa o le puapuaga e tupu ai le



onosai; o le onosai, e tupu ai le mautinoa; o le mautinoa e tupu ai le faamoemoe; o le faamoemoe foi e le ma ai, aua ua faamaligi mai le alofa o le Atua i o tatou loto" (Roma 5:3–5). O lenei mau na aoaoina au faapea o ou aafiaga faigata e mafai ona fesoasoani ia te au e maua ai le onosai, mautinoa, ma le faamoemoe, ma lagona le alofa o le Atua mo au. Na ou iloa na faafogga

mai le Tama Faalelagi i lau tatalo ma tali mai ia te au e ala i tusitusiga paia. Na i ai lou faatuatua o le a lelei mea uma.

O le atalii o lou atalii na aoao faapea e faafogga le Tama Faalelagi ia tatou tatalo. Na ia manaomia se uo i le aoga. Na ia filifili e tatalo ma lona tina e fesoasoani ia te ia ia maua se uo. O aso uma pe a ta le logo o le malologa, na iloa e Stuart na tatalo lona tina mo ia. Na vave lava ona ia maua se uo fou! Na aoao Stuart e popole alofa le Tama Faalelagi i ona atugaluga. Na ia aoao o le a tali mai le Tama Faalelagi i ana tatalo.

Ina ua 10 tausaga o le atalii o lou atalii, na ia taalo i se au soka malosi. Na talanoa Jack i ona matua

ma filifili e faamamalu le Sapati ma aua le taalo i taaloga i le Sapati. Na ia popole o le a le lelei o ia aua ua misia na taaloga. Na iloa e le uso laitiiti o Jack o Charles o loo popole o ia. I se tasi aso na fai ai e Charles le tatalo faaleaiga. Na ia ole atu i le Tama Faalelagi e fesoasoani ia Jack ia aua le popole e uiga i le soka. Na iloa e Charles o se auala lelei tele e



fesoasoani ai i lona uso o le tatalo mo ia. Na i ai lona faatuatua o le a fesoasoani lana tatalo ia Jack.

Tatou te manaomia le fesoasoani i lenei olaga, ma e finagalo le Tama Faalelagi e tuu mai ia i tatou lena fesoasoani. E alofa o Ia ia i tatou. O le a Ia faafogga mai pe a tatou tatalo! ■

O FAAMANUIAGA MA LE TATALO

E tele faamanuiaga e finagalo le Tama Faalelagi e tuu mai ia i tatou.

Mafaufau i se pusa tele o oa ua tumu i faamanuiaga mo oe. O au tatalo o le faatuatua e matala ai le "pusa o oa" o faamanuiaga. Tatou te manaomia le tatalo i le suafa o lo tatou Faaola, o Iesu Keriso, ma ole atu i le Tama Faalelagi e faamanuia i tatou.



O nei oa o ni faamanuiaga e mafai ona e tatalo ia maua.

O a isi faamanuiaga e te manao e tatalo ia maua?

lototele

malamalama




molimau

faamafanafana

O tali i tatalo e mafai ona umi se taimi, pe atonu e le o mea ia na e faamoemoeina. Ae o le Tama Faalelagi e faafogofoga mai pea i taimi uma. O le a la tali mai i au tatalo. E alofa o la ia te oe.





AVEA ma se Faifeautalai

Mai se faatalanoaga ma Jenna Koford, luta, ISA

O tagata uma e mafai ona avea ma se faifeautalai. Na tuuina mai e lou peresitene o le siteki i Kalefonia ia i matou se lui e faasoa atu le talalelei. Ina ua ou maua le avanoa e tuuina atu ai se lipoti i se setete i le lunaite Setete na ou iloa o lou avanoa lea!

Talofa,
o a'u o
Jesse!

O LE LUI

Na fai mai lo matou faiaoga ia matou filifilia se setete o le I.S. ma faia se ata, po o se tala puupuu. Na ou tau i lou faiaoga na ou manao ia luta. Na masani ona ou alu i luta i malologa faaleaiga. Na ou manao ia aoao atili e uiga i le "Setete o Ofagapi." Na ou manatu o le a fesoasoani ia te au i le galuega faafaifeautalai!





O MEA MONI E MALIE

Na ou aoaoina o le pine faamau auro lena na fesootai ai le Auala Nofoafai Muamua e soosai Amerika i Matu na tuuina i luta. Na ou tuuina le ata o le Malumalau o Sate Leki i lau galuega faatino. Na ou tusia foi ni mea moni e uiga ia Peresitene Tavita O. Makei (1873-1970) aua o ia o le perofeta e fiafia i ai lou tama matua.




O LE OFAGAPI

Na ou manao e faaali i lau vasega le matagofie o foafoaga a lo tatou Faaola i lau ata. Na ou kavaina se atigipusa i pi ma mamaruina ia pei o se ofagapi. O ofagapi e faamanatu mai ia i tatou ia galulue malolosi e pei o pi i le faasoaina atu o le talalelei.



O LE FAAMATALAGA E UIGA I LE AVEA AI MA SE FAIFEAUTALAI

Na ou avea lau galuega faatino o le aoga i le faletatala. Na fiafia tagata uma i lau pusa pi! Na tuu mai e le fai-aoga ia te au se A+! Ou te faamoemoe o le a vaai tagata i le maoae o le nofoaga o luta. Atonu o le a latou fesili mai e uiga i le Ekalesia a lesu Keriso o le Au Paia o Aso e Gata Ai. Ua le mafai ona ou faatali seja lava lou matua e alu ai i se misiona ma faasoa atili atu pea le talalelei!



O MOTUGAAFA A JESSE MO LE TU MAUALUGA

- Faalogo i uunaiga a le Agaga.
- Aua le faaaogaina le gagana leaga po o le tau fua o le suafa o le Alii.
- Afai ua i ai se mea leaga ua tupu, savali ese pe sue nisi gaoioiga e fai ia maua ai e oe se lagona e sili atu le lelei.
- Vaavaai mo ni avanoa e fesoasoani ai i isi.

TU MAUALUGA

E faapefea ona e mulimuli ia lesu e ala i le tu maualuga? Tusi lolomi le ata o lou tulagavae, ma auina mai ia i matou lau tala ma le ata, faatasi ma le faatagaga a ou matua. Auina mai i le liahona.lds.org (kiliki "Submit an Article") pe imeli liahona@ldschurch.org.





Fesoasoani ile Vaaiga o Elise

Saunia e Merillee Booren

E faavae i se tala moni

“Ta savavali. Ta talanoa. Efaa-alia ai lou alofa” Tusipese a Tamaiti, 78).



Na faataupupula natu Daniel i fafo o le faamalama. Na ia vaia ana uo ua agai atu i le paka ma a latou polo pasiketi. Sa ia fia alu foi.

“E le mafai ona ou avea oe nei, Daniel,” o le tala lea a Tina. “Ua fulu tele lou tuafafine. Ma e lei lava lou matua e te alu ai nao oe. Ou te faamalie atu.”

Na faanonou atu Daniel i lona tuafafine, o Elise. Na nofo o ia i lona nofoafaataavalevale ma ana meataalo i luga o ona vae. Ua lima ona tausaga, ae sa lei mafai ona ia savali pe talanoa foi. Na tale malosi Elise. E tele lava ina mai o ia, ma e le mafai ona ia alu i fafo pe afai e vevela tele pe malulu tele. Ma e ai o ia e ala atu i se faagaau i lona manava.

Na alofa Daniel i lona tuafafine, ae o nisi taimi na ia lagona ai foi le ita. Na faigata le faia soo o le mea sili mo Elise. Nao lona manao lava e taaalo ma isi tamaiti. Na ia lagonaina le faanoanoa tele.

“E le fetau!” na ia fai atu ai i lona Tina. “O mea uma lava e mo Elise!” Na ia tamoe i lalo i le auala i lona potu.

E lua aso mulimuli ane ae faate-teleina le leaga o le tale o Elise, ma

na manaomia ona ia alu i le falemai. Na o mai matua matutua o Daniel e faamuli atu ma ia. Na faaalu e Tina ma Tama le tele o lo la taimi i le falemai faatasi ma Elise mo aso o totoe o le vaiaso.

Na mafai e matua matutua o Daniel ona ave o ia e taaalo faatasi ma isi tamaiti. Ae o lenei ua popole Daniel mo Elise. Na salamo o ia mo mea na ia fai atu i lona tina i lena aso. Na le fiafia o ia ona o nisi taimi na le mafai ai ona ia alu e taalo ona o Elise. Ae na fiafia Daniel i le ala e ataata ai o ia pe a ia talanoa ia te ia, ma o le faatasi ma ia na ia maua ai le fiafia.

Na vaavaai atu Daniel i fafo i le faamalama, ma faamoemoe e vaai ia Tina ma Tama o aumaia Elise i le fale.

Na faafuasei lava ona vaai atu Daniel i le taavale a Tina ua afe mai i le auala taavale. Na ia tamoe atu e faafeiloai o ia.

“Tina, ou te faamlie atu i mea na ou fai atu ai e uiga ia Elise i lena aso na ou ita ai,” na ia fai atu ai, ao opo mau mai o ia.

“E le afaina,” na fai atu ai Tina ao ia toe opo maia o ia. “Ou te iloa e te alofa ia te ia. E le foliga mai e fetau lo tatou le mafai ona faia i taimi uma mea tatou te mananao e fai. E faigata i nisi taimi mo tagata uma. Ae ou te iloa ua faamanuina i tatou i le i ai o Elise i lo tatou aiga.”

Na fai atu Daniel, “Ua ou misia o ia.”

“E faapena foi au,” na fai atu ai Tina. “Na fai mai le fomai atonu e mafai lava ona sau o ia i le fale taeao.”

I le lua vaiaso mulimuli ane na i ai uma Daniel ma Elise i le Peraimeri.

PE AFAI UA LE FETAUI LE OLAGA

Atonu e te lagona le faanoanoa pe popole pe afai ua foliga le fetau le olaga. O nisi nei o auala lelei e taulima ai na lagona.

- Tusi pe vali mea o loo e lagonaina.
- Fai se mea e te fiafia i ai, e pei o le taalo i fafo pe faalogologo i musika.
- Fai se lis i mea o loo sologa lelei.
- Tatalo ma tau atu i le Tama Faalelagi ou lagona. Fesili atu mo Lana fesoasoani ia maua ai se lagona sili atu.
- Faasoa atu ou lagona i se tasi.

“Tagata uma sue se paga ma fai se lio!” na fai mai ai le peresitene o le Peraimeri.

Na faavave atu Daniel ma uu mai le nofoafaataavalevale o lona tuafafine.

“O lau paga Elise,” na ia tau atu i lona faiaoga. Na ia tulei atu o ia i luma e faatasi i le lio a tamaiti.

Na ia fesoasoani e tausia Elise. Na ia ataata atu ia te ia, ma na ia ataata ia te ia.


Na fiafia Daniel na mafai ona toe i ai Elise i le fale. Na ia manao e avea ma se tuagane faapitoa ia te ia. ■
E alala le tusitala i Oregon, ISA.



Saunia e Elder
Dallin H. Oaks

O Le Korama a
Apostolo e
Toasefululuā

Aisea e taua ai le Togiola a le Faaola?




O le Togiola a lo tatou Faaola ua mafai ai ona toetutu ma o le a tatou toe ola pe a mavae ona tatou feoti.

Ua mafai ai foi ona faamamaina i tatou mai a tatou agasala pe afai tatou te salamo.

O se vaega o Lana Togiola, na puapuagatia lesu i luitau o ituaiga uma ina ia mafai ona la silafia le ala e fesoasoani ai ia i tatou ia maua se lagona sili atu pe a tatou faanoanoa pe o tauivi foi.

E mafai e lesu Keriso ona fesoasoani ma faamalosia soo se tasi e ole atu.

E malamalamo o la i lo tatou tiga ma puapuaga, ma ua i ai o la iina mo i tatou.



Mai le "Faamalosia e ala i le Togiola a lesu Keriso," Liahona, Nov. 2015, 61–64.

O LA TATOU ITULAU



Ou te taumafai e mulimuli i le faataitaiga a lesu i le fale, aoga, ma le lotu e ala i le fesoasoani i isi. Ou te fiafia e fesoasoani i au uo i le vasega i le matematika ma le Igilisi. O tamaiti o e usitai i o latou matua ma le Faaola o le a maua faamanuiaga.

Hannah S., 6 tausaga (i le taimi o le ata pue), Niteria

Ou te fiafia e tatalo aua ou te lagona e faamanuia i tatou e le Tama Faalelagi ma lesu Keriso. Ou te talitonu o loo soifua i Laua ma e alolofa ia i tatou.

Ou te fiafia i afiafi faaleaiga ma le alu i le lotu faatasi ma ou matua aua ou te aoao e uiga i le Atua ma Lona Alo.

Omar V., 7 tausaga (i le taimi o le ata pue), Ekuatoa



Toeitiiti atoa lou 12 ma maua le Perisitua Arona, lea o le a faatagaina au e ulu atu i le malumalu ma faia papatisoga mo ou tuaa. Ou te fiafia tele!

Abel S., 11 tausaga (i le taimi o le ata tusi), Peru



Saunia e Ananda A., 9 tausaga (i le taimi o le ata tusi), Pasila

FESILI MO OE

"O lou uso matua o loo auauna i le militeli, ma ou te misia tele o ia. E faapefea ona ou lagona le latalata ia te ia?"

Auina mai lau tali i le initonet i le liahona.lds.org (kiliki "Submit an Article") pe imeli lau tali i le liahona@ldschurch.org. Faamolemole ia aofia ai lou igoa atoa, tausaga, igoa o le siteki po o le itu, ma le faatagaga a matua.

E Alofa Iesu i Tagata Uma

Ina ua mavae le toetu mai o Iesu Keriso, na Ia asiisi atu i sa Nifae. Na Ia aoaoina i latou e uiga i le faamana-tuga, ma na Ia faaali ia i latou le ala e tatalo ai. Na Ia aoaoina i latou ina ia agalelei ma ia avea ma tagata e faatupuina le filemu. E ui na i ai le toatele o tagata, na Ia faamanuiaina tamaiti taitoatasi ma faamalolo tagata uma na mamai. Na Ia tatalo i le Tama Faalelagi mo sa Nifae aua sa Ia alofa ia i latou.



Na matou asiisi ma lou aiga i nisi o tamaiti matitiva ma tuuina atu ia i latou ni meataalo ma meaai. Ou te lagonaina le fiafia tele aua ou te iloa na ou fesoasoani i se tasi.

Lia C., 7 tausaga, Chihuahua, Mekisiko



"Avea ma Ou Lima," saunia e Kate P., 11 tausaga, Iuta, ISA



Oti, gagau, ma teu lenei kata o le lu'i!



E Mafai Ona Ou Agaalofa!

- Tauloto le 3 Nifae 12:16.
- Tuuina atu se ataata, opo, po o se tusi puupuu manaia e faaali ai i se tasi e te alofa ia i latou!
- Faitau le 3 Nifae 12:1–9 ma filifili se amioga e mafai ona e galue i ai i lenei masina.
- Ua ou luiina au lava ina ia . . .

O Mau o le Masina Lenei:

A uma ona e faitaua se fuaitau o mau, ona valivali lea
o vaega o fuainumera e tutusa i luga o le ata!

1 3 Nifae 12:1–9, 16

3 3 Nifae 13:6–8, 19–21

5 3 Nifae 18:19–21, 24



7 3 Nifae 19:11–26

2 3 Nifae 12:19–20, 44, 48

4 3 Nifae 18:1–12

6 3 Nifae 18:35–39

8 3 Nifae 20:1, 29–31




Isi Mamoe

Ao aoao atu Iesu i Ierusalema, na Ia tau atu i tagata faapea o loo i ai ia te Ia “isi mamoe” na Ia manaomia e aoao (tagai Ioane 10:16). Na fetalai o Ia e uiga i sa Nifae ma tagata i isi lauelele. Ina ua mavae Lona Toetu mai, na asiiasi atu Iesu ma aoao sa Nifae. E mafai ona e aoao atili e uiga i Lana asiasiga i itulau 76–78. Ma vaavaai mo le isi lu'i o le faitauga i le lomiga e sosoo ai! ■

Ua Asiasi Iesu i Tagata Sa Nifae

Ao soifua Iesu i
le lalolagi, na Ia
faamalolo tagata o e
na mamai pe mafatia.
Na Ia aoaoina tagata
i le ala e tatalo ai.
Na Ia faamanuiaina
fanau.



Na Ia valaaulia Apostolo e
12 ma tuu atu ia i latou le
faamanatuga e fesoasoani
ia i latou e manatua ai o Ia.


Ona maliu ai lea o Iesu
ma na toetu mai.



Ina ua Ia toetu mai, na asiasi atu Iesu i tagata sa Nifae, o e na nonofo i le isi itu o le vasa.

Na Ia valaaulia soo e 12 ma tuu atu ia i latou le perisitua. Na Ia faamaloloina tagata o e na mamai pe mafatia. Na Ia aoao tagata i le ala e tatalo ai. Na ifo i lalo tagata uma ma tapuai atu ia te Ia.





Na tau atu e Iesu i sa Nifae e aumai a latou fanau ia te Ia. Na Ia tatalo, ona Ia faamanuia ai lea o tamaiti taitoatasi. Na o mai agelu ma asiasi mai ia i latou.

Na tuu atu e Iesu i sa Nifae le faamanatuga ina ia latou manatua pea o Ia. ■



E Mafai Ona Ou Fesoasoani i Lo'u Aiga





Saunia e Peresitene
Ezra Taft Benson
(1899–1994)

Peresitene Lona
Sefulutolu o le Ekalesia

O LE MAA TUIA TELE O SIONA

O le faamaualuga e i ai le uiga o le fiatautavā.

O le faamaualuga o se agasala e matua malamalama sese i ai, ma o le toatele ua agasala ai e aunoa ma le iloa (tagai Mosaea 3:11; 3 Nifae 6:18). I tusitusiga paia e leai se mea e tau o se faamaualuga amiotonu—o taimi uma lava e ta'u ai o se agasala. . . .

O le ‘auga autu o le faamaualuga o le ita—ita i le Atua ma le ita i o tatou uso a tagata. O le *ita* o lona uiga o le “le fiafia, inoino, po o se tulaga o le tetee.” O le mana lea e manao Satani e pulea ai i tatou.

O le faamaualuga e i ai le uiga o le fiatautavā. Tatou te faatautava atu o tatou loto i le finagalo o le Atua. A tatou faatūtū atu lo tatou faamaualuga i le Atua, o lona uiga ua tatou faapea atu “e faia lo'u loto ae le o lou fingalo.” . . .

O le faatautava atu o o tatou loto i le finagalo o le Atua, o le a faatagaina ai le le puleaina lelei o manaoga, mea moomia, ma tuinanau (tagai Alema 38:12; 3 Nifae 12:30).

E le mafai ona talia e le tagata faamaualuga le pule a le Atua e tuuina atu le taitaiga i o latou olaga (tagai Helamana 12:6). E faatautava atu o latou manatu e uiga i le upumoni e faasaga i le atamai sili o le



Atua, o latou tomai e faatautava ma le pule o le perisitua a le Atua, mea latou te ausia e faasaga i Ana galuega mamana.

. . . E mananao e faamaualuga ia ioe mai le Atua ia i latou. Latou te le mananao e suia o latou taofi e ioe ai i le finagalo o le Atua.

O le isi vaega tele o lenei agasala taatele o le faamaualuga, o le ita i o tatou uso a tagata. E faaosoosoina i tatou i aso uma ia fia sili atu i lo isi tagata ma vaai maualalo ai ia i latou. (tagai Helamana 6:17; MF&F 58:41).

O le tagata faamaualuga, e fai tagata uma ma ona fili e ala i le sueina o ō latou atamai, manatu, galuega, oa, taleni, po o soo se isi fua faalelalolagi e faasaga i isi. I upu a C. S. Lewis: ‘O le faamaualuga na te le maua se fiafia mai le mauaina o se mea, na o le mauaina o mea e tele atu nai lo le isi tagata. . . . O le tulaga faatusatusa lea

e fai ai oe ma tagata faamaualuga: o le fiafia i le iloa ai ua sili atu oe nai lo isi. O le taimi lava e aluese ai le agaga lea o le fiatautava, o le taimi foi lena e aluese ai foi ma le faamaualuga” (*Mere Christianity* [1952], 109–10). . . .

O tagata faamaualuluga e sili atu ona fefefe i faamasinoga a tagata nai lo o faamasinoga a le Atua (tagai MF&F 3:6–7; 30:1–2; 60:2). “O le a se manatu o tagata ia te a'u?” e sili atu ona mamafa nai lo le “O le a se finagalo o le Atua ia te a'u?” . . .

A mauaa le faamaualuga i o tatou loto, o le a aveesea lo tatou ola tutoatasai mai le lalolagi ma saisaitia ai lo tatou saolotoga i le nofopologa i faamasinoga ma manatu o tagata. E leotele atu le feei a le lalolagi nai lo o musumusuga a le Agaga Paia. O manatu o tagata e tafiesea ai faaaliga a le Atua, ma faamaamulu ai e tagata faamaualuluga le āi uamea (tagai 1 Nifae 8:19–28; 11:25; 15:23–24). . . .

O le faamaualuga o le maa tuia tele lea i Siona. Ou te toe fai atu: O le faamaualuga o le maa tuia tele lea i Siona. . . .

E tatau ona tatou gaua'i atu “i uunaiga a le Agaga Paia,” ma tuu ese le “tagata natura,” faamaualuga ae avea ma “se tagata paia e ala i le togiola a Keriso le Alii,” ma avea “e pei o se tamaitiit, e usiusitai, agamalu, lotomaualalo.” (Mosaea 3:19; tagai foi Alema 13:28.) ■

Mai le “Ia Faaeteete I le Faamaualuga,” Ensign, Iulai 1989, 4–7). Faatulagaina faailoga.

MALAMALAMAAGA



O le a le galuega sili ona taua a se tamā?

"Atonu o le galuega sili ona taua a se tamā o le faaliliuina lea o loto a lana fanau i lo latou Tama Faalelagi. Afai e mafai e lana faataitaiga ma ana upu ona faataitaia ai foliga o se tagata ua tuuto atu i le Atua i le ola ai i aso taitasi, o le a tuuina atu e lena tamā i lana fanau le ki o le filemu i lenei olaga ma le ola e faavavau i le lalolagi a sau."

Elder D. Todd Christofferson o le Korama a Apostolo e Toasefululu, "O Tamā" *O Le Liahona*, Me 2016, 94.

EIAi Foi i le Lomiga Lenei

MO TALAVOU MATUTUA



E Leai se Tulaga Tutusa

LE AUALA UA FAATOSINA AI I
TATOU E ALA O FAASALALAUGA

Pe tatou te mananao i ai pe leai, ua aafia i
tatou e ala o faasalalauga i se tasi ala po o se
isi foi. E pule lava i tatou e filifili ma le poto.

i.44

MO LE AUTALAVOU

Aisea o Le Tusi a Mamona Ai?

i.58

Sa ou faamasinoina le Tusi a Mamona ae ou
te lei fatauina. Ona ou filifili lea e tuu atu i ai
se faamasinoga tatau.



MO TAMAITI



Ua Asiasi Iesu i Tagata Sa Nifae

i.76

Aoao lau fanau pe aisea na taua ai le asiasiga
a le Faaola i sa Nifae.